



336.2

h4-16

1871

1871

100

100

100

336.2

h-16

Հ Բ Ս Ս Բ Ս Կ Ո Ւ Թ Ի Ի Ն „Ս Բ Օ Բ Ը“

401

24 NOV 2011

339

30/0

Խ Ա Ժ Ա Կ

1323-100

\$ 3.00 \$

223

612

Հ Ա Ր Կ Ե Ր Ը Տ Ա Ջ Կ Ա Ս Տ Ա Ն Ո Ւ Մ



1003
11813

ՈՒՍՈՒՄՆԱՍԻՐՈՒԹԵԱՆ ՄԻ ՓՈՐՁ



Արտատպած «Մուրճ» ամսագրի
Թիւններով



(Handwritten scribble)

Բ Ս Օ Բ Ո Ւ
Տ Պ Ս Ս Բ Ս Ն „Ս Բ Օ Բ Ը“
1903

1885 VGM 3 S

003
1563

УПРАВЛЕНИЕ ЦЕНЗУРЫ

Дозволено Цензурою. Тифлисъ, 30 Октября 1903 г.



2323-91

460-91

223-9d

Յ Ա Ռ Ա Չ Ա Բ Ա Ն

Թուրքիան մեր ամենամօս դրացին է, բայց մեզ համար կարձես մի անձանօք աշխարհ է: Նա ունի որոշ ու սելուղական ազդեցութիւն մեր կեանքի, նրանում գոյութիւն ունեցող նիւթական, մսաւոր ու բարոյական հոսանքների վրայ: Պէտք է ուսումնասիրել մեր անմիջական դրացու քէ երկիրը, քէ նրա կազմութիւնը:

Մենք աշխատել ենք այստեղ ներկայացնել Տանկաստանի նարկերը: Սա մի ամբողջացած ուսումնասիրութիւն չէ, այլ միայն ուսումնասիրութեան մի փորձ, իւր բոլոր բերութիւններով:

Առանձին գրոյկով հրատարակելով մեր այս նիւրը, մենք ուզում ենք օրինակ տալ Տանկաստանի կեանքին մօտ ծանօթ անհասներին, քէ ո՛րքան հետաքրքիր ու անհրաժեշտ է հրատարակել, ծանօթացնել մեզ այդ երկրի հետ, ուսումնասիրել նրան բազմակողմանի կերպով: Այս տեսակէտից ներկայ աշխատութիւնս անհրաժեշտ գտայ առանձին գրոյկով լոյս բնծայել: Թերեւս փորձը ունենայ մի քանի հետեւողներ, աւելի ձեռննաս, աւելի լայն ծանօթութիւններով:

Խ Ա Ճ Ա Կ.



I.

Հ Ա Ր Կ Ե Ր Ի Ծ Ա Գ Ո Ւ Մ Ը

Ամեն պետութիւն հարկ է անում իւր ժողովրդից կամ իւր հարատակներից: Չկայ պէտքսրիւն, որ հարկ չվերցնէ:

Մարդկային սկզբնական հասարակութիւնների մէջ պէտքսրիւն (Etat, Staat, государство) չկայ. դրա համար նրանց մէջ հարկ էլ չկայ:

Սկզբնական մարդկութիւնը ապրում էր և այժմ էլ ապրում է փոքրիկ տնտեսով (գինս, կլան), կամ մի քիչ աւելի մեծ ցեղտեսով (տրիբու, աշիրէթ), կամ այդ երկուսի միջին աստիճանը կազմող եղբայրութիւնտեսով (ֆրատրիա): Սկզբնական այս միութիւնները անտեսական ու արիւնակցական կոմունիստական համայնքներ էին, որ ունէին իրենց և ներքին ու արտաքին գործերը, և համայնական հողա-

տիրութիւնը, համայնական որսորդութիւնը, համայնական անվերջ պատերազմները, և համայնական ժողովը՝ կազմած համայնքի թէ այր և թէ կին բոլոր անդամներէց՝ — հաւասար ձայնի իրաւունքով (ինչպէս այսօր Ամերիկայի կարմրամորթներին մէջն է), թէ իրենց ընտրած պետը (սախէմ, բէյս ալսախիալ), և այլն: Մի խօսքով՝ նրանք ամեն տեսակ համայնական սկզբնական ինստիտուտներ ունէին, բայց *պէստրիւն* դեռ չէին կազմում:

Բնութեան մէջ անշարժութիւն չկայ. ամեն ինչ շարժում է: Մի տեղ այդ շարժումը դանդաղ, աստիճանական զարգացում է (էւօլյուցիա), իսկ մի ուրիշ տեղ նա նոյն դանդաղ, նոյն աստիճանական շարժումն է դէպի յետ, դէպի քայքայում (դիսսօլյուցիա):

Յեզերի (արիբիւ) թէ թիւր, թէ մեծութիւնը աճում է սոյն ժամանակ միայն, երբ տնտեսական կեանքի զարգացումը արդիւնազորժութեան միջոցների կատարելագործութիւնը թոյլ է տալիս: Թւի շատանալու հետ միասին՝ դոյութեան անողորմ կախը ստիպում է նրանց կազմել *ցեղերի դաշնակցութիւններ* (fédérations des tribus): Սա կազմում է մարդկային սկզբնական հասարակութիւնների կառավարութեան ամենարարձր և ամենազարգա-

ցած ձևը: Մարդկային ընկերագիտութիւնը (sociologie humaine) գրանից բարձր վարչական ձև չի ճանաչում սկզբնական մարդկութեան համար:

Հասարակութեան էւոլուցիան արեց իր գործը՝ հասցնելով կառավարութեան ձևը մինչև ցեղերի գաշնակցութիւնը: Բայց մի ուրիշ էւոլուցիա կազմում էր նրա հիմքը, նրա սկզբնապատճառը: Քաւարդներն ազորութեան միջոցները կոսիտ, պարզ ու սկզբնական էին, մարդիկ ստիպւած էին խմբովին աշխատել, խմբովին սպառել, նրանք ստիպւած էին կոմունիստական կեանքով ապրել: Երբ գործիքն սկսեց դարձանալ այնքան, որ հնարաւորութիւն աւելցնեց անհատի, կամ մի փոքրիկ խումբ անհատների՝ անկախ ուրիշների ընկերակցութիւնից, իւր գոյութիւնը պաշտպանել իւր ուժերով՝ այն ժամանակ սկսեց երևալ մասնաւոր սեփականութիւնը, քանզեւ նախկին սկզբնական կոմունիզմը և նրա հետ էլ կառավարութեան այն ձևերը, որոնք ճշտութեամբ չափւած ու ձևած էին սեփականութեան այդ տեսակի վրայ:

Աշխատանքի բաժանումը խտացաւ: Հասարակութեան թէ՛ ներքին, թէ՛ արտաքին

գործերը բազմացան: Արդիւնքների փոխանակութիւնը կամ վաճառականութիւնը դարձաւ մի տեսակ անհրաժեշտութիւն: Երևացին բաւական պարզօրէն որոշուող արհեստաւորների, վաճառականների, հոգևորականների, սրտորդների և այլ դասակարգեր:

Մասնաւոր սեփականութեան զարգացումը ծնեցրեց մի երևոյթ, որ առաջ գոյութիւն չունէր սկզբնական կօմմունիստական համայնքների մէջ. դա *հարուս* և *աղքատ*, ունեւոր և չունեւոր խօսքերի հասկացողութիւնն էր: Հաւասարասէր տնտեսական կեանքը համայնքներում քանդուցաւ և ծնունդ առաւ տնտեսական անհաւասարութիւնը: Երևացին հարուստներ և աղքատներ:

Այնտեղ, ուր կայ հարուստ և աղքատ, անպատճառ կը ծագի և աղքատի մէջ ձգտում լսել հարստի ունեցածը: Այդ ձգտումը կը ծնեցնէ մի տեղ գոյութիւն (որը գոյութիւն չունէր սկզբնական կօմմունիստական համայնքի ներսում), մի ուրիշ տեղ—մարդասպանութիւն, թալան, դաւադրութիւն աղքատների ընդդէմ հարուստների— և այլն:

Մասնաւոր սեփականութեան շնորհով հասարակութեան ներքին ցաւերն աճում, բազմանում են և համայնքն ստիպւած է լինում

կազմել մի հիմնարկութիւն, մի ինստիտուտ, որ կարողանայ կարգ պահել և հասարակութեան ներսում (պլխաւորապէս), և դրսում — հակառակորդ հասարակութիւնների հետ յարաբերութեան մտած սակաւամիջ գէպքերում:

Ստեղծւում է *nusխկանուրխնը՝* այսինքն մի գասակարգ մարդիկ, որոնք պէտք է կարգ պահպանեն հասարակութեան ներսում, չթողնեն որ ուրիշի սեփականութիւնը (գրանից և նրա պասխը!!), նրա կեանքը ենթարկի վտանգի: Հին Ս.թէնքի հանրապետութեան մէջ և Սպարտայում առաջին ստիկանները միայն *սսռուկներն* էին, որովհետև մի ազատ (Եւպատրից) անդատութիւն էր համարում բռնի ոյժ և զէնք գործածել իւր նման մի ազատի գէմ:

Աստիկանութեան հիմնարկութեան հետ միասին առաջանում են և գատարանները կամ արդարութիւնը որոշող ատեանները:

Սկզբնական համայնքների մէջ ամեն մարդ, յաճախ և ամեն կին, կաւոյ էր. յատուկ զինւորներ, արհեստով զինւորականներ կամ պատերազմողներ չկային: Գուրս էր գալիս մի անւանի քաջ անհատ, որի վրայ մեծ համարում ունէին համայնքի անդամները, գիւղի մօտ՝ բաց գաշտում զինւորական պար էր սկսում մենակ: Բոլոր հասարակութիւնը հասկանում

էր, որ այդ անձը մտազիր է մի կախ, մի արշաւանք սարքիլ: Այլ ուզում էր կուռել. խակոյն գալիս միանում էր նրա պարին: Երբ պարն սկսուլը տեսնում էր, որ բաւական թւով մարդիկ միացել են իւր հետ, խակոյն զէնքերն աւնում, առաջ էր ընկնում, ունենալով իւր ետեւից պարին մասնակցող բոլոր ընկերները: Պարն սկսուլը դառնում էր և զինւորական պետ կամ սահաբն: Պատերազմը վերջանալուց յետոյ նրանք վերադառնում էին իրենց գիւղը և համայնքի խաղաղ, մշտական անգամներ մնում, մինչև նոր պատերազմ: Գերած աւարը համայնքին էր: Համայնքի ներսում բոլոր, արիւնակիցները բացարձակ հաւասար էին: Միակ նախապատուութիւնը տրւում էր ծերերին և փորձառու քաջերին:

Պատերազմի ամենագլխաւոր պատճառն էր աւարառութիւնը, ուրիշ ցեղի աշխատանքի արդիւնքը խելի, իւրացնել, ուրիշի աշխատանքով ապրել: Բռնւած գերիներին ուտում էին (մարդակերութեան շրջան), որովհետև արդիւնագործութեան խակ, երեխայական շրջանում միտք չունէր գիրի պահելը. բռնւած գերին եթէ ապրէր և աշխատէր, հազիւ իւր ապրուստը կարող էր հայթաթել: Իսկ երբ արդիւնագործութեան միջոցները դարգացան և մի

մարդու աշխատանքի արդիւնքը աւելի եղաւ, քան նրան պահելու համար անհրաժեշտ միջոցները՝ այն ժամանակ աւելի ձեռնտու եղաւ պատերազմական գերիներին, տիրած ցեղերին թող տալ ապրելու, ստիպել աշխատել և նրանց աշխատանքի արդիւնքը խրացնել՝ տալով նրանց ապրելու ամենաանհրաժեշտ նիւթերը միայն։ Պատերազմում յաղթող ցեղը կազմում էր տիրող — ազնական դասակարգը, իսկ յաղթւածը գառնում էր իրաւագուրկ ստրուկ, պլերէյ, իլօտ, պարիա, ֆելլա, ռայնա, ֆլա և այլն։

Յեղի կամ համայնքի զարգանալու հետ միասին՝ աճում ու զարգանում էր և ստրկատիրութիւնը, և ստրուկների թիւը։ Աթէնքի ծաղկած ժամանակը ստրուկները կազմում էին ազատներից (Յւպատրիդ) 4 անգամ աւելի մեծ թիւ։ Նոյն յարաբերութիւնը կար և Հռոմի պլերէյների և պատրիցիների մէջ։ Համայնքի արիւնակից՝ տիրող ցեղի անդամները գիտում էին ստրուկներին իբր *սոռ* մի ցեղ, իբր աշխատաւոր անասուններ։ Նրանց մէջքին էին բռնում բոլոր տնային ու դաշտային աշխատանքները, իսկ իրենց վերապահում էին *զէնֆ կրեղու իրաւունքը*, կռիւ վարելը, հասարակական գործերը և այն ամենը, ինչ որ իրենց գերիշխան էր զարձնում ստրուկների, հպատակների վրայ։

Նոյն իսկ տիրոզ ցեղի մէջ այդ հաւասարասէր դրութիւնը երկար չկարողացաւ շարունակել: Բնչպէս արդէն ասացինք, մասնաւոր սեփականութեան երեւոյլ հետ միասին՝ երեացին և հարուստն ու աղքատը: Կամայ-կամայ նիւթական հարստութիւնը մի խոր վիճ բացեց այդ երկու դասակարգերի մէջ: Հարուստներն սկսեցին նախ ստրուկներին իբր ուսիկան և իբր գիւնոր գործածել իրենց ներքին թշնամիների՝ աղքատների դէմ և ապա՝ — երբ շունետրների թիւն աճեց և ազատ շունետրներն սկսեցին անել նոյն աշխատանքները՝ ինչ որ ստրուկներն էին անում՝ — աղքատների մի մասն էլ՝ նիւթական կարիքից ստիպւած զինւոր-ստիկան դարձաւ և իւր դէնքն սկսեց գործածել իր վիճակակից աղքատ ազնւականի և ստրկի դէմ. պաշտպանելով տիրոզ հարուստի շահը:

Արեմն՝ մասնաւոր սեփականութեան ծնելու և զարգանալու հետ միասին աստիճան առ աստիճան ծնունդ առան ու զարգացան այն բոլոր ինստիտուտները, որոնք կազմում են պէտտրիւնը՝ իր ամբողջ բարդ կազմակերպութեամբ, իր վարչական մերենայի բոլոր մասերով: Ստեղծեցան բազմաթիւ հասարակական պաշտօններ, իսկ ամեն մի պաշտօն պահան-

ջում է պաշտօնեաների մի դասակարգ: Առաջացան բազմաթիւ ոստիկաններ, դատաստանական պաշտօնեաներ, աստիճանաւորներ, զինւորներ և այլն: Բայց դրանց համար ապրուստի միջոց էր հարկաւոր, որովհետեւ որքան հասարակական գործերն աճում, շատանում էին, այնքան այդ պաշտօնները դառնում էին մասնագիտական գործեր, որ խլում կլանում էին անհատի ամբողջ ժամանակը, այլ ևս անհնար էին դարձնում ծառայույլին գտնել այլ գրագմուռներ, իր ապրուստը ճարել որ և է կողմնակի գործով: Կարիք զգացւեցաւ վարձատրել, ապրելու միջոցներ տալ հասարակութեանը ծառայող պաշտօնեաներին:

Ահա պետութեան այս կարիքներն էին, որ ծնունդ տւին *հարկերին*:

Հարկերը մի տեսակ տուրքեր են, որ տալիս են պետութեան անդամները՝ վարչական մարմնի կամ պետութեան բոլոր ծախքերը հոգալու համար:

Պետութեան նոր ծնած ժամանակը հասարակական լաւ պաշտօնները վարում էին հարուստ ազնուականները կամ տիրոջ ցեղի անդամները (պատրիցիները՝ Հռոմում, եւպատրիզները՝ Յունաստանում, փարաւոնի ցեղը՝ Եգիպտոսում, ինկաները՝ Պերսում, նախարարները՝

հայաստանում և այլն): Սկզբներում գրանք վարում էին հասարակական պաշտօններն անվարձ, որովհետև միջոցներ ունէին: Քայց հասարակութեան զարգացումը նրանց մէջ էլ առաջացրեց պրատներ և այն ժամանակ հարկերը դարձան անհրաժեշտ:

Սկզբներում հասարակութեան պաշտօնեային տրւում էր որոշ չափի հող, որոշ թիւ ստրուկներ և կենդանիներ այդ հողը մշակելու և ապրելու համար: Յետոյ հարկը վերածւեց որոշ քանակութեան բերքերի, որ առնւում էր ամեն մշակողից կամ սեփականատիրոջից, ամեն ապրանք ներմուծող կամ արտահանող վաճառականից, ամեն արհեստաւորից և այլն: Վերջապէս երբ միջին դարի վերջերում հաստատուեցան մշտական զօրքերը (*armée permonente*), պետական ծախքերը շատացան հրէշաւոր չափերով և երբ երևան եկաւ *ապրանքային արդիւնագործուրքիւնը*, երբ փողը դարձաւ բոլոր առարկաների փոխանակութեան ընդհանուր չափը կամ միււրորը, այն ժամանակ և հարկերը սկսւեցան կամաց-կամաց վերածւել փողային ձևին. ապրանքներով կամ բերքերով (*in natura*) վերցւող հարկերը դարձան *փողային հարկեր*:

Այսօր բոլոր առաջաւոր ազգերի մէջ մենք տեսնում ենք միայնու միայն փողային հարկեր,

խոյն թոյրը վայրենի ու բարբարոս հասարակութիւններէ մէջ հարկն առնուում է դեռևս բերքերով: Քայց որովհետև կան նաև բազմաթիւ հասարակութիւններ և նոյն խոյն խոշոր պետութիւններ, ուր գտնուում են բարբարոսութեան և քաղաքակրթութեան մէջ տեղը՝ այդ պատճառով կան և երկիրներ, ուր հարկի մի մասը վերցւում է բերքերով, միւս մասը՝ փողով: Սյդպիսի երկիրներից են, օրինակ՝ Չինաստանը, Հարւէստանը և այլն. դրանց շարքում են և Պարսկաստանն ու Տաճկաստանը:

* * *

Մեր նպատակը չէ ոչ հարկերի ծագման ու դարգացման պատմութիւնը, ոչ էլ նրանց սխտեմները պարզելը: Վերելի ընդհանուր խիստ համառօտ տեսութիւնը մեզ համար անհրաժեշտ էր, որպէս զի Տաճկահայաստանի հարկային սխտեմը պարզէր այնքան, որքան հնարաւոր է:

Նոյն նպատակով յիշենք և այն, որ այսօր թոյրը քաղաքակրթ պետութիւնների մէջ երկու տեսակ հարկեր կան. ուղղակի և աւնուղղակի:

Ուղղակի հարկ ասում են այն հարկերին, որ առնում է պետութիւնը իւրաքանչիւր ընտանիքից և անհատից (որոշ բացառութիւններ

րով) կամ ամեն մէկից հաւասար չափերով. կամ համեմատ իր վճարելու կարողութեան: Ուղղակի հարկերը գրուած են շինութիւնների, հպերի, արտերի և այլիների վրայ. նրանք գրուած են պտուղների, գիւղատնտեսական և անասնապահական բոլոր արգիւնքների վրայ. արհեստաւորների, վաճառականների վրայ, ամեն անձի գլխի համար, ճանապարհների համար և այլն, և այլն: Իսկ անուղղակի հարկերը գրուած են գործածելիք ապրանքների, նրանց սպառաստող գործարանների, նրաց ծախսող վաճառականների, ուրիշ երկրներից ներմուծող ապրանքների վրայ և այլն:

Քանի գեռ մի պետութիւն յետամնաց է, նրա հարկերը լինում են առհասարակ ուղղակի: Որքան նրա ինդուստրիան, նրա գործարանները, նրա ներքին արգիւնագործութիւնը աճում զարգանում են, այնքան աւելի սկսում են աճել և անուղղակի հարկերը, որ վերջ ի վերջոյ ծանրանում են սպառող մեծամասնութեան վրայ: Սյոթ Եւրոպական զարգացած պետութիւնների մէջ կառավարութիւնների ելեմտացոյցի (բիւզջէպ) ³/₄-ը համարեան անուղղակի հարկերն են և միայն ¹/₄-ը ուղղակի հարկերը ¹):

Ծանոթութիւն: 1899 թի յունվար 1-ից մինչև 1900 թի յունվար 1-ը Ֆրանսիայի ուղղակի հարկերը



Որքան քաղաքակրթութիւնը հասնում է աւելի բարձր ստորձաննիւրի, այնքան աւելի մարդիկ սկսում են նորից վերազառնալ ուղղակի հարկերին և այն էլ՝ բոլոր հարկերը վերածելով մի և միատեսակ սեղակի հարկի: Եւ զա պէտք է լինի եկամտահի կարկը (impôt sur les revenus կամ income tax.):

Ի հարկէ եւրոպական ազգերի մշտական բանակները, կրթւած մարդկութեան «զինւած խաղաղութիւն» կոչւած հրէշաւոր վիճակը դեռ ևս թոյլ չին տալիս հարկերի թեթեւացման և նրանց բոլորի վերածման մի տեսակ արդար սկզբունքով բաշխուող հարկի: Բայց և այնպէս արդէն թէ կեանքի մէջ մասնակի կերպով

926,000,000 ֆրանկ էին, որոնցից մինչև 1900-թ. փետրվար 1-ը հաւաքւած էր 911,000,000 ֆր. և սպասիկ մնացած էր միայն 15,000,000 ֆր.: Իսկ նոյն թւին բիւզջէտի նախահաշւի մէջ անուղղակի հարկեր որոշւած էին 2,727,000,000 ֆր., բայց մինչև յունվար 1-ը (1900) հաւաքւեցաւ 2,833,000,000 ֆր., այսինքն՝ 106,000,000 ֆրանկ աւելի քան սպասուում էր: (Տես այդ թւի ելեմտից նախարարութեան հաշիւը փրանկոսական Chambre-ին ներկայացւած): Մօտաւորապէս նոյն պատկերն են ներկայացնում ևւ գիրմանական, ևւ իտալական ու աւստրիական բիւզջէաները:

2323-91
1003
71813
460-91 223-9p

սկսում է հկամտային հարկը իրականանալ և թէ մանաւանդ գրականութեան, լրագրութեան և հասարակական ժողովներում արծարծել, պարզարանել, ժողովրդի ամեն խաւերի մէջ տարրանալ, մինչև որ խնդիրը բոլորովին հասունանայ և իրականացման պայմաններ գտնի:

Այսպէս օրինակ՝ Անգլիայում արդէն հկամտի հարկը (income tax) որոշ և պարզ ձևով մտցւած է. մինչև 50 ֆունտ ստերլինգ (?) հկամուտը համարուում է ապրուստի ամենահարաժեշտ միջոց և նրա վրայ հարկ չի դրուում, իսկ նրանից աւել հկամուտ ունեցողի ամեն մի սսկի հկամտից առնուում է որոշ քանակութեան հարկ: Պրուստիայի մէջ էլ 1872 թիւն մինչև 420 մարկ (210 մանէթ) հկամուտ ունեցողը վճարում էր ամեն մի մարկի համար (50 կոպէկ) մի քանի պֆեննիկ: Իսկ 1883 թիւն գոյութեան ամենահարաժեշտ շափը 420-ից բարձրացաւ մինչև 900 մարկի (450 մանէթ): (Տես Deutsche Rundschau, Eugen von Philippovich-ի յօդւածը—Steuerreform und Socialpolitik, XX, № 7): Նայն սկզբունքը մտցւած է, քիչ կամ շատ շափերով և Աւստրիայում, և՛ միւս Արևմտեան Եւրոպական մանր ու խոշոր պետութիւնների մէջ: Բայց այդ հարկի հետ միասին կան և բազմաթիւ ուրիշ ուղղակի և անուղղակի հար-

կիր, և դեռ այնքան մօտ չէ, այն օրը երբ բոլոր հարկերը կոչնչանան և տեղի կը տան մի ուղղակի հարկի:

Առ այժմ մարդիկ ոչ միայն ձգտում են շատ ունեցողից շատ վերցնել հարկ, քիչ ունեցողից՝ քիչ, այլև աշխատում են եկամտային հարկը վերածել առաջաւակաւն անոց (impôt progressif—прогрессивный налогъ), այսինքն եկամտի առաջին 1000-ից վերցնել, օրինակ 5, երկրորդ հազարից ոչ թէ 2×5 , այլ օրինակ, $2 \times 5 + 2 = 12$ և այլն: Գրա հետ միասին օր օրի վրայ շատանում են ձայներն ընդդէմ անուղղակի հարկերի, նամանաւանդ սպառող մեծամասնութեան, բանւորների, շուկորների գործածութեան համար ամենաանհրաժեշտ իրերի վրայ զրւած անուղղակի հարկերի դէմ:

II.

ՏԱՃԿԱՍՏԱՆԻ ՀԱՐԿԵՐԻ ՏԵՍԱԿՆԵՐԸ

Տաճկաստանը, մանաւանդ նրա ներքին՝ Ս.սիական նահանգներն այնպիսի երկիրներ են, շրջապատւած այնպիսի ինքնօրինակ պայմաններով, որ նրանց երբէք չի կարելի գոտաւորել ուրիշ պետութիւնների շարքում և ընդհանուր օրէնքներ դուրս բերել նրա հարկային սխաւեմի մասին: Օրինակ՝ բիշ ու շատ քաղաքակիրթ բոլոր երկիրների հարկերը բաժանուած են երկու սրտ խմբերի. ուղղակի և անուղղակի հարկեր: Իսկ Տաճկաստանի հարկերը չ խումբ են, այն էլ իրենց ինքնօրոյն բաժանմունքներով: Աւղղակի և անուղղակի պետական կամ օրինակաւ հարկերի վրայ տեսանում է կրթւած մարդու համար անըմբռնելի մի հարկ ևս. *ուպօրիւնի հարկ*: Չուր տեղը կորսնէիք դուք քաղաքատեսական բառարաններում մի այլպիսի վայրենի հատկացուցութիւն: Ամեն հարկ *օրէնքով* է գնւում, իսկ *ուպօրիւնի* հարկ ոչ մի տեղ չի կարելի վերցնել, քացի Տաճկաստանից... Այդ խումբ հարկերը քրդերի, չերքէզների, ալբանացիների, մատամբ լազերի, գաղանների և այլ լծափառական զինւած ցեղերի վերցրած

հարկերն են, որ առնում են զէնքի զօրով, «ու-
ժեղի գերազայն իրաւունքով» :

Մի ուրիշ օրինակ՝ Ամեն բաղարակիր թ պե-
տութիւն ունի *աւուրդդակէ* հարկեր և այն էլ
խոշոր շափերով: Տաճկաստանն էլ ունի, միայն
ուրումնի, խղճուկ շափերով, սրովհետև ինչու
ստրիա չունի իր ներսում. պատրաստի ապրանք-
ներն ստանում է գրոսից՝ Եւրոպայից: Իսկ Եւ-
րոպան թուրքի հետ գաշնազիրներ ունի. 100
սկիւ արժէք ունեցող ապրանքի համար 8 սկիւց
աւելի մարտ հարկ չի տալիս թուրքի գանձարանին :

Առաջնակարգ պետութիւնների մէջ յաճախ
արդիւնագործութեան և վաճառականութեան այս
կամ այն ճիւղը մենափաճառութիւն է: Տաճկա-
ստանում էլ կայ այդ մենափաճառութիւնը: Տար-
բերութիւնը նրանումն է, որ ուրիշ պետութիւն-
ների մէջ մենափաճառը կամ ինքը՝ պետութիւնն-
է և կամ՝ նրա որոշ պայմաններով՝ տեղական
կամ այլ գրամատերերը, իսկ Տաճկաստանում
մենափաճառ են հանդիսանում միայն օտար
գրամատերերը, որ խոշոր փոխատուութիւններ
են արել Մարգարէի փոխանորդին և գրա փո-
խարէն ստացել են ծխախոտի, աղի, լճերի, ծա-
վերի և գետերի ձկնորսութեան, մարտաների,
ուղեկից խմիչքների, մետաքսի, ծովափերի, փա-
րսաների և այլ մենափաճառութիւններ: Միւս

պետութիւնների մէջ կամ պետութիւնը, կամ նրա թոյլութեամբ տեղական դրամատէրերը գների որոշ չափեր (normes) են նշանակում մենա շնորհւած ապրանքների համար, իսկ Տաճկաստանում պարտատէր — մենավաճառները դիտում են ամբողջ երկիրը և նրա բնակիչներն իբր որս — կեղեքիբ, որքան կարող ես, «կտրիբ ուկեր», որքան հնարաւոր է!

Ուրիշ երկրների մէջ ուղղակի հարկերը ծանրանում են գշխաւորապէս հողերի, այգիների, տների և այլ շինութիւնների վրայ: Եսկ Տաճկաստանում նրանք ծանր քարի պէս ճնշում են գիւղատնտեսական բոլոր արդիւնքները, անհատի գոյութեան իրաւունքը, արհեստաւորի ձիրքը և այլն, ի հարկէ չըննայելով ոչ հողային սեփականութիւնը, ոչ ուրիշ անշարժ կալւածները, ոչ էլ տնային կենդանիներին:

Մեր նպատակն է ծանօթացնել ընթերցող հասարակութեանը գլխաւորապէս Տաճկահայաստանի պետական ուղղակի հարկերի, նրանց գանձման սիստեմի, նրանցից առաջացած տնտեսական դրութեան և այլ երևայթների հետ: Գրա համար էլ մենք կը բաւականանանք միայն համառօտ ակնարկներ գցելով անուղղակի հարկերի և թափառական ցեղերի առած տուրքերի վրայ, թողնելով աւելի ձե-

ընհաս անձերի նրանց մանրամասն ուսումնասիրութիւնը:

III.

ՕՐԻՆԱԿԱՆ ՈՒՂՂԱԿԻ ՀԱՐԿԵՐԸ

Պետական կամ օրինական ուղղակի հարկերը մօտաւորապէս հետեւեալներն են. 1) գրխահարկ կամ Բեղեղը-հսկերիէ կամ զինուորական տուրք, 2) կաշւածնէրի հարկեր. ա) Տան հարկ կամ Էնչաֆ կամ Միւլֆիէ և բ. Հոգային հարկ կամ Արագը-Վերգըսի 3) Եօլ-Փարաւը կամ ճանապարհների հարկ, 4) Զբաղմունքի հարկ կամ քիճարէք, կամ դէմէք-քօհար կամ քէմէքքի, 5) Աւուսնական կամ բնտանեկան հարկ, 6) կենդանիների հարկ կամ Աղնւալ կամ Խաւչուռ 7) Երկրագործական հարկ կամ Աշար (տասանորդ), 8) Իմքիհաշ կամ ժառանգութեան հարկ, 9) Ապահովութեան հարկ կամ բազմանդ փարասը և 10) Պէտական պատահական հարկեր:

Քննենք կամ նկարագրենք, ի հարկէ՞ որքան կարելի է—այդ հարկերից ամեն մէկն առանձին-առանձին:

1) Պլխահարկ կամ Բեդէշը-էսկէրիէ.

Սա զինուորական հարկն է: Տաճկաստանում քրիստոնեան զինուոր չի կարող լինել. զինուոր առնում են միայն մահմեդականներէ, իսկ գրա փոխարէն՝ *ուայան*, հպատակ քրիստոնեան հարկ է տալիս: Տաճկական օրէնքով ամեն 135 արու անձից մի զինուոր է վերցում: Գրա համար էլ ամեն 135 քրիստոնեայ արու սայա պէտք է տայ մի զինուորի արժէքը գրամով, իբր փոխարինութիւն զինուորական ծառայութեան: Տաճկաստանում ամեն մի զինուորը գնահատում է 5,000 դահեկան (մի դահեկանը կամ մի դուրուշը արժէ մօտ 8—8¹/₂ կոպէկ, իսկ մէկ լիրան արժէ 108 դահեկան ընթացիկ զին): Այգպիսով՝ իւրաքանչիւր արու սայայի վրա ընկնում է 37¹/₄ դահեկան զինուորական տուրք:

Բէգէլը-լսկէրիէն առնում է 5 օրականից մինչև 75 տարեկան հասակը ամեն արու սայայից, լինի նա կազ, գոյր, հաշմանդամ, առողջ միևնոյնն է: Ի հարկէ օրէնքը նախատեսնում է «զինուորութեան համար անպետք» անձերի այս հարկից ազատելու պարագաները. նա կազերին, կոյրերին, պակասաւորներին և այլն՝ ազատում է այս տուրքից, միայն ինչպէս, ինչ ձևով՝ այդ մենք կը տեսնենք մի քիչ վարը:

Նախ քան այս հարկի հաւաքման ձևի և

Նրանում կատարուող բազմաթիւ զեղծումների մասին խօսելը՝ մենք չենք կարող շրացատրել նրա ծագումը, որ ներկայացնում է մի տեսակ սօցիօլօգիական հնուժիւն, որ գոյութիւն ունէր հին Աթէնքում, Սպարտայում, Հռոմում, Եգիպտոսում և այլն, և որ այսօր էլ դեռ գոյութիւն ունի մահմեդական Պարսկաստանում և Աֆրիկայի վայրենի ու բարբարոս ցեղերի մէջ:

Բեդեյը-Էսկերիէ՝ բառացի նշանակում է «զինւորութեան փոխարէն»: Ինչպէս ասացինք, ռայեան զինուոր չի տալիս և դրա փոխարէն պէտք է վճարէ այդ հարկը: Զինուոր վերցնել, զէնք տալ զեաւուր ռայեայի ձեռքը և նրան վարժեցնել այդ զէնքը գործածել՝ կը նշանակէ շափազանց միամիտ լինել: Չէ որ դժգոհութեան, անարդարութեան կամ ճնշման առաջին գէպքում և եթէ Մարգարէի փոխանորդի տւած սուր զէնքը կըզառնար իր և իր հաւատարիմ հետևորդների գէմ:

Բայց բեդեյը-Էսկերիէ նոր բառ է, արաբական լեզուից վերցրած հազիւ 40—50 տարեան դիմակ է: Ստոյգ է, անունը լոկ հըն-ջիւն է, գլխաւորը երկոյթի լուծիւնն է, բայց երբեմն էլ անունը ցոյց է տալիս բնորոշ կերպով Էնրեան ստոր, «մուռտառ» ծագումը:

Քանի զեռ թրքական լեզուն այսօրւան պէս
 չէր ստրկացիլ արարական լեզու առաջ, այդ
 հարկի անունը «խարաջ» էր, *խարաջ* — capi-
 tation — գլխահարկ: Դեռ 50-ական թւական-
 ներին Մ. Ա. Արքիշինին հետեւայն է ասում
 խարաջի մասին. «խարաջն այժմ այլևս այն չէ՝
 ինչ էր առաջ, երբ նա զբեցաւ յազմողներե
 կողմից յազմածների վրայ, իրր մի նիւթական
 (գրամական) պատվժ, որ փոխարինում էր գե-
 րութիւնը և նայն իսկ մահը, որին արժանի
 էին. իսլամականների աչքում, յազմած քրիս-
 տոնեաները կամ իսլամի ճշմարտութիւնները
 չճանաչելու կամ նրա զէնքի ուժին գիմարելու
 պատճառով: Ինչ որ ունէր նա (խարաջը) իր
 մէջ ստորացնող և զգուկի քրիստոնեայ ժո-
 դովրդների համար՝ անհետացել է. այժմ նա
 դիտւում է երկու կողմից էլ իրր փոխարինու-
 թիւն այն *արեան հարկի* (գինւորութեան)
 որ ծանրանում է լոկ մահմեդականների վրայ.
 (Lettres sur la Turquie — I partie, page 280):
 Այսպէս էր ասում թրքասէր Արքիշինին, զեռ
 1853 թւականին:

Բայց այս երկոյթը նոր չի ծնուել տաճիկ-
 ների մէջ և ոչ էլ միայն նրանց է յատուկ: Բո-
 լոր տիրող բարբարոս ցեղերը օգտուել են այդ

սկզբունքից իրենց հպատակների վերաբերութեամբ:

Երբ Սուլէյմանի առաջնորդութեամբ՝ 1224 թվին թուրքերը գաղթեցին Խորասանից և բուն գրին Հայոց Երկրի արևմտա-հարավային մասերում՝ նրանք դեռ վրանարնակ թափառական բարբարոսներ էին, առեղի վաս՝ քան այսօրւան լեռնական քուրդը: Սուլէյմանի բարբարոս հորդայի բոլոր արու և մասամբ էգ անդամները գինեւած կռօտներ էին, ճիշտ այնպէս—ինչպէս առաջին զլխում ակնարկեցինք սկզբնական այն ցեղերի մասին, որոնց մէջ դեռ *պեճուրխուն* չի ծնուել: Սուլէյմանը՝ ցանկալով վերագառնալ Խորասան, ճանապարհին մեռնում է և նրա 4 որդիներից ևրկուսը տանում են նրա հորդայի մեծ մասը Պարսկաստան, իսկ միւս ևրկու որդիքը՝ Գենդարը և Երտօգրուլը՝ 400 ընտանիքով, չւեցին գլպի Արևմուտք, Ալաէգդին I սելջուկեան սուլթանի հովանաւորութիւնը խնդրելու: Ալաէգդինը տւեց քաջ Երտօգրուլին Փրիւպիայի Քարահիսար քաղաքի մօտերը եղած Բիլէճիք ամրոցն իր հոգերով, ուր և Երտօգրուլը իշխեց մինչև 1288 թիւը: Նրան փոխարինեց իր որդին՝ Օսմանը կամ Օթմանը, որ իրեն հրատարակեց Բիլլջիկի և Քարահիսարի սուլթան և իր անուենով սկսեց փոզ

կորել տալ: Երսոպրուլի և Օսմանի ժամանակ իսկ թուրքերը սկսեցին տիրել Հայաստանի արևմտեան մասերին (Տես՝ Веѳеръ, Всеобщ. Исторія, т. VIII, էջ 580—581 և Ք. հոլ. Այվաղովսկի — «Պատմութիւն տանն Օսմանեան», հատ. 1): Նրանք տիրեցին և կամայ-կամայ հպատակեցրին իրենց բնակած շրջանի բոլոր ազգաբնակչութիւնները: Այդ տիրոջ ցեղը, արիքին կամ աշիրէթը բնականաբար իրեն համարում էր աւելի ազնիւ ծագումով, որ կոչւած էր միայն տիրելու, զէնք գործածելու, և կուսելու իսկ բոլոր տիրւած աշայաներն *ստիպուած* են հպատակել, աշխատել և տիրոջներին ապրելու միջոց մատակարարել: Օսմանի ցեղը իսկոյն զբրկեց հպատակներին *զէնք* կրելու իրաւունքից լիբերում ակնարկած պարզ պատճառով: Անյ յազմուցին... յազմուցը տէր է նրա կեանքի, նրա գլխի, նրա գոյքի: Տիրուցը «բաշխեց» նրան իր կեանքը. նա կարող էր սպանել, նրա արիւնը թափել, նրան շղթաների մէջ պահել: Բայց նա այդ շարեց, այլ *գլխագին, արեան գին, խարաջ*—*դանփարաւը* գրեց նրա վզին: Եւ հպատակը պիտի վճարէ ամեն տարի այդ հարկը. նա գրանով գնեց իր կեանքը: Ու վճարելիս նա միշտ պիտի յիշէ, որ ինքը մահուան

դատապարտւած մի ստրուկ է... մի յազմւած,
մի թոյլ...

Այդ բաւական չէ: Տիրոջը հպատակից տարբերելու համար՝ զրկեց նրան որոշ գոյնի զգեստներ հագնելու, որոշ տեսակ գլխարկ ծածկելու իրաւունքից: Օրինակ՝ առանց կարմիր հագուստ կրելու իրաւունք չունէր, որովհետեւ բարբարոս արեւելցու տղայական երեակայութիւնն այդ խիստ գոյնը համարում էր ազնականութեան նշան: Այդ էլ բաւական չէ: Անզէնացած առանցքը զրկեցան և պետական դատարանում վկայուրիւն տալու իրաւունքից, երբ այդ վկայութիւնը տիրոջ ցեղի անդամներից մէկի կամ նրանց կրօնակիցների գէմ էր ուզուած: Ռայեայի վկայութիւնն ընդունւում էր միայն առայի դէմ:

Մահմեդի կրօնը լրացրեց ու սրբազորձեց տիրոջ Օսմանցիների այս բարբարոս սովորութիւնները, դարձրեց նրանց Շարիէթի օրէնք, իբր մարգարէի բերանով Ալլահից սրբւած անխախտելի դիրք:

Անցան տարիներ և դարեր: Օսմանի հաւասարասէր տիրոջ ցեղի անդամները շատացան: Նրանց մէջ էլ առաջացան նիւթական անհրաժեշտութիւնից ստիպւած՝ երկրագործներ, արհեստաւորներ, վաճառականներ: Աշ-

խատանքը բաժանեցաւ: Ճիւղնդ առան և զարգացան աղքատ ու հարուստ, աշխատաւոր կամ կառավարուող և կառավարող դասակարգեր: Առայան և տիրող ցեղի ահագին մեծամասնութիւնը տնտեսապէս իրար հաւասարեցան և մինչև իսկ տիրողների աղքատ մասը ռայայից էլ աւելի նեղ նիւթական վիճակի հասաւ, որովհետև աւելի յետամնաց, աւելի բիշ կուլտուրական տարր էին: Բայց որովհետև երկրի օրէնքները հրատարակած էին իբր *անխախտ Աստուծայիև դիրք*, որ փոփոխել անկարելի է, զրա համար էլ բոլոր մահմեդական տարրերը պահպանեցին իրենց սկզբնական *սիրողի առանձնաշնորհումները*: Մինչև օրս էլ ռայայից շատ աւելի աղքատ թուրքն ու բուրաքը զէնք կրելու իրաւունք սւնին. մինչև օրս էլ ռայայի վկայութիւնը էապէս գին չունի մահմեդականի գէմ, թէև Բեռլինի դաշնագիրը «թղթի վրայ» ոչնչացրեց այդ բարբարոս օրէնքը:

Այսպէս ուրեմն՝ գլխահարկը, զէնք կրելու իրաւունքից գուրկ լինելը, վկայութեան շնորհուրէիլ և այլն՝ մնացորդներ են հին, բարբարոս ժամանակների: Ժամանակը հասարակական կազմը, նրա պայմանները, տնտեսական ու քաղաքական կեանքը զարգացել, առաջ են շարժուել,

խակ երկրի սրուշ օրէնքները, նրա մի քանի
ինտոլտուաները մնացել են հին տարրերինը։
Գրանից առաջացել է մի հրէշաւոր դիսսօնանս
կեանքի ներկայ պահանջների և հնացած ին-
տոլտուաների մէջ։ Եւ դրա շնորհով ամբողջ
Տաճկաստանը այսօր մի կարմիր, մի արիւնոտ
ծով է դառել։

Տարօրինակ բան. զինուոր չեն աճուում
ուայայից, զրկում են նրան զէնք կրելու իրա-
ւունքից, խլում են նրանից բարբարոս երկ-
բում իրաւունք ճանաչեցնել տուող այդ միակ
գոծիրը՝ դրանով ոայային դիւում են մի ան-
պաշտպան ստրկի դրուժեան մէջ և դեռ նրա-
նից հարկ էլ են ուզում, որ այդքան սպորմելի,
այդքան ստոր դրուժեան հասցրին նրան...

Բայց օրէնքը, տառը անփոփոխ է մնում,
խակ էութիւնը փոփոխուում է։ Սկզբնական խա-
րաջն էլ փոփոխուեցաւ և կամաց-կամաց դար-
ձաւ այսօրւան բէզէլը-էսկէրիէն։

Գեռ 1570 թւին Լիօնում հրատարակած
իր զբքում Ֆրանսիայի զիտնական Ռիգօն հե-
տեհայն է ասում. «Սուլթան Բայազէդի ժա-
մանակի (XV դար) հաշիւն արին և գտան, որ
նա ունէր իր իշխանութեան տակ 1.110.000
կառկ վճարող բրիտոնեաներ, չհաշուելով նրա
զերիշխանութիւնը ճանաչող մանր իշխանու-

թիւնները և *frhusnliեաների երեխաները, որ փոքր եւ եւ հարկ վճարեցու հասակին դէռ հաւած չեւ*» (La Généalogie du grand Turc, etc. Lyon, 1570 թիւ):

Այս քաղաքից պարզ երևում է, որ առաջներում գլխահարկ վճարում էին միայն հասակաւոր արու անձները, իսկ փոքրներն ու կիները ազատ էին այդ հարկից:

1834 թիւն, Սուլթան Մահմուդի օրով փատիշահի մի իրասէտով հրամայեցաւ խարաջ առնել ամեն գլխի համար 15, 30 և 60 դահեկան՝ համաձայն կարողութեան: Ազատ էին խարաջից կիները, երեխաները, ցնորաւածները, պակասաւորները, աղքատները և հոգևորականները. 1850-ական թիւերի գրող Աբրիշինի կարծիքով՝ այդ հարկի միջին շափը պէտք է հաշւել 40-ական թիւերի համար՝ 25 դահեկան, որովհետև հարուստ քրիստոնեաների թիւը շատ քիչ էր. իսկ մենք կաւելացնենք, որ ամենախոշոր հարուստներն ապրում էին Պարսում—նրանք էլ, իբր մայրաքաղաքի բնակիչներ՝ ազատ էին այդ անպատուարեր հարկից: Մեր կարծիքով Հայկական գաւառների համար հազիւ կարելի լինէր այն ժամանակուայ գլխահարկը 20 դահեկան հաշւել: Եւ այդպիսի վկայութիւններ էլ մինչև օրս կարելի է լսել Տաճ-

կական լծի տակ ապրած գառամեալ ծե-
րերից:

Սուլթան Մահմուդի օրով, համաձայն այդ
իրադէի, սէտք է հաւարւէր 40.000.000 գա-
հեկան խարաջ. ասել է—մօտ 1.600.000 հար-
կատու արու քիստոնեաներ են եղել այդ թւե-
րին:

Նախ քան 1834-ի ֆիրմանը՝ այդ հարկը
գանձուում է յատուկ նշանակւած դօրձակալնե-
րի կամ ղօշձի-ների ձեռքով: Բիանքին իր «բա-
ռարանի» մէջ յիշում է մի շատ բնորոշ միջոց,
որ գործ էին դնում ղօշձիները երեսաների
հարկատու հասակին հասած լինելը իմանալու
համար: Նրանք թելով չափում էին երկխայի
վիզը, յետոյ թելի երկու ծայրերը տղային էին
տալիս ատամներով ամուր բռնելու համար և
վորձում էին անցկացնել նրա գլուխը թելի
կազմած շրջանի միջով: Եթէ անցնում էր, նրա
վրայ նշանակում էին խարաջի ամենափոքր
չափը, որ յետոյ աճելով՝ հասնում էր նրա կա-
րողութեան համար որոշւած ամենամեծ չա-
փին: (Bianchi-«Dictionnaire»-Kharadj բառը):

1834-ի իրադէն մասամբ վերջ գրեց ղօշ-
ձիների անկարգութիւններին, յանձնելով գր-
խահարկի բաշխումը, նրա չափի որոշումը և
գանձումը՝ գաղթին, միւսէլիմին և օթիօղային

կամ նրանց ներկայացուցիչներին. սրանք պէտք է իրենց ժողովին հրաւիրէին փափագ-ներին (քահանայ) և «խօջա-բաշիներին» կամ ժողովրդի «խշիւաններին»: 1850 թւին, Սուլթան Արդ-իւլ Մեջիդի օրով՝ մի նոր ֆիրման յայտարարեց, որ «այսուհետև գլխահարկի գործում միայն քրիստոնեաների և հրէաների կրօնական պետերը պէտք է լինեն միջնորդ հարկատու ժողովրդի և գանձարանի մէջ»: Այս իրադէպը հիմք դրեցաւ ժողովրդի «համայնական պատասխանատուութեան» (in corpore), որի արդիւնքը կրտսնները քիչ յետոյ:

Այսպէս որեմն XVIII դարի վերջերում 10 դահեկան եղող գլխահարկը 1834-ի իրադէպով բարձրացաւ մինչև 20 դահեկանի, իսկ 1850-ի իրադէպով և մանաւանդ Խրիմի պատերազմից յետոյ տիրոջ թրքական նիւթական խիստ կրիդի պահուն եղած կարգադրութիւններով՝ նա հասաւ 27 դահեկան 30 փարայի ($27\frac{3}{4}$ դահ.): Իսկ վերջին ռուս-թրքական պատերազմից յետոյ նրա քանակութիւնը հասաւ $37\frac{1}{4}$ դահ. ահագին չափին: Միւս կողմից՝ նախ քան Համիդ II-ի «ոգորմած» թագաւորութիւնը միշտ մինչև 15 տարեկան հասակը՝ երեխաներն ազատ էին այդ ճնշող հարկից, իսկ այդ թագաւորութեան օրով բոլոր արու անձերը՝ ծնած օրից սկսած

մինչև խոր ծերութիւն՝ ենթարկուեցան այդ հարկին:

Կառնանք բէզէլը-էսկէրիէի գանձելու ներկայ եզանակին:

Կառավարութիւնը հաշուում է ամեն գիւղի, ամեն համայնքի կամ թաղի արու բնակիչների ընդհանուր թիւը և իւրաքանչիւրի համար նշանակելով $37\frac{1}{4}$ գահեկան տարեկան՝ ընդհանուր գումարը յայտնում է հողւոր վարչութեան, վերջինս էլ տեղական ներկայացուցիչին: Յնչպէս ասացինք, այդ արունների մէջ կարող են լինել կողեր, կոյրեր, հաշմանդամներ, հիւանդոտներ, խելառներ, համրեր և այլն. գրանք բոլորն էլ մնում են հարկատուների ընդհանուր թւի մէջ: Կառավարութիւնը ճանաչում է գիւղը, թաղը կամ համայնքը— ընդհանրութիւնը (եւ ճեմար) իբր մի ամբողջութիւն, որ պէտք է որոշ գումարը լրիւ վճարէ: Բայց մեծահոգի կառավարութիւնը մտածում է և այդ գինւորութեան համար անպէտք անձերի մասին: Մի կողմից նա նրանց վրայ էլ հարկ է դնում, միւս կողմից շոշոռ կարկի գումարը պահանջում է ամբողջութիւնից, որ իր մի գահեկանն անգամ չկորչի. իսկ երրորդ կողմից յանձնարարում է հարկատու համայնքին, որ 15 տարեկանից փոքր

անձերի տուրքը թիչ նշանակեն, որ հաշման-
 դամներին, վիատաժներին, խելառներին կամ
 բառ տաճիկներին՝ «Ստոժու մարդկանց» և այլն՝
 բոլորովին ազատեն հարկից։ Սա բարեգոր-
 ծութիւն է, բայց ի հաշիւ ժողովրդի, ի հա-
 շիւ հարկատու համայնքի վճարելու ընդունակ
 անձերի։ Թաղը, համայնքը և այլն՝ ծառայում
 են կառավարութեան աչքում իբր Ըխկալ հիմ-
 նարկութիւններ։ Անկարող անհատներից դըժ-
 ւար է հարկերը գանձել՝ ուրիմն՝ թող ամբող-
 ջութիւնը վճարէ, թող համայնքը լինի պա-
 տասխանատու իր բոլոր անդամների համար
 պետական գանձարանի առաջ։ Սա 1850 թւի
 իրադէի արդիւնքն էր։

Ենթադրենք, որ գիւղի վրայ բնկել է ու-
 գիւ 10 000 դահեկան, որովհետեւ համաձայն
 առաջնորդարանի տւած տեղեկութիւնների և
 «համիդիէ» թղթերի կամ ծննդեան վկայական-
 ների՝ այդ գիւղում կայ 270 տղամարդ 1-ից
 մինչև 75 տարեկան հասակը։ Հարկը բաժ-
 նուում է (քաւձ անել), բայց հէնց դրա երկ-
 բորդ օրը կարող են մեռնել 10 արու գաւակ-
 ներ, այդ նշանակութիւն չունի՝ մեռածից էլ
 հարկն առնում են ցնոր կարգադրութիւն։

Ամեն գիւղի կամ թաղի բեգէլը-էսկէրիէի
 չափը որոշելուց յետոյ՝ յանձնւում է մխսարիւն

զանձեկու: Մխտարն ընտրուած է զիւզից կամ թազիցիներից, և ներկայանում է կառավարութեան առաջ իրը պատասխանատու իր շրջանի գինւորական տուրքի համար: Միննոյն մարդը կարող է լինել միւսսար մէկ, երկու և աւելի զիւզերի կամ թազերի համար:

Ընտրած մխտարի համար կառավարութիւնը պահանջում է առնուազը 2—3 կարող երաշխատու անձեր ամեն զիւզից կամ թազից, որ եթէ մխտարը փշտցնի կամ ծախսի հաւաքած գումարներից, այդ ստորագրողները պարտաւոր լինեն վճարել նրա փոխարէն: Իսկ այդ մխտարին երաշխատու կանգնող անձերը յաճախ վերցնում են նրանից որոշ ստորագրութիւն, և իրը զբաւական, կամ նրա հոգերը, կամ նրա տունն ու այգին: Իսկ եթէ Մխտարն ունի այնքան կալած, որ կարող է ապահովեցնել իր շրջանի հարկերը՝ կալածները կրգնէ կառավարութեան մօտ իրը զբաւական և այլ ևս երաշխատուների կարիք չի ունենայ:

Այսպէս փոխադարձ ապահովելուց և բոլոր ձեռականութիւնները կատարելուց յետոյ «ժողովրդից» ընտրւած մխտարը մանում է իր պաշտօնի մէջ: Նա կամ ինքն է հաւաքում հարկը կամ իր կողմից նշանակում է հարկահաններ (գապզրմայ): Մխտարը կամ գապզր-

մալը միշտ ստանում է կառավարութիւնից մի քանի *գաւիքիէներ* (սստիկան) հարկերը գանձելու համար: Եթէ որեւէ անձ չի տալիս տուրքը՝ մխտարը նրան անմիջապէս բանտարկել կըտայ Ալայ-բէյի կամ Զարիթա-Մլմուրի (*գաւիքիէների մեծի*) միջոցով, կամ չվճարողի կահ-կարասին, անկողինը, անհրաժեշտ բոլոր իրերը ծախում և պարտքը լրացնում են:

Մխտարն ստանում է որոշ ուճիկ, նայելով իրեն բնորոգների հետ կապած պայմանին: Նրա ուճիկի չափը կախում է հաւարելիք հարկի չափից: 100-ին 4—10% նշանակում է մխտարի համար և բարդում ժողովրդի վրայ, այնպէս որ հարկահանը կամ մխտարը կառավարութիւնից ոչինչ ծախք չի պահանջում:

Եւրաքանչիւր գիւղի կամ թաղի յայտնւում է իւր վճարելիք հարկը և ապա համայնքն սկսում է այդ որոշ գումարը բաժանել (թաւճ անել) իւր անդամների վրայ *հաւմիաշակաւ* սկզբունքով. շատ ունեցողից շատ են առնում, քիչ ունեցողից՝ քիչ. իսկ ազբառներին, անկարողներին և պակասաւորներին բոլորովին ազատում են տուրքից, ի հարկէ բարգելով նրանց բաժինները ունեւորների վրայ: Եթէ նահապետական ժողովրդի մէջ մնացած այս արդարասէր փոքրիկ մնացորդներն էլ տեղ-տեղ

գոյութիւն չունենային՝ վազնւց հիմնադրուած
եղած կը լինէր թրքահայատակ բրիտանականները
բոլոր անտեսութիւնը:

Գիւլի կամ թագի մէջ բաժանած հարկերը
ցուցակագրուած և հոգևոր կառավարութեան կամ
առաջնորդարանի միջոցով յայտնուած են կառա-
վարութեան, այս վերջինս էլ ցուցակագրելով
այն խր թղթերում, մի օրինակ պաշտօնապէս
ուղարկուած է մխտարին, որ սկսի գանձումը:

Հարկերից ամենապարզը և, ըստ երկոյթին՝
այնպիսին, որի մէջ ոչ մի հնար չպէտք է լի-
նէր որիէ զեղծում գործելու՝ այս զինուորական
հարկն է: Բայց յետամնաց ու անիշխանութեան
մատնուած երկրներում ոչինչ չի կարող կատար-
ւել առանց զեղծումների: Բէտէլը - էսկէրիէի
գանձման մէջ էլ մտնում են բազմաթիւ զեղ-
ծումներ: Յիշենք մի քանի զլիսաւորները:

Մխտարի ընտրութեան մէջ, հարկերի համ-
փայական բաժանման խնդրում և այլ « հասարակական վճիռներով » կատարուող գործերում
համարեալ երբէք հասարակութիւնը չի մասնակ-
ցում իր բոլոր հասակաւոր անդամներով, ամեն
տեսակ ընտրութիւններ, ժողովներ ու վճիռներ
կայացնում են հասարակութեան մի քանի « իշ-
խանները կամ հարուստ, ազդեցիկ անձերը, որ
և ժողովուրդի արիւնը ծրծող վաշխառուներն

են: Սա, իհարկէ, արդիւնք է մեր ժողովուրդի խաւար, մութ մտաւոր վիճակի, նրա դարևոր ստրկական կեանքի ու բնաւորութեան:

Բէտէլը-էսկէրիէն բաժանում են այդ «խշխանները» գիւղերում և ապա թուղթը ուղարկում մօտաւոր հոգևոր վարչութեան, իսկ քաղաքներում՝ այդ անում են առաջնորդի մասնակցութեամբ: Առաջնորդարանը այդ իբր թէ «հասարակական վճիռը» ուղարկում է կառավարութեան, որ և վերադարձնում է մխտարին դանձելու:

Տղէտ, անդրապէտ ռամիկը ոչինչ չի հասկանում այդ ժողովներից, այդ օրէնքներից, կարգերից ու վճիռներից: Հոգևորականը, որ պիտի նրա օգուտը մտածէ, առաջնորդը, որ պէտք է նրան առաջնորդէ, գէպի լաւը, բարին ու մաքուրը՝ միանում է համարեան միտ կեցերոզի, վաշխառուի, տղրուկ աղայի հետ: Ամբօխը, ռամիկը մնում է մտքորած ոչխարի վիճակում: Մխտարը յայտնում է նրան, թէ հարկն այսքան է որոշւած — և նա լսում, հաւատում է... Ընչ կարող է անել. բողոքելը նրա վրայ միշտ աւելի թանգ է նստել, բան որևէ ապօրինի պահանջ կատարելը: Շատ էլ հեշտ մարտիւլու բան չէ աշխարհիս կարողների կամ իշխանաւորների գէմ բողոքելը նամանաւանդ ապօրինութեան

կամայականութեան ու կաշառակերութեան թագաւորութեան երկրում:

Ուրեմն՝ մի ողորմելի, *ռչխար* անգրագիտից շատ կամ քիչ առնելը կախած է մխտաբի բարոյականութիւնից: Եւ ահա ձեզ զեղծման մի հսկայական դուռ բացւած:

Հարկն ստանում է մխտարը և ստացազիր է տալիս, այն էլ թուրքերէն: Կարգալ չգիտէ ամբօխը, ի՞նչ և ի՞նչքան է գրւած, իւր համար անյայտ է: Ծալում, ծոցն է գնում: Յաճախ ստացւում է շատ՝ գրւում է քիչ: Երբեմն ստացազիրն է կորչում և մխտարը երկրորդ, նոյն իսկ երրորդ անգամն է գանձում նոյն հարկը նոյն անձից: Չլուծից, իսկոյն մխտարը բանդ է գցել տալիս ըմբոստին ալալ բէյի միջոցով: Ամեն մարդ շի կարող տանել տաճկական բանտի, այդ իսկական գժսխքի կեանքը: Եւ այն ժամանակ սկսւում է կաշառակերութիւնը: Բանդի հասարակ դռնապանից «բաբուլձիից», շաւուշից սկսեալ մինչև ամենաբարձր պաշտօնեան կաշառք են ուտում բանտարկւածից և նրա մասին աշխատող բարեկամներից: Եւ ի՞նչ անեն առիական բռնապետութեան այդ մեղկ ու ողորմելի ծառաները, ռոճիկ չեն ստանում կամ տարւայ մէջ միայն երկու անգամ են ռոճիկի երես տեսնում, այն էլ բայրամից բայրամ: Նրանց

ապրուստի համարեան միակ միջոցը, նոյն իսկ թրքական մայրաքաղաքում՝ կաշառքն է մեռում: 50 դահեկանի համար բանդ գնացող աղքատ անձը հաճախ ծախսում է իրը կաշառք՝ 200-300 դահեկան, մինչև որ կարողանում է իր կաշին այդ ծուղակից ազատել: Այդ էլ քիչ է: Վերջին ժամանակներս՝ բանդարկութեան ամեն մի շրջին առթի ժամանակ ասպարէզ է դալիս «կոմի-թաճիութիւնը» որով սարսափեցնում են ունեւոր և խաղաղ ռայային և կոզոպտում նրայ ամբողջ ստացածքը : Յաճախ, շատ յաճախ ստեղծում են բանդարկութեան շիշին պատրւակներ. նետում են բանդը հայ հարուստներ, ծծում, բամում նրա կարողութիւնը, պցում նոյն իսկ պարտքի տակ և ապա ազատ արձակում «շր-նորհիւ փհափառ Սուլթանի»: Արդէն «չորը պղտորած» է. բարձրից սրոշ ողի և ուղղութիւն է ներշնչւած. և «ձկնորսների» թիւը բազմացել է: Չափազանցութիւն չէ, երբ ասում են, որ Տաճկաստանում մարդ բանդ է գեռում գաւառի կամ քաղաքի ամենահարուստը համարելով՝ այնտեղից գուրս է գալիս օր հացի կարօտ, իրը մութացիկ:

Կան գիւղեր ու գաւառներ, ուր ժողովրդի մէջ, ինչպէս փերեում նկատեցինք, հաւմիւայակաւ կամ համայնական սովորութիւնները մա-

սամբ մ'նացել են և հարկ տոնելում է՝ շատ ունեցողից շատ, քչից՝ քիչ: Բայց շատ տեղեր էլ այդ արդար սովորութիւնը վերացել և *անհասակսնուրբիւնը* խոր արմատ է բռնել: Այսպիսի տեղերում ազրատ և բազմանդամ ընտանիքները չափազանց ճնշում են զինուորական տուրքի ծանրութեան տակ:

Թէ համայնականութեան և թէ անհատականութեան շրջաններում հարկահանների գործադրած ամենատոբորական և ամենավնասակար զեղծումը հետեւեալն է: Մխտարը, համաձայնութեամբ տեղական իշխանութիւնների, խւրացընում է ժողոված հարկի մի մասը և այն ցոյց է տալիս իրր ապառիկ պանդխտութեան գնացած անձերի վրայ: Ահրազառնում են այդ անձերը պանդխտութիւնից, հետները բերելով իրենց ազի քրտինքի մի քանի քարացած կաթիլները — մի քանի լիտ, կառավարութիւնը բռնում, մխտարի ցոյց տւած բոլոր ապառիկները նրանցից է աննում, տակը մ'նացած փողն էլ սպառում են միւս պաշտօնեաները՝ շատ շտանջելու կամ «նրա Ստամբոլի, Պուլլարստանի, Մոսկօփի մէջ բրած կօմիթաճիութիւնները» ծածկելու համար: Իսկ այս ամենի գէւմ քրիստոնեայ ուսյան մի միջոց միայն ունի, ազաչել, ոտ ու

ձեռք համբուրել, տանջել ու լուխ։ Բողոքելու մասին նա չի մտածում անգամ.

Վեհապետեան Յարութիւն պատրիարքի օրերում (1885-87) լոյս ընկաւ Երուսաղէմի շարաբատիկ պարտքի խնդիրը։ Եթէ շեմ սխալում այդ պարտքի չափը 60,000 ոսկի էր (մօտ 516,000 ռուբլի)։ «Ժողովուրդի ցաւը մտածող» Յարութիւն պատրիարքի խնդիրով Սուլթանը կարգադրեց, որ զինուորական հարկի վրայ աւելացւի ամեն մի արու անձին 3 դահեկանը ևս, որպէսզի 3 տարւայ ընթացքում բոլոր պարտքը գանձւի։ Այսպիսով 37¹/₂ դահեկանը, դարձաւ 40¹/₄։ Երեք տարի հաւաքեց, «անտակ կարաս» Երուսաղէմի պարտքը վճարեց, իսկ աւելացած 3 դահեկանն այլևս չվերացաւ... Այդ էլ եղաւ Յարութիւն պատրիարքի հասցրած «խէրը» հայ ժողովուրդին։ Քանձւած գումարից 14,000 ոսկի կարծեմ դեռ ևս մնում է կառավարութեան մօտ։ Աշըգեան, Բարգուզիմէոս Իզմիրլեան և նոյն իսկ Յարութիւն պատրիարքները շատ անգամ ջանացին դուրս աննել այդ գումարը, բայց բոլոր ջանքերն իդուր անցան, գանձարանը դատարկ է... Շատ անգամ ժողովուրդը խնդրեց, որ աւելորդ 3 դահեկանը վերցնեն, շատ անգամ բողոքեց, բայց բողոքներին ու խնդիրներին լսող չեղաւ...

Այս հարկը թեթեացնելու համար ժողովուրդը աշխատում է ծածկել իր արու գաւակների թիւը: Այսպիսի ծածկածներ շատ կան: Իսկ եթէ պատահեց, որ բացեց, իսկոյն կառավարութիւնը բոլոր անցած տարիների թիւով 41 գահեկան միանգամից է աւելում և մի տուգանք էլ վրան աւելացնում: 1900 թւականին Բ. Գրան կարգադրութիւնով ամենախիստ հրամաններ գնացին Պօլսից բոլոր գաւառներ, որոնցով հրամայում էր մխտարներին «արու գաւակի ծնելուց առ առաւելը 48 ժամ յետոյ իմաց տալ պատշաճաւոր վարչութեան», եթէ շիմացրին՝ մխտարը կենթարկելի ծանր պատասխանատու թեան:

Տուն, խանութ կամ մի այլ կարած ծախելու գէպրում պաշտօնեաները քննում են բոլոր «տէֆտէրները» (մատեան) և պապական ու հայրական բոլոր երեւակայական ու իսկական ապառիկները հանում միջից... Մնացած փողի խելը թող տեսնի ծախողը:

Կրթութեան և այլ մանր-մունիւր պատահական կամ մշտական հարկերը բարդում են ահաստարակ այս հարկի վրայ և յանձնում մխտարին հատարելու:

1895-97-ի Հայկական-Ասրապիների ժամանակ, երբ գետ-արիւնր ծով էր գարձրել Հայ-

կական բարձրավանդակի ամեն անկիւնները. երբ բորենիները, անդդները և գիշակեր ամեն անասունները հարուստ սեզան ունէին անտէր մեայցած քրիստոնէական գիտկներով. երբ բաշիրօզուքների, սօֆիթաների, քրզերի և կանոնաւոր կայսերական գինւորների գնդակներից ազատւածները սովի և նրանից առաջացած զանգան մահացու հիւանդութիւնների ճանկերում գալարում էին. մի խօսքով երբ ամբողջ երկիրը մի անվերջ սպանդանոց, անկեկանոց ու գերեզմանատուն էր ներկայացնում և ողջ մնացած, սովամահի դուռը հասած սրբուկներից, այրիներից ու ծերերից այլևս ոչինչ չէր կարելի գանձել — ճիշտ այդ ժամանակ դուրս եկաւ մի կայսերական ողորմած իրատէ՛ շնորհ հայկական նահանգների 5 տարւան բէտէլը-էսկէրիէն»։ Մօտաւորապէս այդ էր իրատէի միտքը, միայն մութ ու երկդիմի դրւած։ Աւ Պօլսական ստրկական մամուլը փող փշեց, թմբուկ զարկեց, մինչև երկինք հանեց այդպիսի մի «հայրական զթատրտութիւն» և այլի, և այլն։ Բայց ֆրանսիական աւածն ասում է. «ինչ որ գալիս է փողով (զուանա), գնում է թմբուկով» Այդպէս էլ եղաւ։ 1900 թւին, հայոց պատրիարք Օրմանեան էֆէնդիլի օրով, Ելտըղից հրաման ելաւ. «գանձել հայերի գինւորա-

կան տուրքի այս 5 տարւան պարտքերը: Օրմանեան ու Ազգային ժողով իրար խառնեցան: Երբարդ գնալ գալը դարձաւ «փարամբ»: Հատ գիմումներ, շատ խնդիրներ ու աղերսներ... բայց լսող չեղաւ: Սուլթանի անձնական քարտուղարներից Իզզէտ բէյ բացատրեց, որ կայսերական նախկին իրատէն սխալ էք հասկացել. ներւած չի եղել գինուորական հարկը 5 տարի ժամանակով, այլ միայն յետաձգւած:

Այսպէս՝ ազրատութեան ու հոգեվարքի դուռը հասած տաճկահայը յանկարծ 5 տարւան գինուորական տուրք միասին պարտք եղաւ հայրախնամ Սուլթանական կառավարութեան: Հրաման գնաց բոյոր գաւառներն՝ ամենայն խրատութեամբ սկսել գանձել այդ պարտքը: Բայց ինչ կարելի է գանձել: Վերջից, միմե՛ծ ոչնչիցն!!! Հայի անտեսութիւնը Տաճկաստանիներքին գաւառներում մի մեծ գէթօ է: Երբ փորձը ցոյց տուց որ պետական գանձարանը ոչինչ չպիտի մտնի այգպիսով՝ կառավարութիւնը իրր թէ լսեց Պատրիարքի խնդիրը և 5 տարւայ պարտքը 3 տարով էլ յետաձգեց: Ազգային ժողովի մէջ Երուսաղէմայ տան ներկայացուցիչը, Օանկունի եպիսկոպոսները և սրիչ մի քանի հոգի գէմ էին այգպիսի խնդիր տարուն: Սրանք ուզում էին գիմել պալատ և խնդրել լսի *նւէր*. խոյ կթէ

չնւիրւէր, նրանք շէին ուզում պարտքը յետաձգել տալ, այլ թողնել, որ այժմ՝ եթէ կարող են՝ հաւաքեն, մտածելով, որ բանի յետաձգելի, պարտապանի վիճակն այնքան աւելի պիտի վատանայ:

2) *Կաշառածական հարկեր.*

Սրանք են, Ա.) Տան հարկ՝ կամ *Էւշաֆ* կամ *մ/ւղջիէ* և բ) Հողային հարկ կամ *Աւազը-վէրզըսի*: Այս երկու տեսակն էլ գոյութիւն ունեն և վիւղերում, և քաղաքներում: Սրանց առարկաներն են, տները, խանութները, գոմերը, մարտպները, փարախները, ջրապայները, բաղնիսներ և այլն, և արօտատեղերը, արտերը և այգիները— միայն նրանց բռնած տեղը, հողը և ոչ բերքերը:

Ներքին գործոց նախարարութեան իշխանութեան տակ կայ մի ատեան, մի հիմնարկութիւն, որ կոչուում է *Էւշաֆ-Գւալրէսի*: Ի հարկէ սրա կեդրոնական վարչութեան բոլոր անդամները նշանակուում են կառավարութիւնից, իսկ գաւառական ստորաբաժանումների մէջ նշանակուում են մի կամ երկու անդամ իւր թէ ընտրւած անձեր՝ ժողովուրդի կողմից: Ենչ կարծիր, որ այս «ընտրեալները» լինում են կամ տաճիկ կամ հայ վաշխաւուներ, աղաներ, տրդ-

բուկներ, որ աւելի վատ ու զլւելի են, քան թուրք պաշտօնեաները:

Էլմար դայրէսին գնահատում է բոլոր անշարժ կալւածները, թէ շինութիւնը և թէ հողը, — և ապա գնահատած գումարների համեմատ նշանակում է կալւածների հարկը: Հողերից, կալւածներից և շէնքերից առնում են 1000-ից 6:

Այս հարկերի գանձումն էլ յանձնում է մխտարին, որին կառավարութիւնը տալիս է նախօրօք տպագրած ստացազրեր կամ *ֆոյաւններ*. Մխտարը կպցնում է նրանց վրայ 1 գահեկանից մարկաներ (*փուր*), գրում վրան իր ստացած գումարը, ստորագրում և յանձնում է կալւածի տիրոջը: Այդ հարկի վրայ բարգւում է և մարկայի 1 գահեկանը, և մխտարի 8-10% ռոճիկը, որովհետև մխտարը բոլոր հաւաքած գումարներից է ստանում այդրան տոկոս և սչ միայն *բէդէլը-էսկէրիէից*: Օրինակ՝ եթէ տունը գնահատւած է 16,667 գահ՝ նրա *միւրիէնէ* կրկինի ուղից 100 գահեկան, մխտարը կբարգւ պէ նրա վրայ իւր 8-10% ռոճիկը և մարկայի 1 գահեկանը և բոլորը միասին կրկինի 109-111 գահեկան:

Այս հարկերի զեղծումներն էլ համարեն միտտեօակ են, ինչպէս *բէդէլը-էսկէրիէիներ*: Նոյն անգրապէտ ու տգէտ ռամիկը, նոյն շատ

առնել՝ քիչ գրելը *հոշակներում* (ստացագիր), նոյն երկու-երեք անգամ գանձումք, չտալու դէպքում բանտը, աշայ քեյր, տուն ու կալածք ծախելը և այլն: Բացի այս ամենը, սրանց մէջ մի ուրիշ զեղծում էլ կայ, որ յատուկ է միայն այս խումբ հարկերին, դա գնահատութեան մէջ գործադրուող զեղծումն է: Էմշակ-Պաշրէսի/ի անգամները գնահատում են կայրերը խիստ բարձր գներով, իսկ ժողովուրդը ձկտում է սպիտակացնել գումարները, հարկքիչ վճարելու համար: Աւ սկրւում է կաշառակերութիւնը կալածների տէրերից: Ավ կաշառք չի տալիս, նրա ստացածքը գնահատում է 3, 4, 5 անգամ աւելի... Ի հարկէ կալածատէրն աւելի ձեռնառու է համարում մի անգամ կաշառք տալ, քան մի քանի անգամ աւելի հարկ վճարել տարեկան — մինչև նոր գրեհատութիւն:

Սրանցում գործադրուող զեղծումների մեծ մասի սուաջն կարելի է առնել, եթէ հարկատուն կրթւած, լուստորւած լինի: Բայց «մեղաւորին սվ է տեւ արքայութիւն»:

3.) Եօղ փարսսը կամ ճանապարհների հարկ:

Այս հարկը նոր է լոյս բնկել: Առաջ Տաճկաստանը երբէք կարիք չէր զգում կանոնաւոր ճանապարհների, բայց եւրոպական կեանքի և

մասնաւորապէս Ռուսիայի հետ ունեցած վերջին ընդհարումը (1877-ի) նրան շատ բան սովորեցրին: Նա կարիք զգաց և՛ կանոնաւոր ճանապարհների...

Ամբողջ Տաճկա-Հայաստանում միայն երկու հաս խճուղի (շօւէ) կայ. Տրապիզոնից մինչև Էրզրում և Սամսոնից դէպի հարաւ, Ամասիայի, թոխատի վրայով մինչև Սերաստիա կամ Սրվազ: Կայ և մի յարգարւած ճանապարհ Սե. ծովի ափերով՝ Շապին-Գարահիսարից մինչև Կիրասուն: Թէ՛ ի՛նչ սպորմելի փիճակի են այս խճուղի կոչւած աւերակ ճանապարհները, կարող են ընթանել միայն նրանք, որ ճանապարհորդել են այդ կողմերում: Ճանապարհների մեծ մասը բանգւած, ճամբորդների կողմից բարձի թօլի արւած, կառքերը և կառապանները մեծ մասով գնում են կողմնակի, գիւղական ճանապարհներով, բան իտիական խճուղիով: Համեմատաբար աւելի բաւ փիճակ ունի Տրապիզոնից — Կարին տանող ճանապարհը, իբր գինւորական ուղի: Երկրի մնացած բոլոր մասերը կարաւանի, սայլի, ոտաւորի գիւղական ուղիներ են (проселочные дороги), որ կառավարութիւնից ոչ մի ծախք չեն պահանջում:

1877-ի պատերազմից յետոյ սկսեցին առնել եռօր փարսաւը հարկը, որ ճանապարհներ

շինեն, բայց ահա 22-23 տարի է դեռ պիտի
շինեն...

Այս հարկը առնու՞մ է ամբողջ ազգաբնա-
կաթիւն 20-50 տարեկան բոլոր արու անդամ-
ներէից: Այդ կարգի ամեն անհատ պարտաւոր է
կամ 3-5 օր աշխատել, ունենալով հետք մի
սայլ, 2 լուծ եզ և մի հոնսաղ (օգնական) կամ
13 դահեկան հարկ վճարել: Ուրեմն՝ ընթեր-
ցալ, Տաճկա-Հայաստանում մի հասակաւոր մար-
դու, մի գոյզ եզի և մի երեխայի 3-5 օր աշ-
խատանքը դնահատու՞մ է 13 դահեկան կամ
մօտ 1 ուրբի 10 կ !!! Երեւակայեցէք, թէ
սրբան ընկած է աշխատանքի զինը Սուլթան-
ների լծի տակ գանուպ այդ երկրում:

Ի հարկէ, հազարից մէկ հազէ՛ւ համաձայն-
ւի որեւէ գիւղացի, իր եզներով աւ իր հտտազով
աշխատելու գնալ, ամեն մարդ նախապատում
է 13 դահեկան վճարել, քան անձամբ գնա
աշխատելու: Կառավարութիւնն էլ գիտմամբ
այդպիսի աներևակայելի դնահատութիւն է նշա-
նովել մարդու և եզի աշխատանքին, որպէսզի
բոլորը համաձայնին կանխիկ դրամ վճարել և ոչ
աշխատակից, նրան փող է հարկաւոր և ոչ
ձանապարհ...

Այս հարկը ևս գանձու՞մ է միսարի ձեռքով:

Զեղծումներն էլ, քիչ կամ շատ չափերով՝ նման են նախընթաց հարկերի զեղծումներին:

4) Զբաղմունքի հարկ կամ *բէմէք-քուհար* կամ *բէմէքքիւ*:

Սա արհեստավորների, վաճառականների, ազատ արհեստներով պարագայների հարկն է, որ ծանրանում է գլխաւորապէս քաղաքների բնակիչների վրայ: Սրան ենթարկւում են և այն անձերը, որոնք որ և է աշխատանք չունեն և ապրում են միայն իրենց օտարութեան զընացած գաւակների, եզրայրների կամ հայրերի ու պարկած նալաստներով: Ամեն մի արհեստավոր վարպետից առնում են տարեկան 40-60 դահեկան ($3\frac{1}{2}$ -5 ուրլի), իսկ վարպետի քարգահներից (խալֆայ)՝ տարեկան 10-40 դահ: Վաճառականներն էլ պարտաւոր են վճարել 60—200—400 դահեկան, նայելով իրենց բնդարձակութեան:

Գիւղացի այն անձերը, որ զբաղւում են տնային գործերով կամ որեւէ արհեստով, համարում են իրր *արհեւսաւորներ* և վճարում են *բէմէք-քուհար*.

Զբաղմունքի հարկից ազատ են Հոգևորականներն և վարժապետները:

Այս հարկը ևս հաւարում է միտարը կառավարութեան տւած *ֆոյալներով* (ստացապիր),

կպցնելով մէկ գահեկաննոց մարկա և աւելացը-
նելով իր 8—10⁰/₀ մարկայի մէկ գահեկանի
հետ:

Զեղծումները համեմատաբար շատ քիչ են
և գլխաւորապէս որոշման մէջ են. սով է վար-
պետը և սրբան պիտի վճարէ — 40[°] թէ 60,
կամ քարզահը՝ 10[°], 20, 30 թէ 40: Նոյնը և
վճառականների վերաբերութեամբ:

Քաղաքներում բնակուող այն անձերը, որ
բնիկ տեղացի չեն, այլ ուրիշ գիւղերից կամ
քաղաքներից եկած՝ իրենց հարկերը չեն վճա-
րում միտարին, այլ ուղղակի աշայ-բէյին:

Իբր ծանօթութիւն՝ աւելացնենք և այն,
որ կառավարութիւնը ծրագիր էր կազմել վեր-
ջին տարիները վերջացնել վաճառականների
քեմէրքիւն և նշանակել գիւղիական հարկ:
Այդ ծրագրի համաձայն պէտք է լինէին 3 գիւ-
ղիաներ— I, II և III: Առաջինը վճարելու էր
8 սոկի կամ 864 գահեկան, երկրորդը— 5 սոկի
կամ 540 գահ. և երրորդը՝ 3 սոկի կամ 324
գահ.: Քայց, ընթերցող, թուրքիայում կառա-
վարութիւնը տէր չէ նոյն իսկ իր ներքին՝ պե-
տական գործերին: Այստեղ կան և բաւական
թւով օտարահպատակ վաճառականներ, որ են-
թարկուում են իրենց հիւպատոսներին և ոչ եր-
կրի իշխանութեան: Հիւպատոսներն ու պես-

պանները շը համաձայնեցան այդ կարգադրութեան, առարկելով, որ նա ղէմ է դաշնագիրներին: Քիլգիական հարկի ծրագիրը մնաց անգործագրելի և՛ տեղացիների համար, և՛ օտարահպատակների համար: Տեղացիները շարունակեցին վճարել *թէմէրքիւն* նախկին շափերով, իսկ օտարահպատակ վաճառականներն ու արհեստաւորները մինչև օրս էլ ոչ մի հարկ չեն վճարում երկրի վարչութեանը, բացի չնչին քաղաքային տուրքերը: Ի հարկէ այսպիսի անհաւասար պայմաններում տեղացի վաճառականների մրցումը օտարահպատակների հետ չափազանց դժւարանում է:

5). *Ամուսնական կամ ղնսանեկան հարկ* =

Ամուսնանալու, մի բնտանիք կազմելու համար էլ պէտք է հարկ տալ, քիչ է, այն, բայց և այնպէս դա էլ մի հարկ է:

Վերջին ռուս-տաճկական պատերազմից յետոյ ներմուծւեց ծննդական վկայագրերի կամ «մարդահամարի թղթերի» — *Նուժուզ-թէսֆերէւը* կամ *Համիսիէ* թղթերի գործածութիւնը: Հիմնեցան բոլոր գաւառներում մարդահամարի վարչութիւններ կամ *Նուժուզ-Նազարէթի*, ուր և մտնում է բնտանեկան հարկը, սրանցից և արւում են թէ *Համիսիէներ*, թէ ներքին, թէ

արտաքին անցազրեր (թերերէ)։ Նուֆուզ-Նա-
զարէթին ուղարկում է առաջնորդարանները տըզ-
ված համիտիէներ, իսկ ազգաբնակիւթիւնը
գնում է այնտեղ և գրում, ծննդական թուղթ
կամ համիտիէ ոտանում, վճարելով 1 դահեկան
առաջնորդարանին, 1¹/₂ դահ. կառավարութեան-
էթէ, որիւ, անձի համար մինչև 1 տարեկան
հասակը համիտիէ չառնեցաւ և եթէ պոպանի-
քը բացեցաւ, մէկ մէջիտից մինչև մէկ ոսկի
(20—108 դահ.) տուգանք են առնում։ Երբ ա-
ռաջին անգամ մտցւեցան այլ թղթեր, ժողո-
վուրքը՝ կարծելով որ նրանք սարբած են կամ
զինուորազրութեան կամ մի այլ շար նպա-
տակի համար, թագցնում էր իր արու դաւակ-
ների թիւը։ Երբեմն մի ահագին դիւզ երևում
է կառավարութեան ցուցակներէ մէջ իբր 80 —
100 հոգի պարունակող... Մեր կարծիքով՝ ոչ
միայն համիտիէ գառնալու համար ծածկելը,
այլև ուրիշ հարկեր տալու ծանր պայմաններից
առաջացած մարդագողութիւնը բաւական պա-
կասեցնում է հայերի պաշտօնական թիւը Տաճ-
կաստանում, մանաւանդ Տաճկա-Հայաստանում
և նրաջ լեռնային մասերում։ Այսպէս օրինակ՝
թրքական ոսկիներով գրող և կարելի է նոյն իսկ
վենդրիական անուան տակ ծածկւած մի թուրք՝
գրող Բոտէն Գ.Ս.լլօշ՝ իր գրքում տալիս է հե-

տեևալ պաշտօնական թւերը. թուրքիայում հայ լուսաւորչականների թիւը—1.075,000 հոգի, իսկ հայ կաթողիկէները և հայ լութերականները հաշոււմ է խառն միւս ազգութեան նոյն կրօնին պատկանող անձերի հետ, շահաշեխով նրանց հայ ազգութեան անդամներ: (Տես P. Baudin D'Allouch—la Turquie et les Ottomans, 1894 թ. Paris, էրես 137) իսկ էրես 156 ում, էրր նա խօսում է «հայկական կարծեցեալ հարցի» մասին (la prétendue question arménienne), յառաջ է քերում հետևեալ անհեթեթ թւերը. Խարբերդի վիլայէթում (Մամուրէթ-իւլ-Ալիյ) 73.000 հայ, 300.000 մահմեդական, Բիտլիզի վիլայէթում՝ 101.000 հայ, 167.000 մահմետական, Տրապիզոնի վիլայէթում՝ 41.000 հայ, 857,000 մահմեդական, Կօնիայի վիլայէթում՝ 98,000 հայ, 877.000 մահմեդական... Եւ «խոհմութեամբ» լուում է Վանի, Էրզրումի, Սըլազի և Գիարբեքիւրի վիլայէթների մասին... Բայց, բնթերցող, Տրապիզոնի և Կօնիայի վիլայէթները չեն կնքւած Եւրոպայի և Ռուսիայի կոմից «Հայկական նահանգներ» անուանով, այլ միայն վեց նահանգ են կրում այդ անունները. Վանի, Բաղէշի Էրզրումի, Խարբերդի, Գիարբեքիւրի, և Սըլազի վիլայէթները: Եւ Ք' Ալլօշի գիրքը տպւած է 1894 թւին թրքական ոսկիներով, հայկական սարսափներ

նախընթաց օրը եւրոպական հասարակական կարծիքը խաբելու, նրան ծուռ ճանապարհի վրայ գնելու համար:

Գառնանք ամուսնական հարկին:

Նշանուած զոյգը տանում է իր Համհիսիեկե-րըն առաջնորդարան, որ նրանց միացնեն և մի քնտանիքի համիտիէ տան կամ, ինչպէս ասում է ժողովուրդը, «իրար վրայ գրեն»: Առաջնորդարանը կպցնում է նրանց համիտիէի վրայ մի հաա 10 դահեկանոց մարկա՝ առնում է 17 դահեկան, որից $2^{1/2}$ -ը ազարկում է Նուժուգ-նազարեքիև հաստատել է տալիս նրանց համիտիէն ու յանձնում իրենց, իսկ մնացած $4^{1/2}$ դահեկանը մտնում է առաջնորդարանի արկղը: Այսպիսով կառավարութիւնն առնում է $12^{1/2}$ դահ. աւենն մի նշանուոյից կամ ամուսնացոյից:

Ի հարկէ բացի կառավարական տուրքը՝ կան և բազմաթիւ «բախշեչներ», գրագրի փող, առաջնորդարանին 10—100 դահ., նրայ սղասաւորներին 5—10 դահ., իրեն՝ առաջնորդին՝ 20—50 դահ. և այլն, և այլն:

6) Կենդանիների հարկ կամ Աղնւամ կամ Խաւ չուր:

Այս հարկին ենթակայ են միմիայն ոչխարըն ու այծը: Կովը, եզը, ձին, էշը, ջորին ու գոմէշը զիտւում են իրր աշխատաւոր անասուն-

ներ, դրա համար էլ նրանցից հարկ չի վերցնում. իսկ ոչխարն ու այծը դիտուում են իբր արգիւներ տուփներ: Եթէ աչքի առաջ ունենանք, որ Տաճկահայաստանի նման մի լուսնոտ երկրում զիւզացու ամենաշատ տնտեսական կենդանին ոչխարն ու այծն են, այն ժամանակ սարգ կլլիւնի, որ իսկապէս այնքան էլ մեծ կորուստ չէ կառավարութեան համար միւս կենդանիներից հարկ չառնելը:

Ամեն մի ոչխարից կամ այծից տարեկան առնում է $4^{1/2}$ գահեկան:

Այս կենդանիների թւահամարը կազմելու համար կառավարութիւնը նշանակում է մի գործակալ կամ մի յանձնախօսմբ ամեն մի շրջանի համար, նրան տալիս է *հարիւր* (գրագիր) և մի քանի օգնական գարթիւններ կամ *սուարիներ* (ձիաւոր զինուոր): Գործակալը ձմրան վերջը կամ պարնան սկիզբը գուրս է գալիս պտոյտի: Գաճիշտ այն ժամանակն է, երբ տարերը նոր են սկսում, բայց երբ հօտը գեռ ևս գուրսը՝ բաց դաշտում չի կարելի պահել, կենդանիների թիւը չի կարելի ծածկել: Աստիճանաւորը մտնում է զիւզ, իջնում զիւզապետի կամ ուսի տանը: Ռէսը ժողովում է զիւզի բոլոր ընտանիքների գլխաւորներին իր օղակ: Գործակալ ծառայողը, որ միշտ թուրք է լինում, սկսում է հարցնել

ամեն մէկից իր ունեցած անասունների թիւը. քաթիքը, ցուցակագրում է նրանց տաճները, ապա գործակալը սկսում է ընկնել տնից տուն և համարել բոլոր այժն ու ոչխարը: Եթէ գիւղացիք տաջուց պակաս են ասել, դա դիտւում է իրր պետական սեփականութեան գոյութիւն և աւել երբ կենդանիները կամ «յարբուսիս են գրաւում» (մ/ււսէՏԵՐԷ), որ տաճիկ առտիճանաւորի լեզուով նշանակում է՝ իր գրպանը խոթել, — կամ կրկնակի ու եռակի տուրք են առնում աւելցածից:

Գարնան սկզբներում այժի ու ոչխարի ծինը նոր վերջացած է լինում և համարւում են նոյն իսկ մի օրական գառները և ուլերը և նրանցից էլ հարկ է առնում իբր մեծերից: Իսկ թէ գրանցից որքանն է կենդանի մահալու՜ դա կառավարութեան գործը չէ, — վայը տիրոջ գըլխին:

Գիւղացիք էլ այս հարկի խնդրում յաճախ փառաւորապէս ծածկում են իրենց ոչխարներն ու այծերը... Երբեմն ունեցածների հազիւ $\frac{1}{2}$ -ն են ցոյց տալիս, ճայց յաճախ պատահում է, որ գործակալը լոյս է ընկնում որեւէ գիւղում ամռան կիտին, անսպասելի կերպով և նոր թւահամար, վերաքննութիւն նշանակում: Այն ժամանակ վաճը կը գայ գիւղացու գլխին. նա կամ

պիտի կաշառէ գործակալին, կամ ահապին տուգանք տայ կամ զրկւի իր ոչխարներէց, Անօթի պաշտօնեաները այսպիսի թակարգներ սարքում են մեծ հռանդով, որսփնտե ուճիկ շեն ստանում և ապրելու, այն էյ թուրքի պէս շուայլ ապրելու խիստ կարիք ունեն:

Ոչխարի հարկի բոլոր արգիւնքը յատկացւած է Հանրային պարտուց Վարչութեան, ինչպէս և ոգելից խմիչքների, մետաքսի, աղի և այլ բերքերի հարկերը, կառավարութեան գանձարանը ոչինչ չի մտնում, այլ գնում է պարտքի վճարման:

7) *Երկրագործական հարկ* կամ Աշար.

Աշար կոչում է բոլոր հացահատիկներից, խտաից, աււոյտի, բանջարեղէններից, բոստանից (սեխի, ձմերուկի, վարունգի ցանքս) և այլ երկրագործական ու այգեգործական արգիւնքներից առնույ տասանորդական տուրքը (dime):

Տաճկական *օրէնքով* — եթէ ամեն բան կատարէր օրէնքի գծած սահմաններում — պէտք է գիւղացու արգիւնքի $\frac{7}{8}$ -ը վերցւէր իբր հարկ: Այսպէս է տրամադրում օրէնքը, այժմ այդպէս էլ ընդունւած է գրեկ պաշտօնական թղթերում և պետական հազորգապրութիւններում: Ինքն ըստ իրեան հասկանելի է, որ՝ եթէ գիւղացին ստանում է, օրինակ՝ 120 փութ ցորեն, 15-ը

կառավարութիւնն առնէ, 105 ը կրմնայ իրեն
և գրանով մի միջին շափի ընտանիք կարող է
մի տարի ապրել: Այլ ևս ինչ զժգոհութիւն, ինչ
վայնասուն, ինչ արիւն երկու կողմից էլ...

Բայց իջնենք իրականութեան, կարմիր ու
արիւնոտ իրականութեան գիրկը: Սկսենք հէնց
այս հարկը հաւաքելու սխաւմից: Այդ սխաւմը,
մեր կարծիքով, շատ բան կը պարզէ ոչ միայն
աշարի, այլ և ամբողջ տաճկական կառավարու-
թեան ընաւորութեան, նրանում թագաւորող
անդրջրհեղեղեան ներքին կարգերի վերաբե-
րութեամբ:

Ամեն վիլայէթի աշարը ծախւում է հրա-
պարակակաւն աճուրդով: Միայն աշարը չէ
աճուրդով ծախւողը. վիլայէթի վարչութիւնն
անգամ ծախւում է աճուրդով: Սա ծաղրելի է
երևում, շափազանցութիւն, նոյն իսկ սուս
թւում... Բայց... փաստ է...

Բացւում է, օրինակ՝ Էրզրումում Վաշի/ի
(գուրերնասօր) տեղ: Երլարդ-Քէօշկի և Սաղրա-
ղամի (մեծ-կապրոս կամ մեծ-վեզիր) շուրջը
Փաւօրիաների, ներքինիների կամ կըզ-աղա-
շար-ների ճահիճը թուեղ է առնում, ալեկոճ-
ւում: Ամեն մէկն ուզում է իր թիկնածուն ա-
ռաջ քշել: Իսկ մի փաւօրիաի կամ ներքինա-
պետի թիկնածու լինելու համար պէտք է «գե-

զին մետաղ» և ազազայի փայլուն խոստումներ։ Առանց բախշիշի, առանց ոսկու անկարելի է ֆաւօրիտի թեկնածու լինել... Ներողութիւն, մոռացայ. մի միջոց էլ կայ ֆաւօրիտի թեկնածու լինելու համար. դա գեղեցիկ աղջիկն է։ Այո միջոցով յաճախ անձեռնմխելի և ամենակարող են հանգիստանում չհրքէզները։ Չհրքէզ կոչսը չինարի հասակ, բարակ մէջք, սև ու կրակոտ աչքեր, կամար ու խիտտ յոնքեր ունի։ Բոսֆորի մեղկացած դաւակն ամեն ինչ կըտայ նրան տիրանարու համար։ Եւ ուղարկում են Մարմարայի հրաշագեղ ավերի փառահեղ պալատները ներքին նահանգներից գեղանի, անմեղ կոյսեր, մանուսանց չհրքէզուհիներ...

Ով աւելի է տալիս, նա էլ դառնում է ամենագօրեղ ֆաւօրիտի թեկնածուն, նա էլ ստանում է օրինակ՝ Երզրումի վալիութիւնը։ Բայց քիչ է վալիի ռոճիկը։ Նրանով չի կարող նա «մարդաւարի» ապրել, իր պաշտպանին Պոլիս միշտ նւէրներ ուղարկել, որ նրա աչքը բազր մեայ իր վրայ... Եթէ շուղարկի կամ անկանոն ուղարկի, տեղից կը զրկուի... Ահրջապէս այդ ռոճիկով նա չի կարող նեղ օրւայ համար էլ մի բան տնտեսել։ Չէ որ ամեն մի փաշայի բարձրագոյն իդիէալն է ունենալ Մարմարայի, իշխանաց կղզիներին կամ Բոսֆորի ավեր։

բում մի էաշի, մի մարմարեայ պալատ, լիքը
զեղանի կոյսերով և Ալլահի պարզեած բոլոր
բարիքներով: Ծոյլ, մեզի ու ցով կեանքը բու-
լոր թուրք պաշտօնեաների միակ իզէալն է:

Վալին իր այս երեք սրբազան պարտակա-
նութիւնները (լաւ ապրել, նեղ օրւայ համար
անտեսել և իր պաշտպաններին Պսլլիս փող ու-
զարկել) կատարելու համար՝ պատրաստ է ամեն
ինչ անել, ամեն սրբութիւն ոտի տակ տալ,
եթէ ունի մի այգսլլիսի բան իր սրտում:

Նա էլ իր հերթին՝ Պոլսում տեսածն իր վե-
րաբերութեամբ, գործ է դնում լայն շափերով
իր իշխանութեան տակ գտնւած բոլոր պաշ-
տօնեաների բաժանման ժամանակ: Եւ այսպէս՝
վարչական սանդուխթի ամենաբարձր աստի-
ճանից սկսած մինչև ամենայետին դափթիւն՝
շարունակւում է ծախելու և ծախելու սիստէմը:

Հրապարակային աճուրդ է նշանակուում
վալիանիստ քաղաքում՝ վիլայէթի աշարը ծա-
խելու համար: «Աւր իցէ գէշն, անդ և ժողո-
վեսցին արժւիրն», ասում է զրաբար առածը:
Բոլոր մեծ փոքր գիշակեր վաշխառուները թափ-
ւում են քաղաք, աճուրդին մասնակցելու: Ամ-
բողջ վիլայէթի աշարը մի վաշխառուի ուժից
վեր կրլինի, այն էլ Տաճկաստանի ներքին
նահանգների պէս երկրում, ուր դեռ խոշոր

դրամատէրի շկան: Գրա համար էլ, գրեթէ միշտ, վիրայէթի աշարը բաժանուում է մի քանի մասերի և ամեն մի մասն առանձին ծախուում: Այլ աւելի շատ և աւելի ճարպիկ կերպով ուտեցրեց վալիին, մութասերիֆին (գաւառապետ), գայմագամին, բաշ-բաթիրին, վալիի մօտաւոր ու ազգեցիկ բարեկամներին, նրա ծառաներին, ներքինիներին և այլն, և այլն՝ նրան էլ կը յաջողւի գնել այս ինչ կամ այն ինչ խոշոր գաւառի աշարը: Հրապարակային աճուրդը խնդրի ձեական մասն է. էութիւնը կազմում է այս կուլիսային, գաղտնի գործողութիւնը:

Աւմ վրայ որ մնայ աշարը, նա այնքան ճարպիկ պիտի լինի, որ և՛ պետութեան հասանելիք կապալագրամը հանէ, և՛ իր, թերևս նրանից շատ աւելի՝ տուած կաշառքները հանէ, և՛ իր «աշխատանքի վարձը» շահի: Այստեղից արդէն պարզ երևում է, թէ, ինչպէս սասնէ պղպճակների նման օգն են ցնդւում օրէնքն ու իր պահանջած $\frac{1}{8}$ -ը կամ $\frac{1}{7}$ ը:

Բայց այդ գեռ քիչ է: Ամեն մի խոշոր աշարառու յաճախ մանր չափերով ծախում է իր առածն աւելի մանր վաշխառուների, շահելով իր «առիւծի բաժինը»: Երբեմն սրանք էլ՝ որոշ օգուտ ստանալով՝ ծախում են իրանց միջակ բաժինները աւելի մանր կապալառուներ-

րի, այնպէս որ՝ վերջապէս մի փոքրիկ շրջան, մէկ կամ մի քանի գիւղ մնում է սրիէ պիւղական մանր վաշխառուի ձեռք: Իսկ այս ձեռքից-ձեռք անցնելը բարդում ու բարդում է աշարի շարիւր... Ում հոգն է, թող ժողովուրդի հոգին դուրս կը գայ:

Թէ Եւրոպայում, թէ մեզանում շատերը կարծում են, որ Տաճկաստանի վաշխառուները միայն քրիստոնեաներն են, մանաւանդ հայերն ու յոյները: Այսպէս մտածողները կարծում են, որ թուրքն ընդունակ չէ վաշխառութեան, իսկ քուրտը—երբէք: Միամիտ մարդիկ, որ կարծում էք, թէ կրօնը այս ու այն մէտաֆիզիքական բասային յատկութիւնները կարող են արգելել մարդկանց դառնալ վաշխառու, եթէ շրջապատ պայմանները թոյլ են տալիս, նոյն իսկ ստիպում, պահանջում են այդ բանը:

Առաջ աշար գնող վաշխառուների մէջ կան հայեր, թուրքեր, յոյներ, հրէաներ, իսկ այս վերջին 10-11 տարիների ընթացքում բոլոր աշարառուները բացառապէս մահմեդականներ են՝ թուրքեր, քրտեր: Վաշխառութիւնը ոչ ազգութիւն է ճանաչում, ոչ կրօն. նա բացարձակ կօսմօպօլիտ է: Բոլոր ազգերի վաշխառուներն իրար նման են. դա բնական հետեանք է զբաղմունքի նմանութեան: Մի թուրք և մի հայ

վաշխառուն իրար աւելի են նման իրենց բնաւորութեամբ, իրանց բարոյականով ու աշխարհահայացքով, քան մի թուրք վաշխառու և մի թուրք անմեղ ու խաղաղ երկրագործ: Զբաղմունքներ ի նմանութիւնը ծնեցնում է բնաւորութեան և բարոյականութեան նմանութիւն՝ ասում է Ամօնը (տես՝ Hamon-„Les militaires professionnels“): Այսօր Պօլսում եղած սակաւաթիւ պահպուխտ հայերի ցեցերը կազմող «փօլիսաճի»-ները կամ վաշխառունները, որ երկրում փող են տալիս 100, 160 տոկոսով և Պօլսում ստանում են պարտք առնողի եղբորից, դաւակից կամ հօրից՝ այդ բոլոր փօլիսաճիների $\frac{9}{10}$ -ը թուրքեր ու քրտեր են և միմեան $\frac{1}{10}$ հազիւ հայեր:

Աճուրդը նշանակում է *Էմրաֆ Գալթէսիև* (հարկերի սենեակը): Նրա նշանակած աճուրդին կարող են մասնակցել գիւղական ամբողջ հասարակութիւնները իրր մի մարմին, *in corpore*, գնել իրենց գիւղի աշարը, բաժանել ընտանիքների վրայ, հաւաքել և վճարել: Այդպիսի գէպերում գիւղը պէտք է ներկայացնէ մէկ կամ մի քանի վստահելի երաշխաւոր անձեր: Ի հարկէ գիւղական ազգաբնակչութեան համար՝ աշարի ծանր բեռնից ազատելու ամենաձեռնաու միջոցն այս է: Բայց «չկայ վարդ առանց փուշի»... Այստեղ էլ նոր ու անտանելի այլանդակութիւններ են

Ժաղում: Ձուտ հայաբնակ գիւղերը չեն վստահանում այդ քայն անկ, համոզւած լինելով, որ իրենց վրայ խիստ թանկ կընտրի մրցութեան մտնել որեւէ թուրք կամ քուրտ վաշխառուի հետ: Ձուտ հայաբնակ գիւղերն էլ շատ չեն. մեծ մասը խառն ազգաբնակութիւն ունին: Իսկ այս գէպքում քրիստոնեայ տարրի վրայ աւելի է ծանրանում աշարի բեռը, քան մահմետական տարրի վրայ: Իսկ այս վերջին 8-9 տարիներում կառավարութեան բռնած գիրքը պարզ ցայց է տալիս, որ ուղում է տնտեսապէս հալումաշ անել քրիստոնեայ տարրը, քայքայել նրա նիւթականը և զրանով սոխակել կամ մահմետականալու կամ թողնելու հայրենի հողը, գալթելու: Գրա համար էլ ամեն գիւրութիւն տալիս է մահմետական տարրին ճնշել, սնանկացնել հայերին...

Սյդ և ուրիշ շատ պատճառներ խիստ հազւագիւտ են դարձնում գիւղական հասարակութիւնների մասնակցութիւնը աշարի աճուրդների մէջ և աշարը մնում է համարեա միշտ վաշխառուների ձեռքը: Իսկ եթէ կառավարութեան նշանակւած բարձր գների պատճառով աշարն առնող չկաւ, այն ժամանակ մնում է կառավարութեան վրայ, որ և սկսում է հաւարել իր ստորին ծառայողների ձեռքով: Չվճա-

րելու գէպքում լցնում է գիւղը սւարիներով
և «միս ու ոսկոր» անում՝ հաւաքում։ Եկած
զօրքն ապրում է գիւղացիների հաշուով. ծեծում
են, միրաւորում նրանց կրօնը, նրանց ընտա-
նեկան պատիւը. գրանից աւելին՝ մորթում են
նրանց լծկան եզները և այլն, մինչև որ հար-
կերը լրացնում են.— ապա հեռանում... Սա
կոչւում է գինւորական եկզեկուրցիա։

Նկարագրենք այժմ գլխաւոր գէպքը՝ — կրթ-
աշարը մնում է որևէ կապալաւուրի վրայ։

Կապալաւուն իսկոյն վարձում է իր քա-
ր/րը (գրապիր) և աշարը հաւաքող հարկահան-
ներ կամ միրչքեզիւններ։ Միւլթէզիմը նշանա-
կում է մի կամ մի քանի գիւղերի համար։ Ե-
թէ նրա շրջանը մեծ կզաւ, նա առնում է իրեն
օգնականներ, որ կոչւում են շահնեւներ, մանր
շափերով, ամեն կալից ցորեն, գարի և այլ
հարկեր հաւաքողներ։

Միւլթէզիմներն իրաւունք ունին պահան-
ջելու կառավարութիւնից և՛ գափթիւններ, և՛
ուարիներ, և՛ ուրիշ տեսակ օգնական ուժեր
աշարը գանձելու համար։

Երկրագործ ազգաբնակիւթեան անտեսա-
կան հիմքերը քայքայողը բեզել-էսիլէրիէն և ա-
շարն են։ Առաջինը քանդում է գիւղացու տունն
իր ծանր ու մեծ շափովը, իսկ երկրորդն իր

ծախւելու սխտեմովը, իր վաշխառուական, ամեն տեսակ զեղծումների յարմար ձևովը:

Միայն աշարի մէջ գործադրուող զեղծումները թւելու համար հարկաւոր են տասնեակ երեսներ... Հաշւենք միայն մի քանիսը, առանց սրկէ սխտեմի:

Գիւղացին ծեծում է կալը, ցորենը թէժ անում, պատրաստում: Նա իրաւունք չունի չւալները կամ ամբարները լցնելու, մինչև որ միւլթէզիմը կամ նրա օգնականը չգայ, չըշափի և հարկը — «իրը թէ $\frac{1}{8}$ -ը» — չառնի: Կալի տէրը իմացնում է միւլթէզիմին, որ վերջացրել է — թող գայ չափէ: Միւլթէզիմը չի գնում. նա *ոսֆի ֆրեհի* է ուզում... Կաշառք չըտիր՝ կը գայ ցորնի թէժը կը կնքի նահապետական մեծ փայտէ կնիքով և կը գնայ, ցնոր կարգադրութիւն: Պատահում է, որ զօրեղ քամի է բարձրանում, կնիքը խախտում... Պատահում է, որ գիւղական շները գզում և թէժի վրայ են բնկնում կնիքը խախտում... Կնիքը քանտուկ է, ուրեմն՝ տէրը թէժից գողացել է: Գա գիտում է իրը «պետական դոկութիւն» և յաճախ ամբողջ թէժը խլում է «խիառս և ի պարծանս» անյատակ գրօլանին կամ միւլթէզիմ աղայի կամ նրա յորդաճի կապալառուի: Գիւղացին ստիպւած է ուրեմն կաշառք տալ, որ միւլթէզիմը բարեհաճի շուտով չափել և աշարը վերցնել. եթէ ոչ՝ գիշեր-ցերեկ ստիպւած

կը լինի՝ երբեմն էլ ամբողջ ընտանիքով՝ ցորնի թէժերի վերայ հսկել:

Յաճախ միւլթեղիմները, իրենց կրքերին (և՛ փողային, և՛ տափական) բաւարարութիւն չեն տալիս գիւղացիները, թշնամանում են և աշխատում թշնամու տունը քանդել, նրա «օջախը մարել»: Այգալիսի գէպրերում նրանք վարձում են նոյն խոկ մի թուրք, մի քուրտ կամ մի այլ ստոր սրիկայ և ուղարկում, որ հակառակորդի թէժը քանդի: Հետևեալ օրը գալիս, գրաւում են բոլորը, մի բան էլ վրայ առնում, ծեծում և նոյն խոկ բանտարկել տալիս արտջը:

Գիւղի ամենաազդեցիկ և «իշխան» անձերն անդամ՝ յետին զափթիէի, միւլթէղիմի կամ մի ողորմիկի շահնայի հետ խօսած ժամանակ՝ «միւլթէղիմ աղա, այսպարնի էհօփէիմ»-ով են խօսում (ուտներդ համբուրեմ!!!): Ենթադրենք, որ այդպէս ստորանալով, կաշառքներ տալով՝ համաձայնեցրին միւլթէղիմին գալ, թէժը շափել: Ինչէր են կատարում այդ չարիէշու ժամանակ... յաճախ դա չարիէշ չի դառնում, այլ աւազակուրթիւն, բաց-աշկարայ աւազակութիւն: Ոյժը — զափթիէի, զինուորի, պետութեան կօպիտ ոյժը միւլթեղիմի կողմն է. նրա կողմն է զաղին ու մէջլիսը, արգարութեան այդ ծաղրանկարը. նրա կողմն են էւլչաֆ դարիէսիի

անդամներն ու գայմազամը, միլիթառէրիֆն ու վալին, եպարքոսն ու նախարարը: Իսկ սով է պաշտպանում հարկատու գիւղացուն: Եթէ լինին մի-երկու լուսամիտ, բանիմաց և օրէնքից հասկացող երիտասարդներ, որ գիւղացու կողմը բռնեն, որ «օրէնքով» խօսեն նրանք շուտով բանտերում կը փլթեն, «կօմիթաճի» կանւանուեն. . . Եւ միւլթէզիմն անում է այն, ինչ իր քէֆն է տալիս. նւագողն էլ ինքն է, պարողն էլ: Լաւ իմացէք, որ դա միայն հայերի հետ չի պատահում: Բոլոր երկրագործ արհեստաւոր ազգաբնակիւթիւնը տներում է աշարի ծանր քարի, աստիճանաւորների և վաշխառուների կեցեքումների տակ. հայ, յոյն, ասորի և նայն իսկ թուրք ու քուրտ... տներում են, ճզմոււմ...

Բողոքել... Պատմեմ միայն մի փաստ մահմեդականների կեանքից, — մեացածը հասկանալի կըլինի:

Տրապիզոնի շրջանում ապրում են օձցի կոշտոյ 60—70,000 հոգի բաւական հարուստ մահմետական յոյներ: Նրանք շափազանց մոլեռանդ են, ինչպէս ամեն մի նէօֆիտ (նորագարձ) նրանք տալիս են խիստ մոլեռանդ ու հմուտ աստուածարան մօլլաներ, որ յաճախ Պոլսի սօֆիթանների պարոյի գարդն են կազմում: 1893 թւին նրանց և միւլթեզիմների մէջ անբաւա-

կանութիւններ ծագեցին աշարի առթիւ։ Օֆ-
ցիր բողոքեցին հերթով՝ գայմազամին, միւթե-
սերիֆին, վալիին և ապա հեռազրով նաև մեծ
կարբոսին ու սուլթանին։ Նրանց բողոքներն
ու խնդիրները «մինգէր ալթը» կան. առանց
որևէ հետևանքի, նոյն իսկ առանց պատասխանի
մնացին։ Մահմետի մոլեռանց երկրպագու խո-
րամանկ օֆցիները մի պատգամաւորութիւն ու-
ղարկեցին Բաթում, որ այնտեղից իսկոյն մի
հեռագիր խփեց սուլթանի անդուզական բարե-
կամ Վիլհելմ II կայսեր։ Կայսրը դերման դեւ-
պանի միջոցով միջնորդութիւն արեց։ Բ. Գու-
ռը՝ տեսնելով գործի վատ ձև ստանալը, երկու-
քնիչներ ուղարկեց և 1894-ին գործն «անու-
շի կապեց», մի կերպ քնեցրեց, ձայնխեղդ գար-
ձրեց¹⁾։

¹⁾ Այդ հեռագիրը խփելու գաղափարը տեղի Բիզպի-
մութասերիֆը, որ մի բաւական լուսամբա անձ էր, որ
ուզում էր պաշտպանել ժողովուրդին բնոյզմ վաշխառու
հարկահանների և կաշառակեր աստիճանաւորների և
զատը քննեց, ալդ լուսամբա պաշտօնակալի շտաբի տակը
սասոն զրին՝ փողատէր վաշխառուները, Վիլհելմ կայսեր
խփած հեռագրի բովանդակութիւն ժօտաւարապէս այս
էր. «Կայսր, դու մեր սուլթանի մտերիմ բարեկամն ես՝
խնդրում, ազաւում ենք քեզ միջնորդել նրան, որ զեթ
գործադրել տալ այն օրէնքը, որ ինքն է գրել չարկա-
հանները կողոպտում են մեզ՝ հակառակ բոլոր օրէնքնե-
րի։ Եսկ եթէ մեզ չպէտք է ապատես այս անտանելի վի-
ճակից, կաղաչենք տեղ պատրաստել, որ զազթենք, այս
տեղից հեռանանք»։

Եթէ օֆցի ասուածաբաններն անյարան արգելքների հանդիպեցան՝ երևակայեցէք ուրեմն՝ թէ ի՞նչ կը լինէր գեաուր ռայայի գրութիւնը, եթէ նա լինէր բողոքողը:

Միւլթեզիմը չափում է ցորենը և $\frac{1}{8}$ -ը առնում: $\frac{1}{8}$... դա միայն ծաղր է, անխօսի՛ճ, անօրէն ծաղր: Չափելու ժամանակ խեղճ գիւղացին ծալում է ձեռքերը, վիզը ծռում և ուղորմելի հայացքով նայում, թէ ի՞նչպէս կուզուած են իրեն, ի՞նչպէս խում են իր և իր զաւակների բերնի վերջին պատառը. . . Չափելու խարդախութիւնները մարդկային խելքից բարձր աստիճանների են հասած: Վերջին ժամանակներս էլ երբեմն գործ են ածում տասնորդական կշիռը, որ խեղճ գիւղացիներին բոլորովին անծանօթ է: Մի խազ, երկու խազ առաջ է տարւում քարը և գողացւում 1,2 — 5 փութ, մի քանի տասնեակ կիլօգրամ. . . Յաճախ բերում են աւելի ծանր քարեր. . . ոտով ու ձեռնով վար դարնում կշեռքի նժարը: Գիւղացին յաճախ տեսնում, հասկանում է այդ ամենը. . . բայց ճարն ինչ: Գա ուժեղի իրաւունքն է: Հոռմի յազթող բարբարոս գերմանը կապիտալիզմի վրայ իր սուրբ գցեց կշեռքի մի նժարը, որ փրկանք տրուող ոսկին աւելի շատ առնէ. . . Ուժեղը միշտ արդար է Տաճկաստանում: Միւլթեզիմը և կապալ

առուն այնպիսի ցանցերով են պատել վարչական ախտաւոր մեքենան, որ եթէ որեւէ խցճատէր իշխանաւորութեան այլ պաշտպանել ժողովրդին այդ վամպիրների ճանկերից, իսկոյն նրա «տէ տակը սապան են դնում», տեղից զրկում:

Կան տեղեր, ուր ցորեն ու գարիից աշարն առնում են մթերքով — ցորենն և գարի, կան տեղեր էլ, ուր զրանցից անգամ հարկն ուզում են նազդ փողով: Եսկ այգու, խոտի, խաղողի, փեթակի, առույտի և այլ աշարների ամեն տեղ առնում են հնչիւն գրամով:

Մի միջակ բոստանից — կանաչեղէն, ձմերուկ, սեխ, վարունգ և այլն ցանկելու համար, բացի հողային հարկից, առնում է, օրինակ, հինգ սուկի աշար (540 դահ.): 8-ը սալ խոտի աշարը լինում է 50 դահեկան: Եւրաբանչիւր 8 խորտառոււյտից 2 դահեկան: Նոյն ձևով և կորեկից, փեթակներից, և կենդանիների ազրից պատրաստած քախրից (աթար, КИЗЯКЪ) և այլն: Մշու պաշտի մէջ ամենափոքր այգու աշարը 2-2¹/₂ սուկի է, նոյնն է և ամենափոքր բոստանի համար: Այս աշարի վճարման համար մեծահոգի միւլթէլիմը նշանակում է 2 — 3 օր, առաւելը մի շարաթ: Եթէ փողը շտեց, իսկոյն կը գայ, տան ցորենն ու գարին կը կշռէ, կըտանի, /իւշեն (մօտ. 7 փութ 8 գրով.) հաշուելով՝ օրինակ՝

50 դահեկան այն ժամանակ, երբ նոյն չափը գիրպում ծախուում է 80 դահեկանով: Եթէ ցորենն ու գարին բաւական չեղան, կը ծախէ եզն ու կովը, գութանն ու արօրը, տան բոլոր կարասիները և նոյն խկ առաստաղի գերանները... կըմնայ շորս պատը...

Աշարի անշափ գծոխային ծանրութիւնը բաւական չէ 1900 թւին՝ Սուլթանական իրատէով ամբողջ Տաճկաստանի աշարը 6⁰/0-ով աւելացուցաւ. այսինքն այժմ փոխանակ $\frac{1}{8}$ -ը առնելու, պէտք է առնուի մօտաւորապէս $\frac{1}{7}$ բաժինը: Իսկ այգ աւելացած 6⁰/0-ը, համաձայն բարձրագոյն իրատէի, պէտք է գործադրուի բանակի համար:

8) *ժառանգորեան հարկ կամ խմբիկաց.*

Ռայա-Քրիստոնեայի թողած ժառանգութիւնն իր ժառանգների վրայ հաստատելու համար վերցւում է օրէնքով 10⁰/0 բոլոր ստացւածքի արժէքի: Քնահատողները պաշտօնեաներն են. մի կողմից կաշառք են ուտում ժառանգներից, միւս կողմից քնահատութեան մէջ գեղծումներ թող տալիս: Եթէ ժառանգները պատրաստի փող չունեցան կառավարութեան հասանելիք գումարը վճարելու՝ կամ ամբողջ կալւածք կամ նրա մի մասը հրապարակային աճուրդով ծախուում, առնելիքը լրացւում է և ապա ժառան-

գուժիւնը հաստատում ժառանգների վրայ:

Սրանով սեռական օրինական հարկերը վերջանում են: Քայց այդ չէ միայն տաճկական հարկային սխտեմը, նամանաւանդ քրիստոնեաների և առանձնապէս հայերի վերաբերմամբ. իշած հարկերից յետոյ գալիս են և ուրիշները:

IV

ՊԵՏԱԿԱՆ ՊԱՏԱՀԱԿԱՆ ԵՒ ԹԱՂԱՊԵՏԱԿԱՆ ՏՈՒՐՔԵՐ

Քաղաքային վարչութիւնը կամ լծագապետութիւնը (պէլլէտիէ), ինչպէս ամեն երկրներում, անպէս էլ Տաճկաստանում, սենի իւր սեփական տուրքերը, սր գանձում է ժողովուրդից քաղաքի բարեկարգութեան, ծառայողների ուճկի, մատերի վրայ համարուող լապտերների և այլ պէտքերի համար: Այդ հարկերի վրայ մենք կանգ չենք առնիլ, այլ մի քանի խօսքով կընկարագրենք ու կանցնենք կրկին պետական պատահական հարկերին:

Ղան-փարասը կամ *Ձեպհիլէ*: Սա մորթեալ համար բերուող կենդանիների տուրքն է: Ամեն մի մորթուող ոչխարից *մէշէսիէն* առնում է 20 փարայից (4 կոպ.) մինչև 1—1½ գա-

հեկան (8—10 կոպ.) նոյնն է և այժի համար: Ամեն մի եզից, կովից կամ գոմէշից վերցնում են 3, 4, 5 և աւելի դահեկան, նայելով քաղաքային վարչութեան պէտքերին ու վճիռներին:

Բագունանդ-փարասը կամ ապահովութեան հարկ: Սա գիշերապահների համար հաւաքույթ տուրքն է: Ամեն փողոց կամ մի քանի փողոցներ միասին պէտք է ունենան գոնէ մի գիշերապահ, որ տնազին պաւազանը ձեռքին՝ բարերին խփելով պտայաններ է գործում և, օրինակ Պօլսում, նոյն խի ծառայում է իբր ժամացոյց: Այն, գիշերապահը իր պաւազանով խփում է բարերին՝ բարձր ձայն հանելով՝ այնքան անգամ, որքան որ ժամացոյցն է խփել:

Ամեն ընտանիք պէտք է վճարէ ամսական առնւազը 2 դահեկան ապահովութեան հարկ, թէև այդ *ապահովորթուն* աւաժ անդամ բանը հրբէք գոյութիւն չունի թրքական անիշխանութեան լծի տակ:

Վերջին խառնաշփոթ գէւքերից սկսած՝ կառավարութիւնը սկսել է միջամտել գիշերապահների վարչութեան մէջ: Ամեն մի գիշերապահ այսօր մի վերակացու, մի լրտես է հայերի վրայ. . .

Թագապետութիւններն ունին և՛ կշեռքի (գանձար վարասը), և՛ շափելու, և՛ այլ մանր

մունքը, որոնց վրայ աւելորդ է կանգ առնելը:

Պետական պատահական տուրքեր ասելով՝ մենք հասկանում ենք այն բոլոր պատահական հարկերը, որ դնում է կառավարութիւնը ժողովուրդի վրայ կամ իբր միանւագ պահանջուող գումար, կամ իբր ժամանակաւոր հարկ և կամ իբր կոռ, բեկեար, անկարեայ և այլն:

Միանւագ պահանջուող տուրքերի մէջն է *խաւանէ*-ն (օժանդակութիւն) կառավարութիւնը յանկարծ նշանակում է ամեն մի ընտանիքի վրայ «այսչափ» դահեկան տուրք, որ կամ իբր կամաւոր և կամ իբր պարտադիր վճար՝ պէտք է տալ: Այսպէս՝ օրինակ՝ 1867 թիւն, երբ Սուլթան Արդ-իւլ-Ազիզ պիտի ճանապարհորդէր դէպի Անգլիա, բոլոր քրիստոնեաների վրայ դրեցաւ մի *խաւանէ*, վեհապետի ճանապարհի ծախքը հոգալու համար: Այդ հարկը դնելու ժամանակ խոստացել է միայն մի տարի առնել և ապա վերացնել. բայց տարին լրանալուց յետոյ նորից շարունակել է, մինչև որ մի նոր իրանէ է լոյս ընկել: 1877-ի պատերազմի ժամանակ բոլոր ազգաբնակիւթեան *երկու արւայ* հարկը միանգամից ու միաժամանակ հաւաքուց, կուրի նիւթական միջոցները զօրացնելու համար: Նրեցան բացարձակ խօստումներ յաջորդ

երկու տարիներն այլևս հարկ չըլերցնել, բայց պատերազմից յետոյ նորից առան այն տարւայ հարկը, որ արդէն միանգամ գանձել էին, և այն էլ աւելի զօրացրած շափերով և աւելի գազանական միջոցներով:

1896 թւին էլ Տաճկաստանը մի իսանէ ուննցաւ: Առաւմարութիւնը կոչ արեց իր բարբ հպատակ «հաւատացեալներին» մի նւէր տալ զէնք գնելու համար (որ և գնւեց և բաժանւեց մահմետական ամբոխին): Հետաքրքիրն այն է, որ այս իսանէն պարտագիր էր միայն մահմետականների համար, իսկ քրիստոնեաների համար կաւմարտ էր: Բայց պաշտօնական կոչումում մօտաւորապէս այսպէս էր սոււած. «Այսբութեան հաւատարիմ հպատակ քրիստոնեաների համար պարտագիր չէ. սի խորին հաւատարմութիւն սւնի գէպի գահը՝ նա իր գործով ցոյց կըտայ»: Գէհ, թող քրիստոնեայ ռայեան համարձակելի իսանէ շտալ... իսկոյն նա կընկնի կասկածի տակ, կըզիտի իրր անհաւատարիմ հպատակ, իրր վտանգաւոր մարդ... իրր «կօմիթաճի»...

Ով որ հետաքրքրւում է, կարող է այդ պաշտօնական թղթի պատճէն գտնել 1896 թւի օգոստոսի կամ սեպտեմբերի «Արեւիկր»ների մէջ: Այս խմբի մէջն ենք մտցնում և պետա-

կան կոսն ու բեկեարը, անկարեան և այլ ձրի կատարել տրուող աշխատանքները. գիւղացիներէ մօտ և նրանց հաշուով ապրող զօրքը զափթիւէները, աստիճանաւորները և այլն, որոնց փոխարէն յաճախ խոստացում է վճարել, իսկ յետոյ յիշեցնողին կամ բանտն են նետում, նրա ունեցածը ծծում, կամ ամենայաջող դէպքում «չուն գեաւուր» ասում, ծեծում վռնտում...

Տաճիկ պաշտօնեաների և առհասարակ տաճկական բնաւորութեան հետ անձանօթ մարդու համար անըմբռնելի կրկինի կոս ու բեկեարի, եկող գնացող զօրքերին և աստիճանաւորներին կերակրելու ռայական պարտաւորութեան բոլոր գծոսային ծանրութիւնը:

Մտնում են գիւղացու տունը 2 — 4 — 10 — 20 գինեւած մարգիկ: Նրանց անասուններին պէտք է կերակրէ 'հա: Եւ սրբան պահանջկոտ են այդ հիւրերը: Կերակուրը մի քիչ փոտ եզաւ կամ քիչ, ծեծով ու մահուան սպառնալիքներով ստիպում են տան տիրոջը բերել իրենց ուզածը. բեր, կայ-չկայ՝ հարցանողն սիլ է: Այգ գեա տանելի է: Լաւ յգփանալուց յետոյ՝ նրանք պահանջում են գոհացում և իրենց անասնական կրքերին: Յաճախ ձիերը տալիս են տղամարդկանց որ տանեն, մի քիչ ման ածեն, կամ առաւիկից ջուր խմեցնեն, իսկ իրենք բռնաբարում

են տան կանանց ու աղջիկներին: Ի՞նչ կարող է անել անզէն ու անպաշտպան ստրուկ քրիստոնեան, շատ էլ որ խօսի, զնդակը ու գաշոյնը պատրաստ են նրա համար:

Երբ որ և է զիւզացու տուն այլ պատու. հաս-հիւրերը ոտ են գնում, գրացիք խելոյն աշխատում են մի կերպ զազանի խել տանից հարս ու աղջիկներին և թաղցնել իրենց մօտ մինչև հիւրերի զնալը տանը թողնում են տղամարդկանց և հասակաւոր կանանց ու կրեխաներին:

Զինուած բռնաբարութեան այս զոհերին տեսնելով, շատ երոպացի ճանապարհորդներ եկել են այն եզրակացութեան, որ տաճկաստանցի քրիստոնեաները բաւական անառակ են կամ գէթ անտարբեր դէպի ընտանեկան պատիւը: Բայց վերջին ժամանակի աւելի խոր ուսումնասիրութիւններն ապացուցին, որ միայն զէնքի սպանիչ զօրութիւնը և զոհերի անզինութիւնն է ստիպում նրանց անտարբեր երեւալ: (տես „Положение Армянъ въ Турціи“ գիրքը, Մակ կորմի յօդածը):

ՔՐՏԱԿԱՆ ԱՊՈՐԻՆԻ ՀԱՐԿԵՐ.

Աւելորդ է խօսել այն քայքայիչ ազդեցութեան մասին, որ անուժ են բրդերի և այլ թափառական ցեղերի յարձակումները, թալանը, հրդեհները և սպանութիւնները խաղաղ ազգաբնակչութեան անտեսական կեանքի վրայ: Այնքան է զրաժ այդ մասին, որ այսօր համարենք ամենքին ծանօթ մի խնդիր է դա: Բացի դրանից՝ մեր նպատակը չէ ուսումնասիրել տաճկահպատակ ռայայի կեանքի բոլոր երևոյթները:

Շատերը կարծում են, որ Տաճկաստանը մի ձոյլ, կեդրոնացած, բռնապետական պետութիւն է, թէ և թոյլ ու անկանոն: Այդ կարծիքը սխալ է: Թիւրքիան պարունակում է իր մէջ բազմաթիւ մանր ու խոշոր պետութեան նման բաներ: Նա ուժի, զէնքի բացարձակ տիրապետութիւն է: Այստեղ օրէնքը խփում է նրան, գործադրում է նրա վրայ միայն, ով այժ չունի դիմադրելու, ով վախենում է նրանից: Մինչև օրս էլ Արարեայի տնապատները բնակիչը և Միջագետքի Բեզուրիքը միայն անունով են հպատակ Ստամբուլի իշխանութեան: Նոյն վիճակին են Դերսիմի աշիրէթներից մի քանիսը,

կորգուաց աշխարհի քրտերից շատերը, ձուլա-
մերկի ասորիներն իրենց Մեկիրներով ու
Մար շիմնով, բազմաթիւ լեռնական եղիզները,
այրանացիները և այլն: Նոյն վիճակին էին մա-
սամբ և Զէյթունը և Սասունը, և Շատախն ու
Մարսը սրանից մի բանի տասնհակ տարի-
ներ առաջ:

Մինչև 1840-50 թւականները բոլոր Տաճ-
կա Հայաստանը, մանաւանդ նրա հարաւարե-
ւելիան մասը՝ գտնուում էր քրտերի բէկերի իշ-
խանութեան տակ, ճիշտ այնպէս, ինչպէս այ-
սօր Գերսիմի բուն լեռնական մասերը (Կիլան-
դերէսի և այլ գաւառներ) գտնուում են մի քա-
նի սէյիզների (օրինակ սէյիզ Խրրահիմի) և բէ-
կերի ձեռքում: Գերսիմը չի վճարում կառավա-
րարութեան ոչ հարկ, ոչ գօրք: Գերսիմը կազ-
մում է մի տեսակ անկախ համայնք Տաճիկ
պետութեան սահմաններում: Գերսիմը չի ճա-
նաչում ոչ տաճիկ պաշտօնեայ, ոչ աշար կամ
արազիէ հաւաքող միտարներ և միւլլիպիմներ:
Նրա լեռների փեշերի վրայ և շրջապատի գա-
ւառներում՝ ինչպէս Խոզատ, Զմէկաժագ, Բերրի
և այլն՝ կան տաճիկ կառավարիչներ (միւլլիսէ-
րիֆ) ու գայմագամներ, բայց նրանց իշխա-
նութիւնները երբէք չի մագլցում լեռների բար-
ձունքները կամ թափանցում Գերսիմի մութ

անտառները: Երբ 1880-86 թուականներում Երլազի կողմից գրեցաւ Գերսիմի գրաւումի երնկճումի խնդիրը, չեմ լիշում սր փաշան էր (նրան էին առաջարկում այդ գործը)՝ պահանջեց 200,000 գորբ և 2—4 տարի ժամանակ... Այսօր Գերսիմը չի մտած նաև 1890 թւերից կազմուող համիտիական քուրտ ձիաւոր բաշիրօզուր զօրքերրի մէջ: Նա բացարձակ անկախ է, միայն նրա անկախութիւնը չի ճանաչւած միւս պետութիւններից՝ ինչպէս Ջերէլ-էլ-լիրանանի ինքնուրոյն վարչութիւնը ճանաչւած է քաղաքական աշխարհից: Գիտէ և փաստացի կերպով ընդունում է կամ հանդուրժում նրա անկախութիւնը միայն Տաճիկ պետութիւնը:

Գերսիմի գրութեանն էին՝ — աւելի մեծ շափերով՝ Գերէրէկերը մի բանի դար շարունակ՝ Հայաստանի մի մասում, այն է՝ ներկայիս Վանի, Բաղէշի, Մուշի, Բայազիդի և Գիարըէրիբի վիլայաթներում, ուր թուրք ազգաբնակչութիւնը համարեա բացակայում էր: Գրա համար էլ կառավարութիւնը հայոց երկրի այդ մասը մինչև օրս էլ *Քիրսիսսան* է անւանում:¹⁾

Տաճիկ պետութիւնն ունէր իր փաշաները

¹⁾ 1900 թի կէսերին Պոլսի թրքական զենդուրան արգելեց Կիպերտի աշխարհագրական քարտեսի «Իտքր Յարա» թերթը, որովհետև այնտեղ վերևում լիշւած նախանգների վրայ գրւած էր Armenia և ոչ Kürdistan...

կամ միւթէսերիֆները միայն մեծ քաղաքներում, ինչպէս Գիարբէքրում կամ Վանում: Նրանք այդ տեղերում համարեա ոչ մի իշխանութիւն չունէին. մի քանի մեծ քաղաքներից գուրս ամեն բան Գերերէկերի ձեռքին էր, իսկ այդ բէկերը շէին ճանաչում տաճկական իշխանութիւնը, որը և միշտ աշխատում էր յաղթել ու ընկճել նրանց, հպատակեցնել կենդրոնական վարչութեան լծին: Օրինակ՝ 1747-ին Էրզրումի Սէր-Սսկէր Իբրահիմ վաշան պատերազմ մղեց Մուշի տէր Սլադդին բէկի դէմ և շկարողացաւ նրան յաղթել ու հպատակեցնել: 1877-ին Գիարբէքրի Ուզուն-Ս.բղալլահ վաշան պատերազմի բռնեց քուրտ Գերերէկերի և լեռնական հայերի հետ, և իր 30,000 զօրքով ջարդ ու փշուր եղաւ: 1782-ին Գիարբէքրի մի ուրիշ վաշա կուր բռնեց Փանսքի քրտերի և հայերի հետ, 500 զինուոր կորցրեց, յաղթեց ու փախաւ և այլն և այլն:

Ժամանակը յառաջ էր շարժւում, նրա հետ և Տաճիկ պեղութեան կեդրոնացումը: Կենտրոնացման զարգացումը հասաւ այն կէտին, որ փորձապէս 1835-ին Ռաշիդ վաշան կախ գուրս եկաւ Խան-Մահմուդ Գերերէկի դէմ և փշրելով նրա ոյժը՝ հպատակեցրեց, իսկ 1847 թւին Օսման վաշան ջարդեց բեղրսան-բէկի

բանակը և նուճեց «Քիւրտխատանը»: Թէ խան Մահմուդը, թէ Քիզիլբասան-բէկը գերի բռնեցան և առաջինը Սիլխատրա, իսկ երկրորդը Կրիտէ արտուեցան:

Սխայն այդ յաղթութիւններէց յետոյ սկսեց տաճկական խոկական տիրապետութիւնը Հայաստանի հարաւ-արեւելեան մասերում: Քուրտ Գերէթլիկերի վերջին ապստամբութիւնը տեղի ունեցաւ 1854 թւին՝ Բեդլիբասան-բէկի հղբօրորդու՝ Եզդիշարի առաջնորդութեամբ: Եզդիշարը 60,000 քրտերի վրա իս անցած, օգդւելով Խրիմի պատերազմի առաջացրած խառն վիճակից՝ մերժեց հպատակել Սուլթանի կառավարութեան, հրատարակեց իրեն տէր Բաղդադից մինչև Վան եղած բոլոր երկրների, կոտորեց ու գուրս վանդեց բոլոր տաճիկ պաշտօնեաներին-առարկելով, որ այն կողմերում իսկապէս տաճիկ ազգաբնակչութիւն չըլայ՝ ուրեմն և ձեր ներկայութիւնն աւելորդ է,—և իր զօրքով բանակ գրեց Բաղէշի վիլայէթում: 1855-ին տաճկական զօրքը կենտրոնացաւ Բաղէշի մօտերը: Հրամանատար փաշան հրաւիրեց՝ հազար երդումներով՝ Եզդիշարին բանակցութեան և, դաւաճանելով իր երդումին, նրան կալանաւորեց և ապստամբութիւնը ճրնչեց փոքր առ փոքր: Քրտական խոշոր տիրապետութիւնը ճնշեց

ու նաճեց, բայց քիւրան անձամբ երբէք
 հնչաւսակ չեղաւ: Մինչև օրս էլ բազմաթիւ
 լեռնական բուրտ աշխրէթներ բսլորովին ան-
 կախ կեանքեն անցկացնում: Միայն արդիւնքն
 աւելի վատ եղաւ դաշտաբնակ երկրագործ ժո-
 դովուրդի համար: Առաջ միայն քիւրտ բէկերն
 էին առնում հարկը, այն էլ միայն իրանց ան-
 միջական պէտքերի համար—ամեն բան մթեր-
 քով: Երկրագործը կարող էր ապրել, եթէ նոյն
 իսկ նրա աշխատանքի կէսն էլ առնէին: Իսկ
 երբ պետութեան ձեռքն ընկաւ, սկսեցան ան-
 վերջ հարկերը: Այդ էլ կարելի էր սկզբներում
 տանել, միայն եթէ պետութեան կենտրոնացման
 գործուրթիւնը մինչև ծայր տարւէր: Քրտական
 լայն տիրապետութիւնը ոչնչացաւ, բայց մեա-
 ցին բազմաթիւ զինւած, անկախ աշխրէթներ,
 որ իրենց շրջաններում հանդիսանում են իբր
էրկրորդ տէրեր: Պետութիւնը մի կողմից է
 հարկ հաւաքում, քուրտ բէկը միւս կողմից: Ժո-
 դովուրդը մնում է երկու կրակի մէջ. ոչ մէկին
 մերժել չի կարող: Մէկը պետութիւն է. ունի
 զարթիէ, սուարի, բանակներ, գատարան, թըն-
 դանօթ կայլի. միւսը՝ զինւած քիւրտ աշխրէթ է:
 Ժողովուրդն անպէն է. պետութեան ու քրտի
 ատրճանակի, սրի, հրացանի ու թնդանօթի

առաջ միայն մի բերդ ունի գէմ դնելու՝ իր քրտնաթոր մերկ կուրծքը...

Գերէբէկերի իշխանութիւնը ոչնչացնելով և քրտին վերջնականապէս գտակել, գէնքը ձեռից խլել, խաղաղ պարապմունքի անցկացնել չկարողանալով՝ պիտութիւնը դրեց նրան առազակի դրութեան մէջ։ Երբ մարդ համոզւած է, որ երկագործը գէնք չունի և գիտէ, որ պետութիւնն անգոր է իր ետեից ընկնել լեռների ու ժայռերի ձերպերում՝ աւելի ուրախութիւնով ապրուստի հեշտ միջոցը կընտրէ, քան քրտնաթոր աշխատանքը.—նա կըզատնայ սուսազակ։

Քրտի ուզած հարկը գէնքի, առազակի պահանջն է։ Նա գալիս է անպէն հայի գիւղը, պահանջում՝ որքան իր քէֆն է տալիս, առնում է ու գնում։ Նա հարկ է առնում, որ հայի հետ հաշտ ապրի, նրան չվնասի։ Գրա համար էլ այդ հարկը կուշուս է *առաքան* կամ *հաշտութեան գին*։ Հայկական գաւառներում ամեն հայ ունի մի քուրտ աղա կամ բէկ կամ պաշտպան։ Այս ինչ գիւղը, օրինակ, Մսոս բէկինն է. հարկ է տալիս, որ Մսոս բէկը պաշտպանէ նրան ուրիշ քրտերի յարձակումներից ու թալանից և ինքն էլ շարձակի։ Եւ քուրտը յաճախ բարեխղճօրէն յարգում է իր նմանի *սեփականութեան* այդ իրաւունքը։ Բայց քիչ

չեն նաև նրա խախտումները: Այդպիսի դէպքում երբեմն աշիրէթները, մի հայ գիւղի հարկի համար, սկսում են անվերջ «արեան կռիւներ» վարել իրար դէմ, արեան վրէժ կամ *վենդեսսա* լուծել իրարից: Բայց այդ բոլորից տուժողը կրկին խեղճ ռայան է. երկու կուռղ կողմերն էլ հարկ են առնում զէնքի ուժով. շուիր՝ կրթալանեն, հօտերը կըտանեն, արտերը կըհրդեհեն և այլն:

Քիւրտը հարկ է առնում մեծ մասամբ մթերքներով և աւելի քիչ՝ հնչիւն դրամով: Նա տանում է ցորեն, գարի, մեղր, ձի, զգեստ և այլն: Նրա վերցրած հարկերը ոչ որոշ չափ ունին, ոչ ժամանակ և ոչ սահման. երբ որքան և ինչ ձևով ուզենայ՝ կըտանի զինւած մարդը անզէնից:

Շատ յաճախ կըլսէք, որ քուրան ասում է մի հայի մասին. *դա իմ Քըսս է*: Այդ նշանակում է, որ այդ հայը այդ քրտին հարկ է տալիս: Երբ երկրում մնացած հայը չի կարողանում վճարել քրտին հասանելիք տուրքը՝ յաճախ քուրտ բէկը զալիս է Նովկաս, անցնում Բուլղարեա, Խրիմ, և այլ տեղեր, ուր պանդխտել են չիք ֆլաներից փող աշխատելու—և նրանցից դանձում է հարկերը, որպէսզի երկրում մնացածներին զօրեղ պաշտպանութիւն ցոյց տայ:

Վայ թէ գրտում եղած հայերից մէկն ու մէկը մերթէ վճարել կամ կոպիտ վարւի բէկի հետ. նրա ընտանիքի երկրում եղած բոլոր անդամները կրակի կրճուեն քրաի ձեռքում, երբ նա կը վերագառնայ:

Սիմֆերոպոլում կան բաւական թւով սպերցի, Գերջանցի և այլ հայեր Վարնի վիլայէթից: Նրանք մեծ մասով հացագործներ են և բաւական ունեոր: Մի քիւրտ բէկ վերջին 5--6 տարիները միշտ գալիս էր Խրիմ նրանցից ամեն տարի 1500 - 2000 ռուբլի հարկ առնում ու վերագառնում: Այդ պանդուխտ հայերից տար զլուխ մի երիտասարդ՝ լսելով՝ որ քուրտը և հարկն է առնում և ամեն տարի երկրում եղածներին էլ կեղերում իբր ստոր վաշխառու՝ 1899-ին խփում նրան՝ սպանում է Սիմֆերոպոլում և ինքն էլ գնում յանձնում ոստիկանութեան: Ռուսական արդարագատութիւնը ճանաչեց նրան անմեղ և ազատ արձակեց:

VI.

ՀԱՐԿԵՐԸ 1877-Ի ՊԱՏԵՐԱԶՄԻՅ ԱՌԱՋ ԵՒ ՅԵՏՈՅ.

Վերևում յիշած բոլոր հարկերը գոյութիւն

ունէին այս դարի կէսերից սկսած, բայց նրանք կործանեցին ազգաբնակչութեան ամբողջ տնտեսութիւնը միայն վերջին 25 տարիների ընթացքում: «Նոյն նրանք իրենց աւերումները սկսեցին երևան հանել 80-ական թւերից միայն և ոչ, օրինակ՝ 50-ական թւերից», կարող է և շատ բնականօրէն հարցնել ամեն մի ընթերցող: Եւ նա իրաւունք ունի. եթէ երկրի հարկերի մէջ ոչ մի խոշոր փոփոխութիւն չլինէր, նրանք հաւատարապէս պիտի քայքայէին զիւզացուն և 50—60 թւերին, և 80—90 թւերին: Սյգ երեւոյթի բացառութիւնը մասամբ և՛ շատ պարզ է, մասամբ և՛ շատ բարդ:

Երբ Տաճկաստանի մեծամասնութիւնը Պերէրէկերի ձեռքն էր, ժողովուրդի հարկը համեմատաբար շատ թեթեւ էր և ամեն ինչ վերցւում էր զլխաւորապէս բերքերով: Երբ, օրինակ, զիւզացին ունէր 12 քիլէ ցորեն (քիլէն 7 փ 8 գր է), 40 սչխար և այլն—բէկի մարդիկը զալիս չափում և, ենթադրենք, տանում էին նոյն իսկ $\frac{1}{4}$ -ը կամ $\frac{1}{3}$ -ը. այնուամենայնիւ երկրագործին մնում էր 8—9 քիլէ ցորեն, 27—30 սչխար .. Ելի զբանով կարելի էր բաւական հանգիստ ապրել: XVІІ—XVІІІ դարերից այդ երկրի ներքին կեանքից մեզ հասած հատ ու կտոր տեղեկութիւնները ցոյց են տալիս, որ՝ թէև ազ-

գարնակութեան կեանքն այնքան ապահով չէր, բայց անտեսական խոշոր տաղնապնները չէին թագաւորում ու յարատեւում այնպէս, ինչպէս այժմ է այդ լինում նոյն երկրում:

Երբ դերէբէկերը ոչնչացան և երկիրը վերջնականապէս ընկաւ Տաճիկ կառավարութեան վարչութեան տակ, կառավարութիւնն սկսեց հարկեր նշանակել կամ հզած հարկերը պարտաւորական դարձնել քրտերի հպատակ հայերի համար ևս: Սկզբներում այդ հարկերը թէ քռով/իիջ էին, թէ չարիով սակեցի:

Այսպէս, օրինակ, 1830—50-ական թւերին՝ աշարը, բացի ցորենից ու գարուց, ուրիշ երկրագործական արդիւնքների վրայ չէր տարածւում: Այգիները, բոստանները, խոտը, աււոյտը, շայիրները, և այլն—համարեան ազատ էին աշարից: Այն ժամանակ չկար եէօլ-փարասըն, չկար ծխախոտի թէթին (մենալաճառութիւն), չկար Հանրային Պարտքի վարչութիւնը (Գէյ-ունը-Ումումիէ), չկար բազմանդ-փարասըն, չկար արհեստների հարկը և այլն:

Բացի այդ բացակայութիւնը, հզած հարկերն էլ անհամեմատաբար աւելի քիչ չափերով էին, քան այժմ¹⁾: Այսպէս՝ սկզբնական $2^{1/2}$ —5 դա-

¹⁾ Եւ ինչպէս կարող էր ուրիշ կերպ լինել, երբ մինչև 1850 թիւը թիւրքիան չպետական պարտք» ասած

հեկանաննոց բեզելը-էսկէրիէն 1835-ի իրատէսով բարձրացաւ 15 դահեկանի, 70-ական թւերին հասաւ մինչև 27 դահեկանի, իսկ Ռուս Տաճկական պատերազմից յետոյ հասաւ 37¹/₂ դահեկանի: Քիչ էր և արագիւէն (հողային հարկը) կամ Սալիանը, ինչպէս ասում էին այն ժամանակները: Մի հող, որի վրայ կարելի էր ցանել 20 քիլէ ցորէն՝ մինչև 1877-պատերազմը պետութեանը վճարում էր 100 դահեկան հարկ, իսկ այժմ ամեն 4 քիլէ ցորենի տեղի համար պէտք է վճարել 100 դահեկան, այսինքն՝ հարկը շատացել է ուղիղ 5 անգամ: Շատացել է և շինութիւնների հարկը և միւս բոլոր տեսակ հարկերը: Առաջ աշար վերցւում էր *օրէնի* քանակ երկրագործի արդիւնքի միայն ¹/₁₀-ը, իսկ այժմ

բանը երբէք չէր հասկանում, իսկ այդ թից կամ աւելի ճիշտ՝ Երիմի պատերազմից յետոյ՝ մինչև 1876 թիւը նա կնքեց 12 հսկաշտկան փոխառութիւններ, 200-ից մինչև 250 միլիօն անգլիական ֆունտ հրէշաւոր գումարով. (տես Stambul und das moderne Türkenthüm, von einen Osmanen): Ռուս-Տաճկական պատերազմը եկաւ աւելացնելու այդ ծանր բեռը: Այսօր, չնայելով որ ոգելից խմիչքները, երկաթուղիները, մետաքսը, սջխարի հարկը, ազը, ձկնորսութեան իրաւունքը, ծխախոտը, մաքսատները, ծովափերը, փարոսները և այլ բազմաթիւ արդիւնաբեր աղբիւրներ գտնում են եւրոպական պարտատէր կապիտալիստների ձեռին, վերջին 25 տարիների ընթացքում աւսումնանայնիւ թիւրքիան նորից անքում է 1,230,415,000 ուրլլի պարտքի տակ, վճարելով միայն տոկոս տարեկան 55,250,000 ուրլլի, չհաշուելով մանր պարտքերը:

նոյն օրէնքը պահամջում է $\frac{1}{8}$ և 1900 թւից սկսած $\frac{1}{7}$: Առաջ ամեն մի այծի կամ ոչխարի համար վճարւում էր—օրինակ— 1 դահեկան, իսկ այժմ $4\frac{1}{2}$:

Այստեղ մի փոքր փակազրիժ: Մինչև վերջին պատերազմը Տաճկաստանը շատ էլ չէր մտածում գայրոցների մասին. իսկ պատերամզից յետոյ լուսաւորութեան կարիք զգաց և աշարը մեծացրեց, որ նրա աւելացած մասով միջոցներ (ժողովուրդական կամ ազգային գայրոցներ) բանայ: Եւ յիրաւի, բացւեցան այգ-պիսի գայրոցներ: Կարնի այգ հաշւով կառուցած գայրոցի շէնքը նոտել է 6—7000 ոսկի, Խարբերդինը նոյնպէս. այն ինչ՝ այգ արհեստից հասկացողների վկայութեամբ՝ դրանք հազիւ արժեն 1000—1500 լիրա: Մնացածը կլանել են մեծորկսր պաշտօնեաները: Այգ նպատակով հաւարւած դրամը յաճախ անցնում է զինուորական նախարարութեան ձեռքը և աւելի յաճախ շոգիանում է գանձարանից: Եւ իբր թէ այգ գայրոցներում պէտք է ուսանէին բոլոր հպատակ ազգերի զաւակները, առանց կրօնի և ազգութեան խտրութեան. բայց, գործին մօտ մարդկանց վկայութեամբ՝ մի հատ անգամ բրիտանէի զաւակ չի յաճախում այնտեղ . . .

այն ինչ հարկի մեծ մասը նրանց մէջքի վրայ է բարդւած:

Երբ պետութիւնը մտցրեց փողային հարկերը, և մանաւանդ երբ նա շատացրեց կ'նրանց տեսակներն ու չափերը՝ գիւղացու խորարմատ գարևոր տնտեսութիւնը սկսեց նախ հիւծել կ'ամաց-կամաց և ապա, պատերազմից յետոյ, երբ աշարի մեծ մասն էլ սկսվեցաւ փողով առնել և զինւորական տուրքը բարձրանալ ամեն արու անհատից 40—42—45 դահեկանի անլուր չափին՝ գիւղացու տնտեսութունն սկսեց ճաթճաթելով ու ճոճաւով քայքայել այնպէս, որ երկիրն ընկաւ համաճարակ ազրատութեան կամ պաուպերիզի գիրկը. նրա բրիտտոնեայ ազգօրնակութիւնը ձեռք առաւ պանդխտութեան և գաղթականութեան ցուպը, դարձաւ թափառաշրջիկ, մուրացկան, օր հացի կարօտ: Իսկ միւս կողմում հարուստ հողը, դրախտային պարտէզները մ'նացին առանց մշակող ձեռքերի. հաւաքուցաւ, կենտրոնացաւ մի քանի սակաւաթիւ ուժեղ ձեռքերում կամ անտէրացաւ ու խոսպանեցաւ:

Քննենք այժմ այն տնտեսանելի պատճառը, որ քայքայեց երկրի տնտեսական կեանքը, երբ փողային հարկը ոտ գրեց շէմքից ներս: Դա կարեւոր երևոյթ է. պէտք է դրայ վրայ կանգ

առնել: Իսկ այդ երևոյթը պարզ ըմբռնելու համար՝ պէտք է գէթ մի քիչ ծանօթ լինել Տաճկաստանի առիական ներքին գաւառների տնտեսական դրութեան, նրա զարգացման, նրա արդիւնագործութեան, նրա հայրըղակցութեան ճանապարհների հետ:

Երկրի ազգարնակութեան խոշոր մեծամասնութիւնը գիւղացի դասն է՝ երկրագործական և խաշնարածական զբաղմունքներով¹⁾: Քաղաքների թիւը համեմատաբար՝ շատ քիչ է: Մեծ քաղաքներ բոլորովին չկան: Մեզ հետաքրքրող սահմանների մէջ ամենամեծ քաղաքներն են՝ Էրզրումը, Վանը, Ղիարքերիքը և Սեբաստիան. զրանցից ամեն մէկն էլ հազիւ թէ 50—65 հազար բնակիչ ունենան: Եղած քաղաքներն էլ զեռ ևս ամբողջովին չեն գուրս եկել՝ այսպէս

²⁾ Թէ Եւրոպական, թէ Աուսական մասնոյի մէջ մի քանի անբարեխիղջ գրողներ իրենց համար արհեստ են դարձրել հայերի վրայ չարձակել, իրք մի վաշխառու, չարչի ժողովրդի վրայ, որի մեծամասնութիւնը վաճառականներ, վաշխառուներ են: Այդ տեսակ անձերից նոյն իսկ ամենաողողամիտները, որ անկեղծօրէն հաւատում են ասածներին-ծանօթ չեն ժողովրդի հետ: „Россия въ Цифрахъ“ վիճակագրական պատկառելի հրատարակութիւնը ցոյց է տալիս, որ հայ երկրագործները Աովկասում կազմում են ամբողջ Աովկասի հայութեան 86⁰/₀-ը . . . Իսկ սրբան կը լինի հայ երկրագործ գառը Թուրքիայում . . . Մենք կարծում ենք, որ գէթ 90⁰/₀ հաշուել նրանց թիւը՝ երբէք չափազանցութիւն չի լինի: Բարեխղճութիւն չէ տեսնել միայն Մարտէլլի, Պարիզի, Լօնգօնի կամ Վօսկլայի ու Պետերբուրգի վաճառական հայերը և զրանից եզրակացնել, որ բոլոր հայերը վաճառական, չարչի են:

ասած՝ «գիւղական շրջանից», քաղաքի կենտրոնում վաճառանոցն է և արհեստանոցները, վարչական և ազգային հիմնարկութիւնները, իսկ քաղաքի շուրջը, մի համակենտրոն շրջանով պարփակում է քաղաքային երկրագործը (ռաշար), որ ներկայացնում է մի տեսակ «գիւղ քաղաքի մէջ»: Դա մնացորդ է գիւղական կեանքի, կամ մի տեսակ անցողական գրութիւն է բուն քաղաքի և գիւղական կեանքի:

Մի երկրի կուլտուրական զարգացումը խիստ կերպով կապած է նրա քաղաքների թւի շատութեան և նրանց բնակիչների առատութեան հետ: Արքան մի երկիր կուլտուրապէս զարգանում է, այնքան նրա քաղաքների թիւը շատանում է և նրանց բնակիչները բազմանում: Ազգաբնակչութեան այդ կենտրոնացումը քաղաքներում բնական արգիւնք է մեր ներկայ պատմա-տնտեսական շրջանի, կուլտուրական զարգացման ճակատագրական պայմանների: Այսօր ամենակուլտուրական երկրները համարում են Անգլիան, Ֆրանսիան, Միացեալ-Նահանգները, Գերմանիան և այլն. և դրանց պէս էլ համեմատաբար աւելի շատ և աւելի բազմամարդ քաղաքներ ունեցող երկիրներ չկան:

Անցնում ես մի 2—300 վերստ, օրինակ Զւիցերիայով պատահում ես 15—20 քաղաք-

ների. իսկ եթէ այդպէս երկու տարածութիւն անցնես Տաճկա-Հայաստանում, հազիւ թէ 4 — 5 բաղաբլի պատահես, այն էլ կէս-քաղաք՝ կէս-գիւղ: Սա կուլտուրական ծայրայեղ յետամնացութեան նշան է:

Երկրի ազգաբնակչութիւնը դեռ ևս երկու որոշ մասեր ունի. նոտակեաց երկրագործներ և թափառական-խաշնարածներ: Թափառական ցեղերը դեռ ևս ապրում են սօցիօլօգիայի մէջ լաւ յայտնի *բարբարոսական* շրջանի սահմաններում, հազիւ մօտեցած *ֆաղաֆակրքորեան* սկզբնական շրջանին: Նրանց մէջ դեռ ևս կը տեսնէք գենսը կան կլանը (տոհմ-ջինս), ցեղը կամ տրիբիւն (աշիրէթ), ցեղերի դաշնակցութիւնը, ամուսնութեան նախկին ձևերի մնացորդները, աղջիկ փախցնելը, օջախի սրբութիւնը, «արեան վրէժը», վինդգետտան և այլն: Մասնաւոր սեփականութեան գաղափարը դեռ ևս այնքան թոյլ է, այնքան քիչ է յարգւում և ցեղային համայնական սեփականութիւնը դեռ ևս այնքան թարմ յիշատակներ ունի, որքան Հոմերական շրջանի յոյների կամ բաղմաթիւ աֆրիկական Նեգրների մէջ: Մարդկութեան զարգացման ներկայ պերիօդում կուլտուրական զարգացման հետ ձեռք ձեռքի տւած գնում է և «ուրիշի սեփականութեան», «ուրիշի անձ-

նաւորութեան» յարգանքի զարգացումը: Քողութիւնը, յափշտակութիւնը, թալանն աւելի շատ են յետամնաց ազգերի մէջ: Սրա պատճառը, բացի սճրային և այլ սլայմաններից, մասամբ նաև անհատական մասնաւոր սեփականութեան զաղափարի խակ վիճակն է: Քուրդն իր աշիրաթի ներսում չի զոզանում, խոյ իւր ցեղին չպատկանող ամեն անձից զոզանայլը *խաջուրիւն* է համարում:

Երկրագործ ազգաբնակչութիւնը գտնուում է իսկական միջնադարեան վիճակի մէջ: Հողագործութիւնը, մեղւարութիւնը, կաթնատնտեսութիւնը, այգեգործութիւնը և այլն՝ կատարում են բոլորովին սկզբնական, նահապետական ձևերով:

Եւրոպայում ձեր արած ամեն մի քայլը շրջապատւած է անվերջ մշակւած հողերով, չկայ մի մատնաչափ անմշակ հող, բացի լեռներից ու ժայռերից: Այնտեղ յաճախ գիւղերն իրար հետ միանում են. ամեն քայլափոխից մի գիւղ, մի քաղաք կս պատահում: Իսկ այստեղ՝ երբեմն օրեր կս գործ գնում, որ մի գիւղից միւսը հասնես. հողերն էլ անվերջ բանակութիւններով անմշակ ընկած են: Ազգաբնակչութիւնն սպանիչ կերպով նոսր է:

Մի կուլտուրական երկրի ամենաառաջին

նշանն է նրա հազարդակցութեան միջոցների զարգացումը և տեսակները: Աշխարհի սկզբնական ամենամեծ քաղաքակրթութեան որսանները եզել են նաւարկելի մեծ գետերի ափերին. Նեպոս, Գանգէս և Ինդոս, Ամու-Գարիա և Սիր-Գարիա, Եփրատ և Տիգրիս (Միջագետքի մասերը միայն), Գեղին գետ և այլն: Երկրորդ քաղաքակրթական շրջանը ծովերի ափերումն է զարգացել, երբ մարդիկ մի քիչ աւելի են վարժւել պատրաստել նաւեր ու նաւակներ: Փրոնիկիա, Յունաստան, Իտալիա, Աարթազէն, Սիցիլիա, Իսպանիա, Պորտուգալիա, Հոլլանդիա, Անգլիա և այլն: Երրորդ շրջանը ցամաքայինն է, որ կոչուում է *համաշխարհային* շրջան: Այստեղ գործում են խճուղիները, երկաթուղիները, շոգենաւերը, գետը, ծովը, ովկիանոսը, չոփին, էլէքտրականութիւնը և այլն (Տես՝ Մեշնիկով *Les grandes fleuves historiques et la civilisation*): Հայոց երկրի ամենամեծ դժբախտագութիւնը եզել է նաւարկելի գետերից ու յարմար ծովային ճանապարհներից զուրկ լինելը: Իսկ այս նայն երկիրը կարող է էապէս քաղաքակրթւել միայն ցամաքային յարմար ճանապարհներով, ինչպէս Զւիցերիան, Աւստրիան և այլն: Այդպիսի յարմար ճանապարհների ճաճկա Հայաս-

տանում բոլորովին գոյութիւն չունին: Երկաթուղիները մասին խօսելն անգամ աւելորդ է. մնում է խճուղի: Իսկ խճուղի, ինչպէս միանգամ էլ ասացինք, մենք միայն երկուսը գիտենք հայկական ճանաչած վեց վիլայէթների շրջանում (Կարնի, Վանի, Բիթլիսի, Գիարբեքի, Խարբերդի և Սըլվազի վիլայէթներ) և նրանք էլ ողորմելի, քայքայուած վիճակի մէջ:

Հազորդակցութեան միակ միջոցը կարաւաւնն է՝ ձին, ջորին, էշը, ուղտը, եզն ու գոմէշը... իսկ դրանցով շատ հեռու չես գնալ: Գրանցով վաճառականութիւն, ներքին արդիւնազործութիւն և արդիւնահանութիւն չի կարող զարգանալ. փոխադրութեան ծախքը 1, 2, 3 — 5 անգամ աւելի է լինում, քան արդիւնազործութեան բոլոր ծախքերը միասին: Իսկ մի և նոյն ժամանակ՝ քո անմիջական դրացիներդ ամեն ինչ կատարում են գիտութեան տւած վերջին միջոցներով՝ և՛ լաւ, և՛ էժան... մանաւանդ երբ ունիս մի պետութիւն, որ փողի ու զէնքի ուժի տակ ճնշուած ստիպուած է ազատ բանալ իր դռներն ամեն մի պետութեան վաճառականութեան առաջ, առանց պահպանողական տարիֆների, առանց իր ներքին արդիւնազործութեան վրայ ուշք դարձնելու...

Թուրքիայի մարտերն՝ ամեն պետութեան համար՝ ներմուծւած ապրանքի արժէքի 100-ից 8-ն է: Այդքան չնչին մարս վճարող ապրանքը բոլորովին մեռցնում է թուրքիայի ներքին արդիւնագործութիւնը, խեղտում է նրան սաղմի մէջ և թողնում միայն հում նիւթերի արտադրութիւնը:

Արդիւնագործութիւնը բոլորովին միջնադարեան է. Երկրագործութեան և խաշնարածութեան մասին արդէն խօսեցցինք: Նոյնն են և արհեստները, և ինդուստրիան: Աժրողջ երկրում մի գործարան չէր գտնի: Յայտնի է Վանի շալը կամ ապան, Բաղէշի շիշան, Էրզրումի էհրամը, Երզնկայի, Ակնի և Արարկիբի մանիսան, Երզնկայի և Մարաշի իւարչուն (երեսարբիչներ, բաղանիսի ցամքոցներ) և այլն: Եւ այդ բոլորը նահապետական ձևերով է արդիւնագործւում: Զուլհակի (ստայնակ) հորը, նրա մի երկու փայտէ ձողերը, նրա սանրերը և մարուքը—ահա բոլորը... Ուրիշ մի աչքի ընկնող արդիւնագործութիւն չկայ, որի վրայ կանգ առնես: Մեծւում են հանքային հսկայական հարստութիւնները: Ազը հանքային պարտքի վարչութեան ձեռքն է—եւրոպական կազմակերպւած վաշխառութեան երկաթէ ձեռքերի մէջ, նրանից ժողովուրդը չի շահում, այլ տու-

ծում է... Գիւմիշխանէի արծաթի հանքը մշակուում է մարդկային ձեռքի, ձիերի և ջարհների ֆիզիքական ուժովը. մերեման բացակայում է, կամ եղածն էլ «աթաղան-բարաղան» մնացած հնութիւններ են, որ Եւրոպայում միայն մուղէյումներում կը տեսնէք: Երկրի հանքային հարստութիւնը դեռ ևս ուսումնասիրւած չէ: Այս ու այնտեղ կ'զատ յայտնի հանքերն էլ անմշակ ընկած են: Պղինձ, երկաթ, նաւթ շատ տեղերում կայ, բայց մշակող, օգտուող չկայ: Երբ մարդիկ մտածում են իրենց գլուխներն ուսերի վրայ պահել—այնտեղ հանքերի մասին մտածելն էլ դժուար է... Եթէ նոյն իսկ բոլոր յարմարութիւնները լինին:

Վաճառականութիւնն էլ արդիւնադարձութիւնից աւելի առաջ չէ գնացել: Ամբողջ Տաճկաստանում կայ բաւականաչափ դարդացած մի վաճառականութիւն, բայց նա հայկական նահանգների հետ շատ քիչ առնչութիւն ունի: Նրա իսկական շրջաններն են Եւրոպական Տաճկաստանը և ասիականի ծովափերը. Կիլիկիա-Մերսինից մինչև Ատանա, Ալէքսանդրետից մինչև Անտիօք, Հալէպ և մասամբ Այնթափ. Բէյրութից՝ Գամասկոս, Հաուրան, Եաֆայից՝ Երուսաղէմ, Չմիւռնիայից մինչև Աֆիօն-Գարահիսար և Էնկիւրու (Գաղատիա). Պոլսից-

Իզմիր, Բուրսա, Փօնիա և այլն: Իսկ մեզ հետարբերող շրջանում Եւրոպական վաճառականութիւնը մուտք է գործել մի քիչ՝ Տրասպիզանի վրայով՝ Կարին, Երզնկա և Շապին-Գարահիսար, Կարնից էլ անցել են ողբալի փշրանքներ գէպի Մուշ, Բաղէշ, Վան և այլն: Սամսոնի և Կերասոնի վրայով՝ գէպի Ամասիա, Թոզատ, Սերաստիա, Կեսարիա, Բիւրիկ, Խարբերդ, Գիարրեքիր և այլն: Կրկնում եմ—սա ոչ թէ մի թարմ վաճառականական հոսանք է, այլ խզճուկ փշրանքներ միայն:

Քաղաքներից դուրս, երկրի բաւական ընդարձակ սահմաններում, ապրանքների փոխանակութիւնը կատարւում է նահապետական ձևով: Քաղաքներում փողն արդէն դարձել է փոխանակութեան միութիւն: Ամեն բան անցնում է ապրանք-փող-ապրանք կամ փող-ապրանք-փող երրորդութեան օղակներով: Իսկ գիւղերում մինչև օրս էլ փոխանակութեան մեծ մասը կատարւում է ապրանքներով: Ապրանք-փող-ապրանք ֆօրմուլան, որ արդիւնագործող սպասողի (օրինակ՝ երկրագործի, արհեստաւորի և այլն) տնտեսական ձևն է, այնտեղ կրճատւած է: Քիչ ու միշտ քաղաքակրթւած երկրում՝ երկրագործը կամ արհեստաւորն նախ պէտք է իր ապրանքը (Ա.) ծախէ, իրականացնէ կամ փողի

վերածէ (Փ) և ապա այդ փոփոյով նոր ապրանք (Ա) գնէ, իր սեփական գոծածութեան համար: Իսկ Տաճկա-Հայաստանի գիւղացին և յաճախ նոյն իսկ արհեստաւորը՝ բաց են թողնում միջին օգտիւ-փողը. նրանք փոխում են ապրանքի հետ. ինչ որ մէկը շատ ունի, տալիս է այնպիսի մարդուն, որն իր ունեցածից չունի և ուզում է ունենալ կամ կարիք ունի. իսկ այդ երկրորդն ունի այնպիսի ապրանք կամ նիւթ, որին առաջինը կարիք ունի. Փողը շատ քիչ գեր է խաղում, այն էլ ծայրայեղ պարագաներում:

Բառնում է գիւղացին իր ձիերի վրայ ցորեն, ալիւր կամ մրգեր և տանում նրանց այնպիսի տեղ, ուր ցորենի, ալիւրի կամ մրգերի կարիք կայ և ուր, օրինակ, իւրը կամ պանիրն է առատ: Տալիս է, ենթադրենք, 4—5 քիլէ ցորեն և առնում է 1 քիլէ իւր կամ 2—3 քիլէ պանիր: Քաղաքի մի քիչ եւրոպականացած վաճառականից վերցնում է մանր առևտրականը (փերեզակ, չարչի) նաղդ փոփոյով ապրանք, տանում գիւղերը և ծախում հացով, ալիւրով, հաւով, հաւկիթով, ոչխարով և այլն. և յետոյ այդ բոլորը բերում քաղաք՝ մասամբ իւր տան համար գործածում կամ գլխաւորապէս՝ ծախում:

Այդպէս է ոչ միայն Տաճկա-Հայաստանում,

այլ և ռուսական տիրապետութեան տակ 24 տարի մեացած նոր նւաճւած երկրներում, ինչպէս Ղարսի, Կաղզվանի, Օլթիի ու Արտաշանի մի քանի գաւառներում: Մինչև օրս էլ Կաղզվանի այգեգործը տանում է իւր ծիրանն ու տանձը Գեօլայ կամ Բասենի գիւղերը և փոխում նրանց իւլի, ցորնի ու պանրի հետ: Այս վերջին տեղերում անգամ փողը շատ քիչ մուտք ունի ապրանքների փոխանակութեան մէջ: Իսկ աւելի, շնտ աւելի յետամնաց Տաճկա-Հայկական նահանգներում փողի դորձածութիւնը անհամեմատ աւելի սահմանափակ է: Այնտեղ գիւղերում ամեն մարդ արդիւնարեբոզ է. ամեն ընտանիք՝ իր աշխատանքով աշգիւնագործում է իր համար անհրաժեշտ երկրի մեծ մասը. մեացած փոքր մասն էլ ձեռք է բերում փոխանակութեան միջոցով—ապրանք կամ նիւթ տալով ապրանքի փոխարէն:

Տնտեսութեան այս ձևը գիտութեան մէջ յայտնի է «բնական տնտեսութիւն» (Naturalwirthschaft) անունով: Նա թաղաւորում էր միջնադարեան Եւրոպայում, այս օրւան Պարսկաստանի ու Զինաստանի ներքին մասերում, աֆրիկական Նիգրների, Կաբլինների և այլ բարբարոս ցեղերի մէջ: Փրանսիան, օրինակ, նոյն տեսակ փոխանակութիւն ունէր

Ալիգոլիկոս XIV-ից և Կօլրերից առաջ: Եթէ այդպիսի տնտեսութիւն ունեցող մի երկրի կառավարութիւնը չաշխատի կատարել նրա փոխանցումը *բնականից փողայի*ն տնտեսութեան՝ երկրի ազգարնակութիւնը կընկնի ծայրայեղ աղքատութեան, սլաուպերիզմի մէջ: Նախ պէտք է ոյժ տալ ներքին արդիւնագործութեան (որա համար՝ որահարանողական մարսեր, արհեստական խրախոյսներ տալ սեփական ինդուստրիային և այլն), պէտք է զարգացնել հազորդակցութեան միջոցները (կանոնաւոր խճուղիներ, երկաթուղիներ, հեռապիտ, նաւեր և այլն), սրանով ստեղծել ներքին հրապարակ կամ վաճառանոց և ապա միայն *աւսիճանաբար* անցնել փողային տնտեսութեան ու *փողայի*ն *հարկերի*:

Քննենք այժմ փողային հարկերի առաջադրած հետեանքները:

Քանի դեռ Գերէթէկերն էին տիրում երկրի մեծ մասին՝ հարկերի մեծ մասը վերցնում էր բերքերով և մի շատ չնչին մասը փողով: Ըսկ այդքան փողային հարկը դեռ տանելի էր: Քուրտ բնկերի կողքից գալիս էր կրօնաւորը՝ նա էլ իր հարկերն էր ուղում սա *պարսկադրամ* է, միւսը *պսղի* է, երրորդը հոգևորականների հասոյթ է և այլն: Քուրտը և պե-

տութիւնը առնուած էին զէնքի ուժով, իսկ հոգեորականք կրօնի, դժոխքի, մեղքերի քառութեան, վերջին դատաստանի և դրախտի ուժով: Միայն կրօնական տուրքերի մեծագոյն մասն էլ բերքերով էր առնուած:

Եկաւ պետութիւնը: Նա բանակ է պահում, զէնք է գնում, պատերազմներ է մղում. բոլոր քաղաքակիրթ պետութիւնների հետ յարաբերութեան մէջ է: Իսկ այս ամենը հնչիւն դրամով է լինում: Նա չի կարող հարկը միմեքներով հաւաքել. նրա հարկը փողոյաչիւն է: Նա չի կարող, օրինակ, իր գետպաններին խոտով ու ցորենով ռսճիկ տալ... Սկզբներում, ինչպէս արդէն նկատեցինք, նրա փողոյին հարկերը բիշ էին և երկրի «քնակաւն սևեւտորեաւն» համար անգամ տանելի: Իսկ երբ նրանք պետական օր աուր աճող կարիքների հետ միասին սկսեցին աճել, այն ժամանակ փողոյին հարկն սկսեց իր աւերիչ գերը*):

*) Մի փոքրիկ զագափար տալու համար՝ թէ որքան են պետական ծախքերը շատացել՝ առաջ բերենք հեռանկայ թւերը. 1850 թւերին թրքական ծովային և ցամաքային բանակի ծախքն էր 77,625,000 ֆրանկ (Ubicini—„Lettres“, etc.), իսկ 1890-ական թւերին նոյն ծախքը բարձրացել էր մինչև 225,000,000 ֆրանկի (Prof. A. L. Hickmann's „Taschen-Atlas“ 1899 թ.) կրնշանակէ շատացել է առնազը 3 անգամ: Իսկ ամբողջ պետական բիւջէտը 1850 թւերին 173,052,000 ֆր. էր, 1893 թւին՝ թրքական ոսկիներով գրող Բօաէն Գօլլօյի վկայութեամբ—396,750,000 ֆր., այսինքն մօտ 2½ ան-

Գնահատում են այգու աշարը և արագիէն 2¹/₂—3 ոսկի: Այգու բերքը ենթադրենք, նոյն իսկ հիանալի է, բայց գիւղացուց բերք չեն ուզում, այլ 270—324 գահեկան հնչիւն գրամ են պահանջում: Այգեատէրը գրամ շունի, իսկ միրգ գնովները ցորեն, իւզ, պանիր են տալիս, *փողոջ* գնող չկայ կամ եղածը շափազանց քիչ է, որ հազիւ կարող էր բաւականացնել փողային հարկերի 1830—40 թւերի շափերին: Ի՞նչ անի այգեատէրը, ո՞ւր տանի իր պտուղները. հագորդակցութեան ճանապարհներ չկան, եղածներն էլ անկանոն են ու անապահով — ընկնել է թալանում, աւաղակը կողոպտում, երբեմն էլ գնդակով սիրտն է ծակում... Վերջապէս ներքին վաճառանոց չկայ. եթէ տանի մօտաւոր գիւղը, *փողոջ* առնող չկայ, քաղաքն էլ շատ հեռու է, միրգը փշանում է ճանապարհին. մանաւանդ որ մրգի, ցորենի և այլ երկրագործական արդիւնքների գինն ընկած է ամբողջ երկրում, բացի ծովափնեայ մեծ քաղաքներից: Նոյնն է ցորենի ու գարու, այժի և ոչխարի,

գամ աւերացած: Այս էլ նկատելու է, որ 50 թւերի Ցահկաստանը զեւ ևս պարունակում էր Եդիպտոսը, Բուրգարիան, Ռումանիայի և Սերբիայի մեծ մասը, Մոլդովիան, Վալախիան, Նիպոսը, Յունաստանի մի մասը, Արեւէն և այլն, իսկ այսօր զրկւած է այդ ամենից: Այլ նշանակէ՛ պէտք է նրա աճման ծախքը գէթ կրկնապատկել, որ համաչափ լինի 50-ական թւերի Թուրքիային... Ի՞նչ պետութիւնը քիչ ծախք կո. նենայ, մեծը — շատ:

արտի և կալածի տիրոջ դրութիւնը: Փող չկայ, գները կոտրւած են, ներքին փողոցիւ շուկայ չկայ, իսկ արտահանելու հնար չկայ, որովհետեւ կանոնաւոր և ապահով ճանապարհներ չկան: Բայց փողն այնուամենայնիւ հարկաւոր է. պետութիւնն իր հարկը ուզում է փողով:

Ահա այդ ժամանակ օգնութեան է հասնում վաշխառուն, գրամապլխի ամենաստոր, ամենակեղեքիչ և անբարոյական ձևի ներկայացուցիչը: Նա կամ առնում է զիւզացու արգիւնքները (ի հարկէ երկար դիմացողները միայն) սպանւած, ամենաստոր գներով կամ նրան տոկոսով փող է տալիս: Յաճախ, շատ յաճախ զիւզացու բոլոր արգիւնքը ծախւում է և ստացւած փողը հազիւ է բաւականացնում միայն զինուորական հարկը կամ մի երկու այլ տուրքեր միասին: Մինչև յաջորդ բերքն ապրուստի միջոց այլ ևս չի մնում: Եւ զիւզացին ստիպւում է նոր ու նոր սլարտքեր անել վաշխառուից կամ գնալ Պոլիս, Կովկաս, Քուլդարիա, Ամերիկա մի քիչ նազդ փող գատելու, հարկերն ու սլարտքերը տալու: Իսկ վաշխառուի տոկոսները հրէշաւոր են, 10-ը սոկին 4—5 տարւայ մէջ դառնում է 60—70 սոկի: Գիւզացին իր ամբողջ ընտանիքով դառնում է վաշխառուի ճորտը, նրա համար է աշխատում միայն տոկոսների

կէսը, մի քառորդը վճարելու համար... մի գեղեցիկ օր էլ իւր բոլոր շէնքերն ու հողը, այգին ու ստացածքը տեսնում է վաշխառուի ձեռքում, պարտքի տեղ խլած, մեջլիսի (գատարան), օրէնքի միջոցով ու վճռով:

Աշար հաւարելու դէպքում վաշխառու կապալառուն հանդիսանում է մի կողմից իրր հարկահան, միւս կողմից իրր հացահատիկներ և անասուններ գնող: Մի կողմից սեղմում է նա գիւղացուն, հարկն է ուզում, իսկ միւս կողմից կամ անձամբ, կամ իր ազենաների միջոցով ամհնաստար ու կտորած գներով գնում է գիւղացու վերջին քիլէ ցորենը, նրա վերջին լուծք ելը կամ մի քանի ոչխարները:

Ահա թէ ինչն 1877-ի պատերազմից յետոյ սկսեց քաչքայել Տաճկա-Հայաստանի բոլոր տնտեսութիւնը, նրա գօրեց ու դարևոր հիմքերը:

Եւ քանզում, կործանում են տնտեսութիւննեկն ու ստացածքները իրար ետևից: Ինչն մշակել Մշու դաշտի գրախտանման այգին, երբ միայն աշարը վճարելու համար ամբողջ բերքը տալիս էս, ձեռք չին քաշում: Ինչն հող ունենալ կամ ինչն մշակել այդ հողը, երբ աշապիէն ու էսկէրիէն, աշարն ու խամշուրը վերջ ի վերջոյ ստիպում են ծախել այդ

հոգը մի վաշխառուի, մի ազայի:

Այգիները կտրատուում, պտղատու մայր-հոգը բարձրիմ սղի անուում, ամայանուում են: Այն երկիրը, որի մէջ հրէայի արևելեան վառ երևակայութիւնը տեղաւորել է մարդկային երջանկութեան խղճաշող դրամատիք, այսօր իր սակաւաթիւ ազգաբնակչութեանն անգամ հրաժարուում է կերակրել:

Կայ պտղատու հոյ, ջուր, այգի ու անդատան. կան աշխատասէր ու մշակող ձեռքեր: Բայց հարկերի, փողային ծանր հարկերի ճնշումը, քրդի ու աւազակի թալանը, կառավարութեան սխտամի կատարեալ անխիտանութիւնը՝ մի աներևոյթ պատի պէս խանգարում են մարդկային երջանկութեան ազրիւրը կազմող մայր-երկրի և աշխատաւոր ձեռքերի միացման: Հոգը խոպանանում, փշանում է, իսկ աշխատաւոր զիւզացին գազթական, մութացիկ դառնում.

Եւ այս բոլորի արմատական պատճառը հարկերի փողային ձեռքի, նոցա գանձելու եղանակի եւ նրանց անհամաչափ մեծութեան մէջն է քաղնւած:

Փողային չափազանց հարկն առաջացրեց նիւթական քայքայում, ազգատութիւն ու սովորանից ծնեցաւ դժգոհութիւն ընդդէմ տիրող կարգերի: Արայ հասաւ շունչ ու կենդանու-

թիւն տուող զաղախարհ— առաջնորդեց, որոշ ձև տուեց խուլ ու բնազգական բողոքին: Սկսեցաւ գոյութեան կռիւ ժողովրդի, ճնշածի, կեղեքւածի և բռնակալութեան, ճնշողի, կեղեքողի մէջ: Կեղեքուողը զօրեղ էր և յայլմեց. արիւն հոսեց ամեն տեղ, բայց պրանով պետութեան ոչ հիմքերը ամբացան և ոչ էլ եկամուտները շատացան *):

Զարմանալին այն է, որ գտնուեցան մարդիկ, որոնք զերմանական ու անզլխական մամուլի մէջ սկսեցին ճառել, թէ Տաճկա-Հայաստանի անտեսական այդ դրութիւնը ծնաւ կապիտալիզմի մոտս գործելու շնորհով:

*) 1895—98 թւերին տեղի ունեցած կոտորածներն ու բարբարոսութիւնները տօնն՝ Տաճիկ կառավարութեան համար՝ հարկերի վերաբերութեամբ՝ հետեւեալ արդիւնքը, որ քաղում ենք «National Zeitung» թերթի 1898 թ.ի համարներից մէկում՝ մի ձեռնհաս անձի լսուածից. «Այն նահանգները, որ 80—100,000 զահեկան հարկ էին տալիս, այժմ 10,000 զահեկան անգամ դժարութեամբ են բերում: Միլիոնաւոր զահեկաններ Ստամբուլ իբր հարկ զրկող նահանգներն այսօր հազիւ այնքան են տալիս, որ տեղական ծառայողների սոճիկն անգամ չի լրացնում: Պատճառը նախ 50—100,000 հազար կոտորելն է, որոնց տեղերը բռնեցին խիստ անկանոն հարկ վճարող քրդերը և, երկրորդ, հարկերը կապուով գնողներն այլ ևս հաշիւը և նոյն իսկ խուրքերը չեն, այլ Սուլթանի ձեռքով սինած քուրդ բէկերը, որոնք առաջուց լայտարարում են, թէ հարկերն իրենք են գնելու. նրանց երկիրդից ոչ ոք չի մտանում հարկերի ածուրդին և կապայն էժան դներով նրանց վրայ է մնում: Զւ.բ.ի փաշան, օրինակ, այդ միջոցով միլիոններ զիջեց և նոյն իսկ կարծում է, որ նա ձգտում է քրդական ստանձին իշխանութիւն հիմնելու»:

նրանք քարոզեցին, որ Տաճկա-Հայաստանում ծագեց քանդուկական խնդիր: Նրանցից մէկն սկսեց նոյն իսկ հաստատել, որ «բանկերը և այլ կրեդիտական հաստատութիւնները հիմք են բռնել Հայաստանում», որ «մոմի և մետաքսի գործարաններ են հաստատել»*), . . . Ուր են այդ բանկերը և գործարանները, Բագնու, թէ Կարին. Թիֆլիս, թէ Բիթլիս, դրա մասին «բաջութեամբ լուռ էին»... Այդ մարդիկը գրում էին այն բանի մասին, որն իրենց համար աւելի անձանօթ էր, քան շինական լեզուն... Նրանք հայ գաղթականին կամ քրդի ու վաշխառուի ձեռքից սար ու քոյ ընկած հայ մուրացիկին *պրոդեսարիաս* պատուաւոր տիտղոսը տւին և նրանց վզին փաթածեցին զանազան անցիր արած թէօրիաներ: Իսկ աւելի գարմանալին այն եղաւ, որ գտնւեցան բազմաթիւ «գրագէտ», «հրապարակագիր», «բանաստեղծ» և այլ միամիտ հաւատացողներ: Թողնենք գրանց և անցնենք մեր նիւթին:

Տնտեսական համանման մի տազնապ մենք տեսնում ենք Փրանսիական պատմութեան մէջ, XVII տարի վերջերը և XVIII-ի սկիզբները, Լիւզովիկոս XIV-ի թագաւորութեան վերջին

*) Տես „Neue Zeit“-ի 1896 թ.ի ամսուայ համարները, պ. Յւ. Նազարբէկեանի լոյւածը:

տարիներում: Երբ Լիւզովիկոսն սկսեց երկար ու անմիտ պատերազմներ Իսպանական թաղի ժառանգութեան համար, Փրանսիայի ծախքերը հատան հրէշաւոր չափերի, համեմատելով իր այն ժամանակի աղգային հարստութեան հետ: Իսկ այդ հարստութիւնն արդէն բաւական աճած էր. արդէն Կոլբերի շինող ձեռքերը, նրա հովանաւորող (protectionniste) տարիֆների կամ մարսերի սխտէմը գործել էին. երկիրն արդէն տնտեսապէս բաւական բարձրացել էր, ճանապարհները կանոնաւորւել և այլն: Բայց պատերազմները խտացրին փողի պահանջը և Լիւզովիկոսը փոխեց մինչև այդ ժամանակ գոյութիւն ունեցող հարկերի «բնական սխտեմը» (մթերքներով հարկ առնելը) և մըտցրեց զուտ փողային հարկեր և այն էլ բաւական զօրեղ չափերով: Մի կողմից պատերազմների աւերիչ ազդեցութիւնը, միւս կողմից հարկերի փողային ձևի դառնալը՝ քայքայեցին Կոլբերի ծաղկեցրած Փրանսիայի տնտեսութիւնը: Թողովուրդը հասաւ այնպիսի դառն ու խեղճ վիճակի, որ նրա լսկ նկարագրութիւնն անգամ կարգացողի մաղերը փշաքաղում են... Եւ ո՞վ կարող է պնդել, որ տնտեսական այդ քայքայումը չդարձաւ Փրանսիական մեծ յեղափոխութեան պատճառների-պատճառք կամ նրա

հիմնաքարը:

Աւելորդ չենք համարում առաջ քերիլ այստեղ նորագոյն քայաքառանտեսութեան հանճարներից մէկի կարծիքն այդ հարցի մասին. նա շատ խրատական է և մասամբ պարունակում է իր մէջ մի մարգարէացում նաև Տաճկաստանի տնտեսական ներկայ կրիզիսների մասին.

«Ապրանքային արդիւնագործութեան որոշ աստիճանի դարգացման և որոշ մեծութեան ժամանակ՝ փողի պաշտօնը, իբր վճարման միջոցի՝ դուրս է գալիս ապրանքների փոխանակութեան շրջանից: Փողը դառնում է մի ընդհանուր ապրանք բոլոր գործողութիւնների ժամանակ: Հարկերը, ռենտան և ուրիշ գրանց նման՝ արդիւնքներով կատարուող վճարումները՝ վերածւում են փողային վճարների: Թէ՛ սրբան խիստ կերպով կախած է այդ փոփոխութիւնն արդիւնագործութեան պրօցեսսի ընդհանուր պայմաններից՝ ցոյց է տալիս, օրինակ, Հոսմի կայսրների արած անյաջող կրկնակի փութը՝ բոլոր հարկերը փոցով հաւաքելու: Ֆրանսիայի գիւղական ազգաբնակութեան գարհուրելի ազրատութեան պատճառը Լիւդովիկոս XIV-ի ժամանակ, որ սյնքան պերճախօս կերպով նկարագրում են Քուազիլլերը, Մարշալ Վօրանը և ուրիշները՝ ոչ միայն մեծաքանակ հարկերն էին,

այլ և բնական բերքերով վերցնուող հարկերի փողայինի վերածւիլը: Եթէ միւս կողմից, հողային ռենտայի բնական ձեւը (բերքերով), որ կազմում է Ասիայում պետական հարկերի գրկխաւոր տարրը, հիմնուում է այնտեղ արդիւնագործութեան պայմանների վրայ, որոնք կրկնւում են բնական երեւոյթների պէս անփոփոխ կերպով, հողային ռենտան էլ իր կողմից պահպանում է արդիւնագործութեան նախկին ձևերը: Դրանումն է Տաճկական կայսրութեան ինքնապաշտպանութեան զազանիքներից մէկը: Եթէ Եւրոպայի կողմից Եապոնիայի վզին փաթաթած նորագոյն առևտուրը կարագայնի բնական ռենտայի փողային ձևի զարձնելը, այն ժամանակ նրա օրինակելի երկրագործութեան վերջը կը զայ. այդպիսի երկրագործութեան գոյութեան համար անհրաժեշտ նեղ անտեսական պայմանները կը կործանւին»: (Karl Marx «Capital»—58, հատ. I, սուսերէն թարգմ.— երես 94):

Սյո քաղաքից երևում է, որ Մարքսը գուշակում է երկու բան. ա) եթէ Տաճկաստանը անցնի հարկերի փողային ձևին, նրա երկրագործութիւնը կամ առհասարակ նրա ամբողջ անտեսութիւնը կը կորցնի իր կայունութիւնը, կը քայքայուի— և, բ) բնական հարկային սխտեմը

կարելի է միմիայն այն ժամանակ *անվնաս կերպով* վերածել փողային սիստեմի, երբ երկրի ներքին արդիւնագործութիւնը բաւականաչափ կը զարգանայ, կը կատարելագործուի: Այդ երկու գուշակութիւններն էլ մենք տեսնում ենք այսօր լիւրի իրականացած:

Հռոմի կայսրները երկու անգամ ուղեցին մտցնել իրենց լայնածաւալ ու հարուստ կայսերութեան մէջ հարկերի փողային ձևը, բայց երկու անգամ էլ անյաջող դուրս եկաւ. հարկերը հաւարել անհնարին եղաւ, որովհետև ժողովրդի ձեռքը *փող չկար*, այլ միայն *նիւթ, արդիւն, ապրանք*: Սրա պատճառը երկրի արդիւնագործութեան անզարգացած վիճակն էր: Արդիւնագործութիւնը դեռ իս այնքան չէր զարգացել, *աշխատանքի ըստանումը* երկրի ներսում դեռ իս այնքան չէր առաջացել, որ զուտ «ապրանքային արդիւնագործութիւնը» թափառուէր և փողը դառնար *ապրանքների* փոխանակութեան և վճարումների գէպքում իբր միակ ու անհրաժեշտ միջոց: Արդիւնագործողը դեռ իս ամեն բան յարմարեցնում էր իր *սեփական գործածութեան* եւ ոչ *փոխանակութեան* կամ *առեւտրի սեսակէտին*: Եթէ խօսենք քաղաքատնտեսական լիզուով պէտք է ասենք այսպէս. արդիւնագործողն *ապրանքներ*

չէր արտադրում, այլ միայն սեփական գործածական արժեքներ (valeur d'usage կամ потребительная стоимость): Իսկ այդ սեփակ արդիւնագործութեան համապատասխանում է միայն բերքերի, արդիւնագործողի սեփական գործածութիւնից աւելացած քերթերի փոխանակուողիւն և ոչ ապրանքների աւտուր փողի միջոցով: Այդ վիճակին եզոզ մի ժողովրդի մօտ հնչիւն դրամը բացակայում է և նրանից դրամական հարկ առնել չի կարելի: Եթէ փորձեն առնել գօրոզ, ժողովրդի անտեսութիւնը կը քայքայի, հարկատուն ուժասպառ կը լինի և կը լսոյալ արբատութեան, անօթութեան ու մշտական սովի մէջ, իսկ տէրութեան հարկերը՝ փոխանակ աճելու, կը սլակսին...

Նոյն փորձն արեց և Լիւզովիկոս XIV^o թ Թրանսիայում, որ և երկրի երկրագործ մեծամասնութեանը հասցրեց անտեսական սնանկութեան ու սովի գիրկը:

Այս գեռ առաջնատար երկրների համար է... Կուլտուրական զարգացման զլուխը կանգնած երկրներն անգամ չեն կարողանում տանել կենսական անզուգահեռական կամ ոչ համաչափ զարգացման դէպքեր ու երևոյթներ: Մարդկային անտեսական կեանքի բոլոր երևոյթները, նրա բոլոր կողմերը զարգանում են իրար հետ

միասին, պահպանելով մի որոշ համաչափութիւն իրար մէջ: Նրանք կապւած, շղթայւած են իրար: Ձի կարող արգիւնագործութիւնը գօրեղ կերպով զարգանալ, իսկ սպրանքների փոխանակութիւնը՝ յէս մնալ: Նոյնպէս էլ չի կարելի անվնաս կերպով բնական հարկերը վերածել փողայինի այն ժամանակ, երբ արգիւնագործութիւնն ու սպրանքների փոխանակութիւնը յիտ են մնացած, երբ փողը չի դառել դեռ ես բոլոր վճարումների անհրաժեշտ միասորը:

Բայց «կարիքը լոգիկա չի ճանաչում»... Տաճկաստանն էլ, կարիքների տակ ճնշւած, ոչ փառութիւն, ոչ ուրիշ ազգերի փորձառութիւն, ոչ էլ լոգիկա է ճանաչում:

Հոռմը, Փրանսիան, Անգլիան չունէին այնպիսի մրցակիցներ, որոնք իրենցից ամեն բանով զարգացած և ուժեղ լինէին: Իսկ Տաճկաստանին ամենօրեայ ճնշող իրականութիւնն ստիպում է փողի նոր ու նոր ազդերներ գտնել: Վաղճւց փողային տնտեսութեան անցած Եւրոպան ճակատագրաբար ստիպում է նրան հարկերն ու բոլոր միւս վճարումները փողով կատարել: Պետական 250,000,000 ոսկի (մօտ 2^{1/2} միլիարդ բուրլի) պարտքի տէրերը տանձ ու ծիրան, մեղր ու կորէկ չեն բնդունում

իրենց պարտքերի շահի փոխարէն... Կրուտպի
 թնդանօթի գործարանը ցորեն ու գարի չի
 առնում իր տւած զէնքերի համար... Ռուսա-
 կան և այլ պատերազմական տուգանքի փոխա-
 րէն ոչ որ խոտ ու դարման չի վերցնում Տաճ-
 կաստանից... Տաճկական բազմաթիւ դեսպան-
 ներին ու կօնսուլներին, վեզիրներին ու փա-
 շաներին, օֆիցերներին ու լրտեսներին չի կա-
 րելի ցորեն կամ դարման տալ իբր ռոճիկ...
 Գրանք բոլորն էլ փող են ուզում, և այն էլ
 միլիօններ: Օսմանը կամ նրա հայր Երթօզըու-
 լը, Բեարխան-բէկը կամ Եզգիշարը կարող էին
 իրենց բոլոր ծառայողներին հողով, ոչխարով ու
 ցորենով վճարել. նրանք հնչիւն դրամի կարիքը
 չաւ քիչ էին զգում, որովհետև իրենց բոլոր
 անհրաժեշտութիւնները կամ իրենց ճորտերն
 էին արգիւնագործում կամ, պակասածն էլ, ձեռք
 էին բերում ոչխար, իւղ, ցորեն տալով: Իսկ
 այսօրւան մի պետութիւն, որ յարաբերութեան
 մէջ է կուլտուրապէս զարգացած պետութիւն-
 ների հետ, չի կարող աւրել առանց մեծա-
 քանակ հնչիւն դրամի: Այլ էլ նա կարող է
 աւրաւել՝ մինչև որ երկրի արգիւնագործու-
 թիւնը զարգանայ, որ յետոյ հարկերն ու պեն-
 տան փողի վերածէ... մինչև այդ՝ շատ ջուր
 կը հոսի և շատ դարման կը տանի. ամեն ինչ

Նրա ձեռքից կըխախշի, նրա քաղաքական կեանքը կըկորչի:

Զօրեղ ու դարգացած արդիւնագործութեան տէր հարուստ երկրները մտնում են մրցման յետամնաց երկրների հետ և նրանց տնտեսական կեանքը քայքայում, սնանկութեան դուռն են հասցնում... Փող վճարէ կամ մեռիր, անհետացիր երկրի երեսից իբրև ազգ, իբրև քաղաքական միութիւն, իբրև պետութիւն:

Այսօր միայն Տաճկաստանը չէ, որի ժողովուրդը սնանկութեան, համաճարակ ազդատութեան ու պարբերական սովերի ճահճի մէջն է լողում. այդպէս են և միւս բոլոր յետամնաց երկրների ժողովուրդները քիչ կամ շատ չափերով: Տաճկաստանն աւելի յետամնաց է, քան նրանցից շատերը. նրա ներքին պայմաններն աւելի քայքայիչ են, քան միւսներիները. նրա բռնած աշխարհագրական դիրքն աւելի բազմալի ու դրաւումի ախորժակ դրդուող է և այլն, և այլն... և ահա նրա ժողովրդի դրութիւնն աւելի տաժանեկի, աւելի սպանիչ վիճակի է հասել. նա սնանկացել է: Իսկ սնանկ ժողովուրդը կազմում է սնանկ պետութիւն: Սնանկ է [ժուրքը, սնանկ է քուրդը, սնանկ է և քրիստոնեայ ռայան: Այդ սնանկութիւնը ծնեցրել է մի տեսակ ճակատագրական դժգոհութիւն,

քողով, խառնակործիւն եւ նոյն իսկ զին-
չած ապստամբործիւն. Անօթիների, սովա-
մահի դուռը հասած ռայաների առաջը դրած
է մի հարց. կամ, սովաւեան եղիւր կամ ա-
զաւիր:

VII.

ՓԱՍՏԵՐ ԵՒ ՀԱՄԵՄԱՏՈՒԹԻՒՆՆԵՐ.

Հարկերի ընդհանուր նկարագրութիւնը
վերջացրինք: Ի հարկէ չափազանց հետաքրք-
րիր կրլինէր վերցնել «պաշտօնական» թւեր
կամ մասնաւոր բարեխիղճ հետազօտութիւն-
ներ, գտնել ամեն մի ընտանիքի, անհատի
և նոյն իսկ ամեն մի մշակւած ու անմշակ հո-
ղի օրավարի վրայ ընկնող հարկերի միջին
չափերը: Հետաքրքրիր կը լինէր, այդ անվիճե-
լի է: Բայց Տաճկաստանը մի գազանանոց
է, որի համար վիճակագրութիւնը գոյութիւն
չունի:

Ինչ էլ որ լինի, այնուամենայնիւ անհրա-
ժեշտ է որևէ ձևով աշխատել մի ընդհանուր
եզրակացութեան հասնել, մի քանի մօտաւոր
թւեր գտնել և համեմատել այդ թւերը Կով-

կառի պետական գիւղացիների վճարած հարկերի հետ:

Մենք կարծում ենք, որ առանց այդ համաժողովեան ընթերցողի համար մի որոշ եզրակացութեան հասնելը խիստ դժւար է նոյն իսկ անհնար կրլինի:

Այդպիսի մի քանի թւեր, գտնելու համար մենք գիմեցինք հետևեալ միջոցներին: Երկրից նոր դուրս եկած գաղթականներից ընտրել ենք այնպիսիներին, որոնք ընտանիքի գլուխներ են, որոնք հարկ են վճարել, ստացականներ ստացել և այլն: Մի խօսքով այնպիսի անձեր, որոնք լիովին տեղեակ են եղել գէթ իրենց վճարած հարկերի, իրենց ցանած արտերի, սննցած աների, կենդանիների և այլ ստացւածքների գործին: Ապա գտել ենք գիւղական *ֆեոյւզաններ* կամ *ռեսուներ* և կամ հարկահանների մօտ ծառայող շահահաներ և այլն. սրանց միջոցով աշխատել ենք ստուգել իրենց համագիւղացիների ցոյց տւած թւերը:

Երկրորդն է անգլիական կապոյտ զբքի տւած մի քանի փաստերը, որ բազում են տեղի վրայ, տաճիկ կառավարութեան պաշտօնական գրութիւններից:

Խոստովանում ենք, այդ թւերը ճիշտ և բաւարար չեն, բայց այդ է կղամք և եղամն-

րից էլ ամենամատաւորները: Մի մասի մէջ կը-
լինեն չափազանցումներ գէպի շատացումը,
միւսների մէջ կրճատումներ... Ազգենք-չուզենք
պէտք է բաւականանանք առ այժմ դրանցով:
Երանի՛ր թէ աւելի ձեռնհաս մարդիկ հաւաքէին
բուն տեղի վրայ աւելի դրական և աւելի բազ-
մաթիւ փաստեր:

Սկսենք նախ «Կապոյտ Գրքի» փաստերից
1896 թւի գեկտեմբերից մինչև 1897-ի
սեպտեմբերի ժամանակամիջոցին վերաբերող
«Կապոյտ Գիրքը», որ պարունակում է իր մէջ
անգլիական հիւպատոսների և արտաքին գոր-
ծոց նախարարութեան մէջ փոխանակած 365
պաշտօնական հեռագրեր և տեղեկագրեր (սրոն-
ցից աւելի քան 300-ը հայկական գործերին է
վերաբերում), հարկերի մասին հետեւեալն է
հաղորդում:

Խարբերդի մօտ գտնւող Հողի գիւղից,
որ 180 հայ տուն ունի, բոլորն էլ կստորած-
ների ժամանակ խտիւ թալանւած, կառավա-
րութիւնը պահանջում է ուղիղ 41000 դահ.
տուրք: Չմշկածակի մօտ եղած Սիւսի գիւղից,
որ 35 տուն հայ ունի իր մէջ, բոլորն էլ թա-
լանւած, 8000 դահ. հարկ են ուզում: Մա-
ւնուսա 51 տննոց հայ գիւղից՝ «մաքրապէս»
թալանւած 12000 դահեկան են պահանջում:

Այս գիւղերից առաջինը՝ կօնսուլների տեղեկագրած ժամանակ՝ վճարել էր 32000 դահ., երկրորդը՝ 5000, իսկ երրորդը՝ 8000 և միայն մնացած շնչին գումարների համար մի բիշ յետաձգում էին խնդրել: Չմշկածաղի Չապիթա՝ Մէմուրին (ստտիկանապետը) հետեւեալ պատասխանն էր տուել Մամուսա գիւղի բնակիչներին. «Ձեր խնդիրը Միրալայ Պէյին (գայմագամին) հազարդեցի. ահա նրա պատասխանը. «Ես այդ գիսի բան չեմ հասկանում. մինչև որ բոլոր դրամը չվճարւի, գինւորները գիւղից չպէտք է դուրս գան» — Հետեւաբար՝ աշխատեցէք ժամ առաջ մի հնար գտնել, գիւղացիներից դրամը հաւաքել և հարկը լրացնել»:

Ինքնըստինքեան հասկանալի է, որ կառավարութեան պահանջած այս հարկերի մէջ չեն մտնում ոչ աշարը, ոչ ճանապարհների հարկը, ոչ սշխարների խամզուրը (սա պատկանում է «հանրային պարտքի վարչութեան», որ միշտ ծախում է մասնաւոր անձերի), դրանց մէջն են՝ — գինւորական հարկը, հողային տուրքերը և բէմէթթօհաթը: Այժմ այդ երեք թւերից միջին թւեր դուրս բերենք, որ կազմելու են ամբողջ հարկերի մօտաւորապէս կէս մասը: $41000:180 = մօտ 228-ի$, $8000:35 = մօտ 228-ի$ և $12000:51 = մօտ 235-ի$: Այսպէս ուրիմն՝

ամեն մի տան վրայ ընկնում է մօտաւորապէս 230 դահեկան հարկ: Իսկ եթէ հաշուենք մեացած հարկերն էլ, այն ժամանակ կըստանանք ուղիւ կրկնակին կամ մօտ 460 դահեկան, որ մեր փողով անում է 30 ու 80 կ., այն էլ եթէ երբէք հաշիւ շառնենք մխտարների ուժիկը, շահանների բաժինները և գործնականի մէջ տեղի ունեցող բոլոր զեղծումները...

Այժմ գիտենք իրական՝ անուն-անուն հաւարած փաստերին:

I. Վանայ վիշապէրի, Ռոսսանայ գաշմագամորքեան (Ռշտունի), վերին-Սարեհ գիւղի բնակիչ Մանուկի տունը:

Համարում է ամենապարտ աներից մէկը նոյն իսկ իրենց ծայրայեղ ապրատ գիւղում:

Ունի. — հող՝ միայն 120 հոխայի կամ 9 փթի տեղ (ցորեն). մի խրճիթ, մի գոմ, մի մարագ, իբր մեացորդ անցեալ փառքի, որովհետև կով, ոչխար, այժմ բոլորը կամ թալանեղ են կամ հարկի տեղ առել և գոսն ու մարագը ոչնչի չեն ծառայում: Յանաժ ցորենը, հողի խիտ վատութեան պատճառով՝ տալիս է 1-ին երեք:

Ընտանիքը կազմւած է երկու տղամարդ և երկու կին անդամներից:

Վճարում է. բեղէլը-էսկէրիէ 2 հոգու հա-

մար 84 դահեկան: Ահա օրէնքի որոշումը...
Նա սահմանել է $37\frac{1}{2}$ դահ., $2\frac{1}{2}$ դահ. էլ
աւելացնում են մխտարի համար, դառնում է
40, որ ասել է 2 մէջիտ: Եթէ աչքի առաջ
ունենանք, որ 20 դահեկանոց մէջիտն արժէ
երկրի մէջ իսկ 19 դահեկան՝ շնորհիւ տաճկական
օրհնեալ փողերի մէջ տիրոջ մշտական «ածիօ»-նե-
րի, այն ժամանակ ամեն մի անհատի համար
զինուորական տուրքը կըլինի ո՛չ թէ $37\frac{1}{2}$, այլ
ուղիղ 42 դահեկան:

Հողի, տան, գոմի և մարագի «շինու-
թեան» և հողային հարկերը միասին անում
են տարեկան 20 դահեկան:

Ճանապարհների հարկ—ընտանիքի հօրից
և մեծ որդուց՝ ամեն մէկին 4 օրւայ աշխա-
տանք կամ օրական 4 դահ. հաշուով մարդուց
16 դահ., իսկ երկու հողուց ուղիղ 32 դահ.:

Աշար. 1898 թւին ցանկ էր 120 հոխա
ցորեն և բերք ստացել 360 հոխա: $\frac{1}{8}$ -ը առան
իրք հարկ և հինգ հոխա էլ շահնայի համար
վերցրին, որ անում է 50 հոխա: Իւրաքանչիւր
40 հոխան այդ ժամանակ ծախուում էր 40 դա-
հեկանի. ուրեմն՝ 50 հոխան արժէր 75 դահ.:

Արտի գլխներին ու ավերին ցանած կա-
նեփի, շագկամի և եղած ընկուզենիների հա-
մար էլ գանձել են 30 դահեկան:

Այդ տարի չի ունեցել ոչ խոտ, ոչ առ-
ւոյտ և այլն:

Այս բոլորը միասին վերցրած՝ կազմում է
այդ ազրատ ընտանիքի համար 241 դահ. տա-
րեկան հարկ կամ 19 մնթ. 28 կ., չհաշուելով
պատահական, քրտական և այլ հարկերը:

*II. Վանայ վիլայեթի, Գենդրանցի գայմա-
գամուրեան Կարճկանի Եղեգիս գիւղի «Գե-
մուրչի Ուսի» սանը (դարբին):*

Վերին աստիճանի ազրատ ընտանիք է.
չունի ոչ մի կտոր հող, ոչ արտ, ոչ այգի:

Ունի 8 անդամ, 4 կին, 4 տղամարդ. մի
խրճիթ, մի գոմ, մի մատակ (էգ գոմէշ), մի
կով, մի էշ և 15 ոչխար:

Վճարում է. բէդէլը-էսկէրիէ՝ $4 \times 42 = 168$
դահ.: Տան համար—3 դահ., գոմի համար—
12 դահ., բոլորը=15 դահ.: Աշխարի խամշու-
րը՝ 58 դահ. ($15 \times 3\frac{1}{2}$ և $5\frac{1}{2}$ էլ հարկահանի
համար): Ճանապարհների շինութեան համար
3 հասակաւոր տղամարդոցից $3 \times 16 = 48$:

Բոլորի գումարն է՝ 388 դահեկ. կամ
30 մնթ. 84 կոպ.

*III. Վանայ վիլայեթի Բէշու գիւղից-
Խայօի սունը:*

Միջակից էլ աւելի վատ տներից է:

Ունի 5 անդամ (խակապէս՝ 4) — 2 տղամարդ և 3 կին: Անտանիքի ծեր հայրն սպանւած է դեռ 8—9 տարի առաջ, բայց նրա զինւորական տուրքը դեռ ևս առնուած է, որովհետև դեռ ստացւածքը որդու վրայ չէ անցած. իսկ որդին չի ուզում իր վրայ վարձնել տալ, որովհետև՝ այդպիսի գէպքում՝ բոլոր հին ու նոր, երևակայական և չեղած պարտքեր պէտք է հանւին «դէֆտէր»-ներէից ու իր վիզը կապւին: Որդին աւելի լաւ է համարում դեռ ևս վճարել հօր փոխարէն տարեկան 42 դահ. զինուորական տուրք, քան միանգամից կնիծարկել ժառանգութեան հարկին ու «պարտքերի» գանձման թալանին:

Ունի, 480 հոխա ցորնի կամ 36 փթի տեղ. մի խրճիթ, մի գոմ և մի մարազ. մի խոտհարքի տեղ, որ միջին չափով 20 բարդ խոտ է տալիս:

Վճարում է՝ բէդէլը-էսկէրիէ — $2 \times 42 = 84$ դահ.: Հողի համար (գնահատուած 12,500 դահ.): — 50 դահ., 3 շէնքերի համար (գնահատուած 1 400 դահ.): — 5 դահ.: Ճանապարհի հարկ առնում կն 20 դահ.:

1897 թւին ցանեկ էր 240 հոխա կամ 18 փութ ցորեն. ստացել էր 2400 հոխա կամ 180 փութ.: Գրանից 300 հոխա վերցրել էին

իրք աշար, չհաշուելով շահնայի տարած բա-
ժինը: Այդ ժամանակ 45 հոխան ծախուում էր
55 դահեկանի, ուրեմն 300 հոխան կանէր
366 դահ.:

Քաղել էր 10 բարդ խոտ, որի տուրքը
ուզել էին նազդ փողով (ЗВОНКОЙ МОНЕТОЙ) —
«ստակ կուզէին, յուստ ճարէի, ազա. չկրցի
ճարել՝ 7 բարդ խոտս տարին, զիրիք թոր-
կին»: Իւրաքանչիւր բարդը ծախուում էր 30 դա-
հեկանով. ուրեմն խոտի համար առել են
 $7 \times 30 = 210$ դահ.:

Այս բոլորի գումարն է 735 դահեկան կամ
56 մեթ. 80 կոպ.:

*IV. Բաղէշի վիշաշերի, Մշու մուրա-
սէրի ժուրեան, Մշու նահիեի Արուշ-Բահար
գիւղի Խաչիկեանի շնտանիք:*

Մինչև 1895 թիւը հարուստ, առաջնա-
կարգ տուն էր ամբողջ շրջանի մէջ, իսկ 95 ի
կոտորածներից յետոյ այնպէս ընկաւ, որ
այժմ տան 3 հասակաւոր արու անդամնե-
րը հեռացել են տանից, պանդխտել են, որ
մի քիչ գրամ շահեն և երկիր ուղարկեն հար-
կերը, գլ.թ փողով պահանջող սպանիչ հարկե-
րը տալու համար: Համեմատութեան համար՝
մենք կըտանք այս մեծ ընտանիքի շաշ ժամա-

նակի հարկերի պատ. կերը և սպա այժմեան վճարածները:

1895-ից առաջ ունէր. 14 անդամ—9 տղամարդ, 5 կին. տուն, մարագ, գոմ, օղա կամ հիւրասենեակ, մի սրահ և մի մեծ կալ-հող,—56 քիլէ ցորնի համար: Հող—խոտի համար—30 բարդի տեղ (մի բարդը 30 խոշոր խուրձ է), 15 բարդ էլ փաշախ խոտի տեղ (կեմ հիւսելու համար). 4 գոմէշ, 2 մատակ (էգ գոմէշ), 6 եզ, 7 կով և 80 ոչխար:

Վճարում էր 1894—95 թւին. քէպէլը-էսկէրիէ՝ $9 \times 45 = 405$ դահ. (իրը հարուստ՝ 3-ական դահեկան աւել էին առնում): Բոլոր հողերի և շէնքերի համար՝—288 դահ.:

30 բարդ լաւ տեսակ խոտի (քէօտախոտ) համար—450 դահ., որովհետև իւրաքանչիւր բարդի գինը կառավարութիւնը հաշուում էր 6 մեջիտ կամ 120 դահ. բոլորն անում էր 3600 դահ., որի $\frac{1}{8}$ է 450 դահ.:

15 բարդ փաշախ խոտի (ճիլ-խոտ) բարդը 110 դահ. հաշուելով— $15 \times 110 = 1650$ դահ., որի $\frac{1}{8}$ -ը կամ 206 դահ.՝ առնում էր կառավարութիւնը:

80 հատ այժ ու ոչխարի համար միշտ առնում էր 5-ական դահեկան, որ անում է 400 դահ.: Եէօլ-փարասը՝ հաշուելով 6 հատա-

կաւոր տղամարդկանցից 12¹/₂-ական դահեկան՝
և մի մարդու վարձ էլ իբր օգնականի օրա-
պին՝ առնուով էր 87¹/₂ դահ.:

Աշար վճարում էին.— գարուց, որ ցա-
նում էին առհասարակ 4 քիլէ և, շնորհիւ ու-
ժեղ ու ջրովի արտերին, ստանում էին առ-
հասարակ 60 քիլէ.— իսկ քիլէն արժէր՝ 93—95
թւերին 280 դահեկան՝— վճարում էին 920 դահ.։
Կորէկ ցանում էին ¹/₂ քիլէ և ստանում մօտ
15 քիլէ. քիլէն արժէր այն ժամանակները 150
դահ.։ որով տալիք աշարը լինում էր— 92 դահ.։
Կտահատ ցանում էին նոյնպէս ¹/₂ քիլէ և
ստանում 8 քիլէ. քիլէն արժէր առնւազը 100
դահեկան։ Աշարը լինում էր 150 դահ.։

Յորեն ցանում էին միշտ 15 քիլէ և ստա-
նում մօտ 1-ին 6 կամ 90 քիլէ։ Քիլէն ար-
ժէր 500 դահեկան, ուրեմն աշարը լինում էր
1687¹/₂ դահ.։

Նկատելու էր, որ աշարը 8-ից մէկը չէին
առնում, այլ շահնայի և այլ աւելորդ բաժինները
հետը հաշւած՝ գուրս էր գալիս 8 ից 1¹/₂-ը։

Այս բոլորի գումարն անում է 4,480 դահ.,
կամ 358 ու. 40 կ.։

Այդպէս էր մինչև 1895 թիւը. այդպէս
չէ այժմ։ Բոլոր կարողութիւնը թալանուած, բո-
լոր շէնքերի մասերը քանդուած՝ իբր հարկ սու-

նւած, բոլոր կենդանիները տարւած, հոգերը բարձի թողի արւած, ընտանիքի 3 հասակաւորները պանդխտած... օջախը մարած... իսկ հարկերն՝ ի հարկէ «շնորհիւ վեհափառ Սոսլթանի» — կրճատւած...

Այժմ վճարում է.

Բէզէլը Էսկէրիէ — անփոփոխ — 405 դահ :

Հոգերի ու շէնքերի համար նոյնպէս 288 դահ. — կառավարութեան շնտ պէտքն է, թէ դու ցանում ես, մշակում, թէ ոչ՝ պէտք է հոգային հարկը վճարես... յաջախ հոգն աւելի բնւ է գիւղացու վրայ, քան «սննդատու մայր»:

Եւթօլ-փաշասըն նոյնպէս նոյն 87¹/₂ դահ հեհեկանն է:

Ամեն մի «պլլիկ» հոգ ունեցող պարտաւոր է եկող-վնացող գօրքերի համար վճարել մէկ քիլէ գարի... ունիս-շունիս, պէտք է վճարես: Այս ընտանիքն էլ ունի 2 պլլիկ հոգ, ուրեմն 2 քիլէ էլ գարի պէտք է տայ ամեն տարի: 2 քիլէն այժմ արժէ 160 դահեկան, որովհետեւ կոտորածներից յետոյ հացահատիկների գինն ընկաւ զգալի կերպով:

2 հաշուելով գօրքերի համար վերցւած 2 քիլէ գարու արժէքը, այժմեան վճարած մնացած հարկերի գումարը լինում է (1897-ի համար) 780¹/₂ դահ. կամ 62 ա. 44 կ.:

V. Բաղէշու վիշաշէթի, Մշու մուքաւերիժուրեան Չիւորի Ծմակ գիւղի Տեր-Դաւիթենց տունը:

Գիւզում համարում է միջակ ընտանիք: Ունի՝ 9 անդամ. երկու ամուսնացած եղբայրներ, 2 կին և 5 հատ արու դաւակներ:

Մի խրճիթ, մի գոմ, մի մարագ և մի կալ: $1/2$ պլիկ հող, որ անում է 66 կոտի տեղ (մի կոտը մօտ մի փութ է): Մի փոքրիկ բանջարանոց—«տան մօտ ձորի բերանը», կաղամբի համար: 2 կով, 2 մատակ և 4 մանր (հորթ և կօժու կամ գոմշուկներ):

Վճարում է. — բէգէլը-էսկէրիէ — $7 \times 40 = 280$ դահ.: Հողային և շինութեան հարկ — 70 դահ. (երբեմն էլ 5 դահ. աւելի են առնում): Եէօլ փարասը — 2 հոգու համար = 25 դահ.:

Աշար. Յորեն ցանկէ է 12 կոտ և ստացել 12 քիլէ կամ 1-ին 8 ք: «Ձմաքուր տեղ չափեց յըռէջ ինք վերուց. յմէն քիլուն լէ կոտ մի վերուց. շահնու համար»: Պարզ է. 8-ից մէկ վերցնում են իրր հարկ, իսկ խրաքանչիւր քիլէից էլ մի կոտ իրր շահնայի և միւլթեղիմի բաժին, որ բոլորը միասին՝ 12-ից 2 քիլէ է անում. Այդ տարին (1897 թ.) քիլէն արժէր 100 դահ. — սւրեմն առել են 200 դահ.: Գըլ-գիլ ցանկէ է 3 կոտը հողի վրայ: Վեց կոտնոց

անջուր հողը տեղ է 15 քիլէ, 2 կոտնոց ջրովի հողը 8 քիլէ և 3 կոտնոց ջրովի հողն էլ 12 քիլէ. բնդամենը ստացել է 35 քիլէ ճերմակ զրլզիլ, որից վերցրել են 4 քիլէ և 2 կոտ: Քիլէն արժէր 88 դահ: Վերցրածն անուժ է 374 գահեկան:

Յանել էր 3 կոտնոց մի արտ էլ կարմիր զրլզիլ, որ տեղ էր 5 քիլէ (40 կոտ). գրանից էլ վերցրել էին 6 կոտ (5 աշար, 1 շահնի բաժին), որ անուժ է $37\frac{1}{4}$ գահ.:

Յիշելու է, որ մի կոտ զրլզիլը բռնում է ցանած ժամանակ) 4 կոտ ցորնի տեղ:

Գիւլն ունի մի համայնական խոտհարքի տեղ: Այս ընտանիքի բաժինն ընկնում է առհասարակ 3—5 բարդ (բարդը 30 խուրձ): Խոտը քիչ է, դրա համար էլ առհասարակ շոր տերևներ են հաւարում և կենդանիներին ուտեցնում: Կառավարութիւնը հարկն առնում է մշտապէս՝ խոտի ամեն մի խուրձը գնահատելով 5 գահեկան: Մի բարդն անում է 150 գահ., լակ 3—5 բարդը 450—750 գահ., որի $\frac{1}{8}$ -ը անում է $56\frac{1}{4}$ — $93\frac{3}{4}$ գահեկան:

Կաղամբի բանջարանոցը մի կոտ ցորնի տեղ է: Ամեն տարի առնում են իրր աշար 15 գահեկան, լաւ է, վատ է բերքը՝ հարցնող չկայ: Եղած կաղամբը կամ այլ բանջարեղէն-

ներք ծառայում են միայն ընտանիքի գործածութեան և երբէք վաճառքի չեն հանում:

Այս բոլոր հարկերի գումարն անում է $1057\frac{1}{2} - 1100\frac{1}{4}$ դահ. կամ 84 ա. 60 կ. — 88 ուրլի:

VI. Երզնկայի շրջանի, Ագարակ գիւղի՝ Թռւմանեանի ընտանիք, միջակ կարողութեան տէր:

Ունի. — 9 անգամ, 6-ը տղամարդ (մէկը 20 տարի է պանգխտած է) և 3-ը կին.

Տուն, գոմ, մարագ, 5 սամարի չափ հող, 2 կոտնոց մի պարտէզ և 6 — 7 կոտնոց մի այգի:

Երկու կով, 2 հզ: Ոչխար ունէին բաւական տարիներ առաջ, այժմ չունին: Գիւղում հզած 60 տուն հայերից՝ 20 տունը հազիւ ոչխար ու այժ ունենայ, այն էլ 100 հատի չափ իսկ 50 տուն թուրքերը դուրս են հանում մինչև 300 — 500 ոչխար: Հայերի ոչխար չպահելու պատճառներից մէկն է և մասամբ խամչարը, իսկ գլխաւորը՝ քրտերի ու թուրքերի թալանը, բուրտ ու թուրք հովիւների բուրդը խուզկը, կաթը վաճառելը և այլն. հայը վախենում է այդ կողմերում հովիւ լինել. բոլոր հովիւները թուրքերն ու քրտերն են:

Վճարում է. — բէղէլը էսկէրիէ՝ $6 \times 45 = 270$ դահ.: Հողերի համար. — մի արտ՝ 16 կոտի

տեղ—19 դահ., միւսը 7 կոտի տեղ—5 դահ.,
 հրրորդը—16 կոտի տեղ, — $9\frac{1}{2}$ դահ., շորրոր-
 դը՝ կրկին 16 կոտի տեղ— $6\frac{1}{2}$ դահ.—վճարը
 հաշւած է հոգերի պտղաբերութեան համաձայն:
 Տան, գոմի, մարազի և մնացած արտերի հա-
 մար (24 կոտի տեղ ևս) — 38 դահ.: Այգու
 համար—7 դահ.: Սրանց վրայ էլ աւելացնելու
 է հարկահանի բաժինը՝ 1 դահեկանին 3 փարա,
 որ անում է բոլորը $6\frac{1}{2}$ դահ.: Արեմն՝ բոլոր
 հոգերի և շէնքերի հարկերն անում են $91\frac{1}{2}$
 դահ.: Վկայութիւն տուողը եղիլ է բաւական
 ժամանակ գիւղապետ ու գրապիր):

Եւթ֊փարասը 2 հասակաւորներից՝ $2 \times 22 =$
 44 դահ.:

Այգու աշարը միջակ տարին 103 դահե-
 կան է, իսկ այգու պահպանութեան համար
 վարձւած թուրքին ինքը վճարել է 15 դահ.:
 Այս պահապանը վարձուում է մի քանի այգե-
 տէրերի կողմից՝ ընկերովի եթէ թուրք պա-
 հապան չլինի՝ թուրքերը մի ճիթ խապող չեն
 թողնի, բոլորը կը գողանան:

Թթենիների և այլ մրգատու ծառերի
 պարտէզի համար աշար—18 դահ (սրա բերքը
 տնեցիներին անգամ բաւական չէ):

Միւս բերքերի աշարի վրայ մի թիչ կանգ
 առնենք:

1896 թւին ստացել է 350 կիլոգրամ կամ լիտր (լիտրը = մօտ $2^{2/5}$ գրւանքայ) գինի, որի համար աշար վճարել է 46 դահ. (ի հարկէ բացի այդու 118 դահեկանը):

Ամեն մի ընտանիք — մեծ, թէ փոքր — 150 կիլօ գինու համար ոչինչ չի վճարում, որովհետեւ այդքանը նշանակում է իբր թէ գործածութեան համար: Ուրեմն՝ այս ընտանիքից 200 կիլօյի համար վերցրել են 46 դահ. աշար: Տունը, գոմը, մարագը, խոտը, փայտերը խուղարկում են, որ գինի թաղցրած չլինեն: Քինու դարա-հոխան (400 գրամ կամ մօտ $3^{1/4}$ ֆունտ) ծախում է տեղում ամենաշատը 2 դահեկանով, իսկ առնւազը $1/2$ դահեկանով: Իսկ կառավարութիւնը, հարկն առնում է կիլօյի հաշուով (312 գրամ կամ մօտ $2^{3/8}$ ֆունտ) և կիլօն էլ անփոփոխ 3 դահեկան գնահատելով:

Եթէ գինին մի գաւառից միւսը տանեն, պէտք է «թէսքէրէ» առնին կառավարութիւնից և նորից՝ համաձայն գինու չափին՝ «ներքին մարս» վճարեն 100 ին 8-ը ¹⁾:

¹⁾ 1900 թւի ամառը սուլթանական մի իրադէտով ներքին մաքսը ջնջւեց և փոխարինւեց փոխադրուող սպրանքի արժէքից 100-ին 2 դինւորական տուրքով: Հաւաքած գումարը պէտք է գնուլ բանակի կանոնաւորման և այլ գինւորական ծախքերի համար:

Արւոյտ (եօնջա) ցանկէ է 12 կոտի տեղ-
6 կոտ սե, 6 դեղին կոշւած տեսակներից:
Ստացել է 3 բարդ սե, 3 բարդ դեղին: Կա-
ռավարութիւնն առել է իբր թէ $1/8$ -ը. հաշ-
ւելով $1\frac{1}{4}$ դահ. դեղնի համար, 2' սեի: 90-ա-
կան խուրձի $1/8$ -ը հաշւելով 11-ական խուրձ,
ստանում ենք $13\frac{3}{4}$ և 24 դահ. իբր աշար ար-
ւոյտի: Եւ իսկապէս, այս ընտանիքը 1896-ին
վճարել է ուղիղ 28 դահ. արւոյտի աշար:

Յանկէ է վիկ կոշւած խոտից 4 կոտի
տեղ և ստացել է 40 խուրձ (մի բարդ—10
խուրձ) որից 5 խուրձը առնել է իբր աշար.
խուրձը $2\frac{1}{2}$ դահեկան հաշւելով՝ առել են $12\frac{1}{2}$
դահեկան:

Վարունգի բոստանը 6—7 կոտի տեղ է:
Եթէ բերքը բոլորովին նւազ է կամ չկայ՝ առ-
նում են 50 դահ., իսկ եթէ լաւ բերք է—
120 դահ.: 1896-ին, որին վերաբերում է մեր
այս հաշիւը, առել են 120 դահ.:

Լորի ցանում է միշտ 10 կոտի տեղ:
96 ին ստացել է 4 սոմար (սոմարը 16 կոտ
կամ մօտ $15\frac{1}{2}$ փութ է). իսկ 1898 ին միայն
2 սոմար: Աշարը հաշւում են 8-ից 1-ը, եթէ
փոզով վճարել ուղենաս, իրենց ուզած գինն
են նշանակում, իսկ եթէ չհամաձայնելս գնի
հետ և բերքով տաս՝ ինքզ պէտք է տանես

վճարածդ աշարը մինչև կենտրոնական քաղաքը — մինչև Երզնկա: Միջակ տարին ծախում է կոտը 7 դահեկանով, ուրիմն՝ 4 սոմարից $1/2$ սոմար կամ 8 կոտ՝ անում է 56 դահ.:

Մհացած հոգերը, 30 կոտի չափ էլ ուրիշներից քրեհով վերցնելով՝ ցորենն ու գարի են ցանում: Առանց քրեհով վերցնելու, իրենց հոգերով ապրել չեն կարողանում:

Յիշւած տարին ցանել են 2 սոմար և ստացել 12 սոմար: Աշար վերցւում է $1\frac{1}{2}$ սոմար, իսկ ծառայողների համար էլ միշտ $1/2$ սոմարաչափ՝ ուրեմն՝ առնում են 12-ից 2 բարածին: Սոմարի գինը՝ վերջինս գէպրերից յիշտոյ միշտ եղել է 80—115 դահ.: Աւրեմն՝ աշարն անում է 160—230 դահ., եթէ, նոյն իսկ տեղական գներով հաշւենք: Իսկ եթէ ուղենար գրամով վճարել՝ կամ Երզնկայի, կամ Երզրումի կամ Տրապիզոնի թանգ գներով են հաշւում ու հարկն առնում:

Նոյն տարին գարի ցանել էին 8 կոտ, ստացել միայն 48 կոտ: Չորրորդ զօրաբանակի ներկայութիւնը միշտ բարձր է պահում այդ կոպմերում գարու գինը: Սոմարը, համարեան միշտ, ծախում է 70—80 դահեկանով: Սրա էլ աշարն անում է $(48 \cdot \frac{1}{8} \text{ը} = 6, \text{ աւերացրած } 1 \text{ կոտ՝ ծառայողների բաժինը}) = 36—40 \text{ դահ.}:$

Այս բոլորի գումարն անում է 918 — 1062
դահ. կամ 73 ո. 44 կ. — 84 ո. 96 կոպ.

VII. Մշու դաշտի Այւստիկց գիւղի Յա-
կոբի ընտանիքը:

Սա առաջ համարում էր գիւղի ազրատ
ընտանիքներից մէկը, որովհետեւ հող քիչ ու-
նէր, իսկ այժմ, հողերն անմշակ ընկնելուց
յետոյ, համարում է ամենահարուստներից,
որովհետեւ իւր երկու հասակաւոր անդամները
գտնում են օտարութեան մէջ և փող են աշ-
խատում. մէկը Տփլիսում. ամսական 11 ուր-
լի է ստանում (1898-ին), միւսը Չմիւռնիայի
մօտերը, երկաթուղու գծի վրայ պահապան է
և ստանում է ամսական 15 մէջիդ (մի մէջիդը
մօտ 1 ո. 60 կ. է): Այս երկու աշխատաւոր-
ները տուն փող են ուղարկում և *փոդայիկն*
հարկերի դժոխային ծանրութիւնը մի քիչ
թեթեացնում:

Ունի՝ 15 անդամ, որոնցից 10-ը տղա-
մարդ են (երկուսն ամուրի են և 14 տարի է
օտարութեան են դուրս եկած), իսկ 5-ը կիւն:

Կէս պղիկ հող, որ կարող է տանել 6 քի-
լէ ցորեն կամ 48 փութ 8 ֆունտ: Մի տուն,
մի գոմ, մի մարագ, մի կալ և մի այգի (մօտ
7 փութ ցորենի տեղ), որոնց բոլորն էլ հաշ-
ւած են, կէս պղիկ հողի տարածութեան մէջ:

Վեց եզ, 2 գոմէշ, 2 մատակ, 3 կով, 3 հորթ
և մի գոմէշի ձագ, կամ կօծու:

Վճարում է. բէզէլը Լսկէրիէ՝ $10 \times 42 = 420$ դահ. $\frac{1}{2}$ պղիկ հողի համար՝ տան և հո-
ղի հարկ = 25 դահ.: Եօլ-փարասը — մի մար-
գու համար = 15 դահ.: Այգու համար՝ 216 —
324 դահ., նայելով բերքին, խակ բերքը միշտ
քիչ է և ծառերն էլ հետզհետէ կտրտում են,
որովհետև միրգը պնոզ չկայ և աշարը ծանր
է. Խոտհարքի չսչիւրջ տալիս է 12 բարդ,
խոտ — «դոլորդ» (լաւ) և «փալտիս» (վատ) տե-
սակներից (5 բարդ լաւ, 7-ը վատ): Հասա-
րակ տեսակ խոտի ամեն մի բարդի համար
աշար վճարում է փոքով 25 — 30 դահ., որ
անում է 175 — 210 դահ., խակ լաւ տեսակի
բարդից 30 — 40 դահ., որ անում է 150 —
200 դահեկան:

Արւոյտ ցանում է փոքր արտի մէջ, որից
ստանում է մօտ 5 — 6 բարդ, խակ ամեն բար-
դին վճարում է 50 — 60 դահ. աշար, որ ա-
նում է 250 — 300 դահ., հաշուելով միայն
5 բարդ:

Այս ընտանիքի ցորնի ու վարու աշարը
բաւարար ճշտութեամբ չկարողանալով պարզել,
աւելորդ համարեցի կզած թւերը առաջ բերել:

Եզած հարկերը — բացի ցորնինը և գա-

բունը — միասին հաշելով՝ ստանում ենք 1251
— 1494 դահ. կամ 100 ս. 08 կ.— 119 — 52 կ.

VIII. Տրապիզոնի վիշապերի, Եօնու-
րա նահիեի Գաշարկա գիւղի՝ Փոռասեան
ընկանիս: Գիւղը բաղկացած է 400 տուն տա-
ճիկներից և միայն 50 տուն հայերից: Հայերի
մէջ այս ընտանիքը համարւում է հարուստնե-
րից մէկը:

Ունի՝ 9 անգամ, որսնցից չորս տղամարդ
(2 հասակաւոր) և 5 կին:

Հոդ — արտ՝ միայն 10 կոտի տեղ: Ընդ-
հանրապէս այդ գիւղը վարելահողեր չունի,
սրովհետև շրջապատւած է կաղնի (Ֆնդուղի)
անտառներով և բնակիչների համարեւմ միակ
գործը և սեփականութիւնն այդ բերրի մշա-
կումն ու առևտուրն է:

Մի խրճիթ, մի գոմ խրճիթի տակը, մի
մի «սրանգէլ» կամ «կօրոսպ» (կաղին կամ
կղիպտացորեն լցնելու տեղ): Կաղնու այգի —
մօտ 150 կոտի տեղ: Սեփական անտառ — մօտ
200 կոտի տեղ: Իսկ խոտ քաղում են գիւղի
համայնական անտառից: 12 հատ էլ կով ու եզ:

Վճարում է. բէդէլը-էսկէրիէ՝ ամեն մի
անձի համար $42\frac{1}{2}$ դահ. = 170 դահ.: Բոլոր
հողերի և շէնքերի էմլաք — 150 դահեկան:

Տաւարներն ամառը քշում են «Եայլա»

(ամարանոց), որի տեղը կառավարութեանն է. դրա համար վճարում են ամեն մի գլխին $8\frac{1}{2}$ դահ., որ անում է 102 դահ.:

Եօլ-փարասը 2 հասակաւորների համար. $2 \times 12 = 24$ դահեկան:

Յանում են 10 կոտ եգիպտացորեն (սի-մինդր), որ տալիս առհասարակ 16 սոմարի չափ: Երկրի մէջ կոտը ծախուում է 5 դահեկանով՝ ուրեմն՝ բոլորն արժենում է 1,440 դահ.: Գրանից աշար առնում է առնւազը 200 դահ.:

Կաղին ստացում է 10 12 բեռ (բեռը մօտ 88 հոխա, հոխան $= 3\frac{1}{4}$ ֆունտ) յաջող տարին. միջակ տարին 6 և վատ տարին 3 բեռ: Կապալառուն՝ միջակ տարին՝ ամբողջ գիւղի աշարն առնում է 30,000 դահեկանի: Գիւղի թուրք բնակիչների բուսական խոշոր մասն «աղաներ» են, որ ազատ են աշարից. նրանց աշարն էլ ծանրանում է 50 տուն հայերի և մի քանի տասնեակ տուն աղքատ թուրքերի վրայ: Այդ պատճառով էլ ամենավատ բերք եղած տարին անգամ (երբ միայն 3—4—6 բեռ հազիւ է բերք ստացւում և բեռն էլ 150—200 դահեկանի ծախուում) այս ընտանիքից առնում են 150 դահ.:

Այս բոլորի գումարն անում է 796 դահ. կամ 63—68 կոպէկ:

* * *

Քիչ, չափազանց քիչ են մեր ունեցած
 թւերը միջին հաշիւ, ընդհանուր եզրա-
 կացութիւններ դուրս բերելու և համեմա-
 տութիւններ անելու համար: Բայց «անճարը
 կերել է բանջար» — ասում է առածը: Ուրբան
 թւեր ունինք՝ առ այժմ բաւականանանք նրան-
 ցով՝ միայն զգալով, որ արդիւնքը բաւարար
 գիտականութիւն չի կարող ունենալ:

«Կապույտ Գրքի» տւած 3 գլուղների հա-
 մար միջին թւերը հետևեալն են ամեն մի ըն-
 տանիքի համար:

- | | | | | |
|-----------------|----|----|------|-------|
| 1) Հողի գիւղ | 36 | 48 | կող. | հարկ: |
| 2) Սիւնե գիւղ | 36 | 48 | „ | „ |
| 3) Մամուսա գիւղ | 37 | 60 | „ | „ |

Մեր հաւարած 8 ընտանիքներ.

- | | | | | |
|---------------------|-----|----|---|---|
| 4) Վերին-Սարեն գիւղ | 19 | 28 | „ | „ |
| 5) Եղեգիս գիւղ | 30 | 84 | „ | „ |
| 6) Բեշու գիւղ | 56 | 80 | „ | „ |
| 7) Աբուլ-Բահար գիւղ | 62 | 44 | „ | „ |
| 8) Ծղակ գիւղ | 84 | 60 | „ | „ |
| 9) Ագարակ գիւղ | 73 | 44 | „ | „ |
| 10) Աշխարհնց գիւղ | 100 | 08 | „ | „ |
| 11) Գաշաղիս գիւղ | 63 | 68 | „ | „ |

Բոլորի ընդհանուր գումարը կազմում է 601 ուրլի 72 կ., որ բաժանելով տաժ 11 ընտանիքի վրայ՝ ստանում ենք 54 ուրլի 70 կ.:

Այսպէս ուրեմն՝ եղած փաստերն ու թւերը տալիս են, միջին հաշուով, ամեն մի ընտանիքի համար 54 ու 70 կոպէկ հարկի չափը:

Լաւ ծանօթ լինելով մեր ժողովրդի և մանաւաղ թրքահայ գաղթականների բնաւորութեան, գիտենք, որ, իրենց խեղճութիւնը, կրած դժոխացին տառապանքներն աւելի ևս ուղեւորով դունաւորել, յաճախ դիմում են չափազանցութիւնների: Այդ պատճառով էլ մենք վերցնում և երկու անգամ—լաւ լսեցէք—երկու անգամ—քչացնում ենք այդ միջին չափը ենթադրելով, որ անպատճառ չափազանցրած կըլինեն իրենց թւերը փաստերը մեզ պատմողները: Այդպիսով, մենք համոզւած ենք, որ իրերի եղած գրութիւնից քերէն ւաւելի պակաս կըլինեն. իսկ այդ աւելի լաւ է, քան մեծացնել եղածը և մարդկանց զցել սխալ գատողութիւնների ու սարսափների ծուռ ճանապարհը:

Փոխանակ ամեն մի ընտանիքի վրայ 54 ու 70 կոպէկ ծանրացնելու, հաշուենք ուրեմն զրա կէսը—27 ու 35 կոպ.: Մենք կարծում ենք, որ այս արդէն չափազանց խիստ

վերաբերմունք է, որ ծառայում է եղած կարգերի օգտին:

Այդքան քչայնեկուց յետոյ՝ այժմ համեմատենք Տաճկա-Հայաստանի ամեն մի գիւղական ընտանիքի վճարած հարկը Ռուսա-Հայաստանի կամ ամբողջ Կովկասի պետական գիւղացիների վճարածի հետ:

„Изучение быта рос. крестьянъ на Кавказѣ“ լուրջ հետազոտութեան հարկերին վերաբերող հատորում մենք գտնում ենք հետևեալ միջին թւերը.

Ամեն մի ընտանիք վճարում է. — միջին չափով.

- | | | | | | |
|---------------------|----|----|----|----|-------|
| 1) Թիֆլիսի նահանգ | 13 | ա. | 75 | կ. | հարկ. |
| 2) Քուծայիսի նահանգ | 10 | „ | 36 | „ | „ |
| 3) Երևանի նահանգ | 15 | „ | 21 | „ | „ |
| 4) Բազուի նահանգ | 13 | „ | 14 | „ | „ |
| 5) Պանձակի նահանգ | 16 | „ | 05 | „ | „ |

Այս հինգ նահանգի էլ միջին թիւը գուրս է զայիս 14 ա. 09 կոպէկ¹⁾:

Այսպէս ոչ կամ՝ Տաճկա-Հայաստանում ամեն մի ընտանիք վճարում է 27 ա. 35 կ. սարեկան հարկ, իսկ Կովկասի գիւղացի ընտանիքը՝ 14 ա. 09 կ.:

¹⁾ Այդ թւերը վերաբերում են մեր երկրում մինչև 1901 թիւը գոյութիւն ունեցող հարկերին: Եթէ մենք վերջնենք այժմեան հարկերը Կովկասի գիւղացիների համար, գուցէ թէ տարրեր պատկեր ստանանք...

Թւերը խիստ պերճախօս են, այնտեղ մարդիկ երկու անգամ անելի են վճարում այն ժամանակ, երբ թալանը, սրածուծիւնը կատարում են մշտապէս և օր-ցերեկով, երբ կեանքի ու աշխատանքի, գոյքի ու պատւի ապահովութիւնը բացակայում է ընդհանրապէս: Աւերացրէք զրա վրա հնչիւն դրամի պակասութիւնը, կաշառարակերութեան ճակատագրական անհրաժեշտութիւնը, աւելացնենք քրդի հարկն ու թալանը, հոգևորականի պտղին, զինուորների և առախանաւորների կերածն ու փշայրածը. վաշխառուի կեղերումը... և այն ժամանակ պարզ կը լինի, թէ ինչն է մարդիկ անօթի են, ինչն է նրանք ստիպւած եղան ընկել արեան փշոս նանապարհի . . .



